



افهام کتبخانه‌سی

عدد

۳

خط سلطنت

بغداد دمیر یولی

مؤلفی


دوقتور پول روباخ

آناطولی و آلمانلرک تشبثات استعماریه‌سی — آناطولی نه‌در؟ —
 تورکلر ناصل یشایه‌یلیرلر — آئرلر نه‌دن ازیل‌ورلر؟ — مکلفیت عسکریه
 مسئله‌سی — بغداد مسئله‌سنک جهت سیاسییه و اقتصادی‌سی —
 آلمانیا . انکلترة اغتلافنک اسبابی — آلمانیا دونانماسز یشایاماز —
 چنبرلین په‌لنقه‌سی — خطک کذرکاهی — تشکلات ارضیه و احوال
 طبیعیه‌یه کوره اقسام مختلفه . — مختلف پروژملره نظر آ کذرکاهلر —
 انکلیز ، عثمانلی ، آلمان نقطه نظرلی — مسئله زراعیه ، شهرلر
 و ویاقوقس — خط سلطنتک کذرکاهی کوسترن خریطه .

استانبول

افهام مطبعه‌سی

۱۳۳۱



تنگنه

نام و نام خانوادگی

تاریخ تولد

۱- نام و نام خانوادگی: ...
 ۲- نام پدر: ...
 ۳- نام مادر: ...
 ۴- نام و نام خانوادگی: ...
 ۵- نام و نام خانوادگی: ...
 ۶- نام و نام خانوادگی: ...
 ۷- نام و نام خانوادگی: ...
 ۸- نام و نام خانوادگی: ...
 ۹- نام و نام خانوادگی: ...
 ۱۰- نام و نام خانوادگی: ...

نام و نام خانوادگی

تاریخ تولد

۱۳۷۱

محل تولد

افهام کتبخانه سی

عدد

۳

فطالت

بغداد دمیر یولی

مؤلفی

دوقتور پول روبارخ

استانبول

افهام مطبعه سی

۱۳۳۱

STX 95

HE 3390

B2 R73193

1915

خط سلطنت

بغداد دمیر یولی

آناطولی و آلمانلرک تشبثات استعماریه سی — آناطولی نه در؟ —
تورکلر نصل یشایه بیلیرلر؟ — آنلر نه دن ازیلیورلر؟ —
مکلفیت عسکریه مسئله سی .

هرنه سبیدن اولور ایسه اولسون بغداد تشبثی علیهنده
بولنوبده بونی چور و تمکه عزم ایتمش اولانلر ایله تشبث
مذکور حقنده عثمانلیلر تزدنده بر سوء ظن و شبهه حصولنه
بلا اختیار سبیت ویرنلرک ایکیده برده اورتهیه چیقاردقلری بر
ادعا وارسه اوده بغداد خطنک کیفیت انشاسی ایله آناطولی
وعراق قطعاتنه آلمان اهل مستعمره سوقی مسئله سی آره سنده

شدت ارتباط موجود اولدیغی یولنده کی ادعای غریبدر .
 اناطولینک المان قومنک فعالیت استعماریه و تمایلات اتساعجو-
 یانه سنه واسع و مساعد بر زمین تشکیل ایده بیله جکی فکری
 ایلک دفعه اوله رق بوندن یارم عصر اول (هاه) دار الفنون
 معلملرندن (لودویغ روس) نام ذات طرفندن ، آسیای
 عثمانییه اجرا ایتدیکی برسیاحت تتبعیه عقینده میدان قونمشدر .
 بوفکر و تصور اوتوز شوقدر سنه گوشه نسیانده قالدقدن
 صکره تقریباً یکرمی سنه اول تکرار موضوع بحث اولمش
 و آلمانیا - ترکیه مناسباتنک غیر مسبوق برصمیمیت و حرارت
 پیدا ایتسنی متعاقب بعض محافلجه عادتاً جدیتله تلقی ایدلمکه
 باشلانمشدر . آرتق بونک اوزرینه آناطولییه هیچ ایاق
 باصامش اولان بر طاقم کیمسه لر طرفندن قطعه مذکوره
 اراضینک قوه انباتیه سندن و آب و هواسنک جیادت و صاء
 فیتندن باحث رساله لر قلمه آلدیغی کبی آناطولییه مهاجر
 سوقندن تحصیل ایده جک ثمرات و منافعی حاکی قونفرانس لر
 ویرلدی . بو یولده اجاله قلم و اداره کلام ایدنلر آناطولییه ،
 آلمانیا دن بر سیل خروشان حالنده آقوب کیده جک جریان
 مهاجرتی آغوش شفقتنه قبوله مهیا و خواهشکر بر مملکت
 صورتنده تصویر ایتکده درلر . آلمانیا شرقده منافع جدیه تأمین
 و پیدا ایده لی آنجق بر قاچ سنه اولدیغی هر نصلسه عقلرینه
 کتیر میان بعض کیمسه لر شرق احوالی حقنده هر نه وقت بر

مباحثه آچیلسه مجرای کلامی در حال مستملکات مسئله سنه
 انتقال ایتدیرمکدن کندیلرینی آله مدقلری کبی ممالک عثمانیه ده کی
 موقع ونفوذ مزه دائر بر ایکی سوز سویلکه قالدیشانلره - ولو که بو
 سوزلرک هربری شرق قریبده تأسیس مستملکات نظریه سی
 علمینده واضح و قطعی بر برهان اولسون - بر طاقم آمال
 التواعکارانه و فتوحاتجویانه عطف ایتمکدن خالی قالمیورلر .
 محقق بر شی وار ایسه اوده : حکومت عثمانیه ایله مناسبات
 دوستانه تأسیس ایتمکدن بشقه املی اولمیان آلمانیا نیک بو
 زمینده کی مساعیسنک تحتنده ، ایلاک فرصتده ممالک عثمانیه یه
 وباخصوص آناطولی قطعه سنده اون بیکلرجه وبلکه ده یوز
 بیکلرجه آلمان کویلیسنی دوکمک فکر مضمیرینک مختفی بولندیغی
 حقنده عثمانیلر ده برشبه حاصل اولور اولمز شرقده کی موقعمزک
 طول مدت ایچون محو و مضمحل اوله جنی کیفیتیدر . آلمان
 ملتک آناطولی قطعه سی حقنده کی معلومات و مسموعاتی او قدر
 مبهم و مشوش بر طاقم شیلردن عبارتدر که بو خصوصده تنویر
 افکاره خادم اوله جق بعض طوغری تفصیلات ویرمکی لازمه دن
 عدا ایدیورز :

آناطولی حقنده حاصل ایدیان یا کلش فکرلردن بری
 بو قطعه نیک آسیای صغرآنک بر شبه جزیره شکنی ارانه ایدن
 قسمندن ماعدا دجله و فرات نهرلرینک یوقاری حوضه سیله
 بصره کورفرزینه قدر اوزانان آشاغی حوضه سنی و سوریه

منطقه سنی جامع و حاوی اولدینی حقنده کی فکر لر در . شایان
حیرت در که اک مهم آلمان جرائدی بیله بو خطایه دوچار اولیور لر .
آناطولی و اسم دیکری اولان آسیای صغرا تعبیر یله آنجق
طر بزوندن اسکندرونه قدر ممتد اولان بر خط مفروضک
غربنه دوشن اراضی قصد اولنیور . بو خطک شرقنده کی ممالک
ولایات شرقیه دن عبارت اولوب جنوبنده فرات و دجله نهر لرینک
وادیسی کائندر - که دوم دوز براووه حالنده اولان بو حوالینک
قسم شمالیسنه الجزیره و قسم جنوبیسنه ایسه عراق اطلاق
اولنور . قدیم بابل حکمدارلنی ایشته بو عراق ملکستنده واقع
ایدی . اسکندرون کورفرزندن بدأ ایله حدود مصریه یه قدر
امتداد ایدن طار واوزون اراضی ساحلیه اسکیدن اولدینی کی
شمیدی ده سوریه نامیله یاد اولنیور .

اوچ طرفی دکنز ایله محاط بر شبه جزیره شکلی حائر اولان
اصل آناطولی ایله آسیای عثمانینک اقسام سائره سی آره سنده
مهم فرقلر مشاهده اولنیور . اصل آناطولی قطعیه سی بر کتله
کشیفه حالنده یشایان ترکلر ایله مسکون اولدینی حالده بونک
شرقنده و جنوبنده کائن جسم ساحلر سکینه سی تورک قومندن
غیری عروقه منسوب و تورک لسانندن بشقه السنه ایله متکلم
بولنیور ، کورد و ارمنیلر ایله مسکون ولایات شرقیه قطعیه لرینک
اراضیسی صوک درجه طاغلق اولمی اوروپا مهاجرلرینک
اورایه یرلشمسنه قارشو یک بیوک بر مانع تشکیل ایدیور .

آسیای عثمانینک مستملکات تأسیسنه الویریشلی یکانه یرلری
 عرب لسانیه متکلم اقوام ایله مسکون سوریه، الجزیره،
 عراق قطعهلری اهالیسی اکثریت اعتباریه تورکلردن ترکیب
 ایدن آناتولی الکاسیدر. آناتولی، اکثریسی اووهلرده
 و یا یلالرده زراعتله و بر قسم قلیل شهرلرده خدمت و صنعتله
 مشغول آلتی میلیون تورکی احتوا ایدیور. تورکلر عثمانلیلغک
 اوزی، چکردکی اولدقلری کبی دولت عثمانیه نك اک متین واک
 شایان اعتماد، سیاسی و عسکری استناد کاهنی تشکیل ایتمکده درلر.
 اصابت فکر و رأیله معروف و مسموع الکلم بر ذات
 مشهور - که عثمانلیلره قارشو دائماً بیوک برتوجه و خیرخواهلق
 کوستر مشدر - ماورای ابخارده کائن اولوبده آناتولییه
 ارتباطلری پک کوشک اولان یرلرک (بوندن مقصد روم ایلی،
 طرابلس کبی آناتولیدن دکزلرله آیرلمش قطعاتدر. عثمانلیلره
 خیرخواه ذات کلهجه بونک مارشال فون درغولچ اولسی
 اغلب احتمالدر - مترجم) پی در پی الدن چیقارلمسینی تورکلره
 نصیحت ایتمش و بو عملیه نه قدر سرعتله وقوع بولور ایسه ترکیه
 ایچون او قدر ای اوله جغنی علاوه سويلشدر. ترکیه آنجق
 بو صورتله اوروپا و آسیا هیئات دولیه سی آرمسنده پایدار و باقی
 اوله بیله جکدر. حالبوکه دولت عثمانیه نك آنجق کندی قوه
 اساسیه سیله یعنی آناتولی تورکلریله اوچ قطعه ارضه طاغیلمش
 اولان ممالک جسیمه سنی مدافعه و محافظه ایتک غیرتنده ثبات

ودوام ایتمی عسکرلک بار ثقیانی عصرلردنبری آموزلرنده
 طاشیان تورک عرقنی نهایت بی تاب و بی مجال براقه جق و بوحال
 چوق کچمه دن ترکیه ایچون مشئوم نتیجه لر حاصل ایده جکدر.
 مع مافیه شوراسنی سویلیه لم که ترکیه ده هر هانکی بر حکومت
 رأس کارده بولنور ایسه بولنسون بولنردن هیچ بری بویله
 بر قطع عضو عملیاتنک تحت الزمیتده اولدیغنی درک و تقدیر
 ایده میه جکدر. بناءً علیه بومسئله حقنده نه دنیلسه و نه یازیلسه
 بوندن هیچ بر فائده حاصل اوله میه جکدر. اگر ترکیه ده
 مشروطیت اداره تأسیس اولمسه و تموز انقلابیه دوریلن
 دوراستبداد بر مدت دها دوام ایتسه ایدی بالاده ایما ایتدی کمز
 فلاکت ایر کج ترکیه نك باشنه کله جکدی.

چونکه دور مذکورده تورک عنصرینه آنک تحمل
 و طاقنی فوقنده اولان بر وظیفه تحمیل اولندقدن بشقه قوای
 ملیه نك بر قسمی بر صورت ابلهانه ده معطل و مفلوج بر حالده
 بر اقیلدیغنی کبی دیگر قسمی دخی هر درلو قواعد احتیاطیه
 خلافتده مجنونانه بر سماحتله اسراف واقفا اولندی. اداره
 جدید نك مکلفیت عسکریه بی خرسیتیانلره دخی تشمیل ایتمی
 بالاده کی سیاست سقیمه و غیر معقوله نك مضرات مده شه سنی
 اگلامش اولدیغنه بر دلیلدر. « خرسیتیانلردن عسکر آلمق
 مسئله مهمه و مشکله سی حقنده یکی ترکیه نك رجال عسکریه سندن
 بعض ذوات ایله تعاطی فکر ایتدی کم زمان بو تدبیره

افراد عسکریه‌نک مقدار یکی تزیدد ایتمک ایچون دکل
بلکه عنصر اسلام وبا خصوص تورک عنصری اوزرندن
عسکرلکک تحمافر سار بار ثقیانی ممکن مرتبه تخفیف ایتمک
مقصدیه مراجعت اولندیغنه قناعت کسب ایتدم. اعتراف ایتدی که
بو تدبیر الزم و ضروری ایدی. مع مافیه حکومت عثمانیه بونکله اکتفا
ایتمک مکلفیت عسکریه‌نی بلا تفریق جنس و مذهب افراد عثمانیه
تشمیل ایتمک چالیشماید. صوک زمانلره قدریالکمز خریستیانلر دکل
لکن تورک اولیان عثمانلی تبعه مسلمه‌سنک بر قسم مهمی خدمت
عسکریه‌لرینی ایفا ایتمورلردی. بونک سببی ایسه حکومت
عثمانیه‌نک بعض حوالیده اخذ عسکر قانوننی تطبیق ایده‌جک
قدر عزم و قوت صاحبی اولماسی ایدی. نه الجزیره و عراق
طرفلرنده کوچیه حالده یشایان عرباندن، نه شرقی آناتولیده
ساکن کردلردن، نه ده آرناوودلرک بیوک برنسلندن عسکر طویلا-
نموردی. کردلرک قابلیت عسکریه‌سندن و حس جنگاوریسندن
استفاده ایتمک هوسنه دوشن عبدالحمید روسیه‌ده موجود قزاق
آلایلرینی اوزاقدن آکدیران و حمیدیه آلایلری دییه یاد اولنان
کرد افرادندن مترکب بر طاقم قطعات عسکریه‌نی وجوده
کتیر مشنه‌ده احوال و خیمه و جدیده کوردلری مسقط
رأسلرندن اوزاق یرلره کیتمکه ارضا واقعا حکومتک موفق
اولسی بر آز مشکوک کورنمسی حد ذاتنده بر اساس فنییه
مستند اولیان بو تشکیلاتک قیمت عسکریه‌سنی پک زیاده

تنقیص ایدن احوال دندر . حکومت جدیدہ مکلفیت
 عسکر یہ اصولی ممالک عثمانیہ نیک الی حجرا اقسامہ قدر توسیع
 ایچون پک جدی ہمتلر صرف ایدیور . آرنالردلر تحت
 انقیادہ آلمش و بونلرک الیہ کی اسلحہ نیک اکثریسی جمع
 و مصادرہ اولمشدر . آز مقدارده دینج و توانا افراددن
 متشکل اولان و حورانک ایصسر چوللریلہ صرب طاغلرندہ ساکن
 بولنان درزیلر قومی رام ایدلمشدر . قریباً کوردلر حقندہ
 دخی عین صورتلہ حرکت اولنہ جغہ شبہہ یوقدر . حکومت
 عثمانیہ بی دها پک چوق اوغراشدیرہ جنی ظن و تخمین ایدیلن
 بومشکلات عظیمہ نیک اقتحامہ آز بر مدت ظرفندہ امکان
 حاصل اولسی حقیقی بر موفقیتدر .

آناطولیہ مهاجر سوق ایتک ترکیہ ایلہ اختلاف چیتارمقدر -
 عثمانیلرک شبہہ لری - عربلر و تورکلر - ارض فلسطیندہ آلماندر

مع مافیہ دائرہ انقیادہ آلمان ویا آتیا آلنہ جق اولان بو
 نیم مستقل اقوام و قبائل ترکلریلہ برکتلہ واحدہ ملیہ تشکیل
 ایدنجہ و عثمانیلرک حسیاتیلہ متحسس اولنچہ قدر دها اپی زمان
 کچہ جکدر . واقعا افراد ہر کون خدمت عسکر یہ لری نی ایفایہ
 مجبور ایدلملک شمدی یہ قدر یالکیز عثمانیلرک صرتندہ قالمش
 اولان عسکرلک یوکی خیلی خفیفلہ مشسہدہ بونلری تفتیش
 و مراقبہ آلتندہ بولندیرمق لزومی حکومت عثمانیہ بی اقوام
 مزکورہ یہ قارشو دها طول مدت قوہ عسکر یہ سنک مهم بر

قسمی استعمال ایتک مجبوریتندہ براقہ جقدر . ترکیہ نك استقبالہ
 بوکبی مشکلات و غوائلدن قورتیلہ جغنی ، داخل مملکتدہ احوال
 منتظمہ تأسیسنہ موفق اولہ جغنی فرض ایتسہك بیله آلمانیا
 ممالک عثمانیہ یه بیوک مهاجر قافلہ لرینی سوق ایتمکدن ینه
 احتراز واجتناب ایتلیدر . زیرا ترکیہ یه هجرت ایدہ جك آلمان
 کویلیلری ینه آلمانیا تابعیتندہ قالہ جقدر در که ترکیہ نك بوکاراضی
 اولسی صوگ درجه مستبعددر . یا آنلر عثمانلی تابعیتہ کیره جکلر در که
 بوتقدیرده هم کندیلری هم آلمانیا حکومتی بیوک بیوک مشکلاتہ
 معروض قالہ جقدر در . ممالک عثمانیہ ده ساکن اولان عناصر
 غیر مسلمہ یه آلمان خریستیانلردن متشکل یکی بر عنصرک انضمامی
 ترکیہ نك مشکلات داخلیه سنی برقات دها تزیید ایدہ جکسندن
 رجال عثمانیہ نك کندی مملکتلری ایچون برتہا که عدایدہ جکلری
 بومهاجرتک وقوعنه موافقت ایدہ جك قدر بصیرتسز طاور ائمارینه
 طوغریسی احتمال ویریلہ مز . بومسئلہ ده ایکی طرفدندہ فوق
 العادہ برخلوص نیت ابراز اولنسه بیله آناطولی یه آلمان
 مهاجرلرینی یرلشدیرمک تشبثندن هر حالہ بیوک اختلافلر تولد
 ایدہ جکدر . بناءً علیہ آلمانلرک انظار دقتنی آناطولی یه جلب
 ایتک و آنلری بومنطقه یه هجرت ایتک سوق وتشویق ایتک
 اوزره قولاً و تحریراً صرف همت وغیرت ایدنلر آلمانیا یه پک
 فنا برخدمتدہ بولنیورلر . آنلر دشمنلر مزک بوزمینده صرف
 اولنان بتون غیرتلی وسوزلری کمال دقت ایله قید و اشارت

ايدرك وقت مناسبده بزم ايچون پك مضر بر شكل و صورتده
حكومت عثمانيه نك سمع اطلاعه ايصال ايدە جكارندن امين
اوله بيايرلر . دوشونملى كه آلمانلر تركيه ده نه قدر سويابر ايسه
سويلسون، بر آرز خدعه و مهارت ايله عثمانليلرده عليهمزه بر
حسن شبهه اويانديرمق دائماً ممكندر .

طبقه منوره يه منسوب و عقل و اذعان صاحبي توركلارك، شمندوفر
تشبثاتى تركيه اراضيسنك اجانب طرفندن تملك و تصرفه طوغرى
آتيان ايلك خطوه صورتنده تلقى ايتدكلرينى بالذات مشاهده
ايتدم. بونلردن برى بكابر كون عينا شو سوزلرى سويلدى : « واقعا
شمى بزم ايله آلمانلر آره سنده بيوك بر محبت جاريدير . لكن اساساً
انكليزلره روسلردن دها ايني ادملر اولمه مه كزدن و آنلر كچي
اراضي مزه كوز ديكمش اولمك كزدن قورقارم . سز غالباً بغداد
شمندوفرينى مملكت مزي آلمانيايه ربط و الحاق ايتك ايچون
برايپ صورتنده قوللانه جقسكز » بوسوزلر بعض عثمانلى محافلنده
تركيه حقنده كى سياست مزي نه يولده محاكمه اولنديغنى كوسترييور.
در سعادتده ذاتاً قولاي اوليان موقع و وظيفه مزي بر قات دها
مشكل شد بزمك ايچون آنا طولى يه مهاجر سوقى لزومندن باحث
دها برقچ مقاله يازمق كافيدر .

آسياي عثمانينك يالكز توركلر ايله دكل لكن عربلر ايله
مسكون اقسامنه دخى مهاجر كوندرمك بر خطا اولوردى .
عرب دير ايسه ك بو كله يي معنای اصليسنده تلقى ايتما ليدر .

دمشق و یافه دن بغداد و موصله قدر متمد حوالی و سیعده مقیم
 عربلر عرقاً پک قاریش یقدرلر. دها طوغریسی بونلر ازمینه
 قدیمده عربلر شمش بر طاقم اقوامدان بشقه برشی دکدرلر.
 اقوام مذکورده محضاً عرب لسانیه متکلم اولدقلری ایچون
 ترکیهده ساکن اقوام سائرده بر آزا استخفافکارانه بر نظرایاه
 باقیورلر. لکن تورکلر طیمترلرندکی عزم و متانت و مفظور
 اولدقلری سائر بعض خصائل اعتباریاه عربلر فائق بر قومدرلر.
 علی العموم عربلر و باخصوص شام و سوریه عربلری
 آرهسندده مشاهده ایتدیکم عدم ثنویت حسنک باشلیجه سببی
 و الیدن قائم مقامه وارنجیه قدر بالجمله مأمورلرک در سعادتدن
 اعزام اولغسی ویریلر آرهسندن پک آزا مأمور انتخاب ایدلمسیدر.
 عربستانده آلمان مستعمراتی تأسیس مسئله سنه کمنجه
 بو قابل اجرا بر تصور دکدر. چونکه عربستانک شرائط
 اقلیمی سی آلمانلرک اوراده توطن ایتلرینه قطعاً
 مساعد دکدر. بوندن ماعدا عربستانک زراعتیه صالح
 اراضی محدوددر. واقعا ارض فلسطینده اوفاق بر آلمان
 مستعمره سی موجوددر. لکن بو مستعمره شمیدیکی حال
 معموریتی اکتساب ایدنجهیه قدر مستعمرلری گرمی اوتوز
 سنه مدتله اک بیوک مزاحم و مشاقه قاتلانغه مجبور اولمشلردر.
 برده بونلر اصل فلاحت ایاه دکل لکن اقالیم حارده مخصوص
 اشجار مئمره یتشدیرمکه مشغول بولنیورلر. نافه جوارنده

ساکن اولان بو مستعمر لراو قدر بیوک مشکلاته و شدید مهاجماته
معروض بولنیور لرکه، آنلرک تأسیس کرده سی اولان مستعمر دنک
کسب وسعت ایتسی، بستیون امکان خار جنده در. بغداد شمند و فرینک
کذرگاهنه مصادف حوالیده آلمانیانک بر نفوذ سیاسی احراز
ایتمی حقنده ممالک عثمانیه ده موجود اولان اندیشه دن آلمانیانک
دشمنلری هم تأمینات آچقه سی مسئله سنده مشکلات چقار مق هم ده
عثمانیلر بینده بغداد تشبثی علیهنده بر جریان افکار حصوله
کثیر مک ایچون پک ماهرانه بر صورتده استفاده ایلدیلر. انکلترونک
بزه خصم اولیان بعض محافلنده آلمان نفوسنک سنه دن سنه یه
فوق العاده بر صورتده تزايد ایتسی نتیجه سی اوله رق آلمانیانک
ارکچ مستملکات جسیمه ایدینک اضطرارنده قاله جفی یولنده
بر فکر و مطالعه بیان اولنیور. بتون روس محافلنک فکری
دخی بو مرکزده در. حالبوکه بونی سویلینلر آلمانیانک فضله
نفوسی ایچون آلمانیاده ده بر چوق سنه لر ایش بولمق ممکن
اوله جفی واهالیمزک آنجق یکر می ویا یکر می بش سنه صکره
طاشغه باشلایه جفی دوشونمیورلر. لیکن بو طاشقینلق حصوله
کلسه و المانیا، نفوسنی ارتق استیعاب ایدمه جاک بر حاله
کیسه بیه آلمانیا حکومتی انظار حرص و طمعنی فرات و دجاه
وادیلرینه هیچ بر زمان دیکمیه جکدر.

بالاده کی ملاحظاتی رد ایتکدن مقصد من بغداد خطی
مسئله سنک شوراده، بوراده و باخصوص عثمانلی مخالفنده تولید

ایتدیکی سو، تفهملری ازاله ایتمک و بو تشبثک قوه دن فعله
چیقماسنه مانع اولان مشکلات سیاسییه و اقتصادیه نك ممکن مرتبه
رفعنه چالیشمقدور .

*
* *

بغداد مسئله سنك جهت سیاسییه و اقتصادیه سی

بغداد مسئله سی آلمانیانك منافعه طوغریدن طوغرییه
تماس ایدن بر چوق وقایع مهمه سیاسییه ایله حائر مناسبت
بر مسئله در . آلمان سرمایه سنك و آلمان منابعك اشتراکیله
در سعادت بوغازندن بصره کورفرینه قدر بر خط انشا و تمديد
ایتمک فکر و تصویری ایلك دفعه اوله رق جدیتله نظر اعتباره
آلندیغی زمان آنجق بو خطك آلمانیا یه تأمین ایده جکی منافع اقتصادی
دوشونلمشدر . استقباله طوغری مد نظر ایدنلر خطك مرور
ایده جکی حوالی، ازمنه قدیمه ده حائر اولدیغی معموریت و آبادانی یی
تکرار اکتساب ایتدکن صو کره آلمانیانك پك زیاده محتاج اولدیغی
بغدادی، آرپه پاموق کبی مواد آتییه یی آناطولی و عراق دن جلب
ایتمک امکافی حاصل اوله جغنی البته عقلارینه کتیر مشلر در . مع مافیه
خطك بدایتده منحصرأ حائر اولدیغی ماهیت اقتصادیه الجای
زمان و احوال ایله یواش یواش ایکنجی درجه اهمیتیه اینمش
و خطك اهمیت سیاسییه سی بونسبتده آرمشدر . بوتبدلك اسبابی
آکلامق ایچون ۱۸۹۰ سنه سندنبری آلمانیا جه تعقیب ایدیالن
سیاستك صفحات متابعه سی نظر تدقیق دن کچیرمك اقتضا ایدر .

تاریخ مذکورده آلمانیا - انکلتزه مناسباتنده حصوله کلن تحول عظیم آلمان رجال حکومتی خارجی پولتیقه مزی یکی بر صفحهیه وضع ایتمهک مجبور ایشدر .

۱۸۷۰ محاربه سی عقبنده آلمانیا نك سیاست خارجی سنده حاکم اولان عامل فرانسه ایله اولان مناسبات نك شکل و صورتی ایدی . فرانسه - آلمانیا محاربه سنه ختام ویرن (فرانقفورت) معاهده سنك عقدی فرداسنده مارشال (مولتکه) ، « فتح ایتدی کمز اراضی بی محافظه اید بیلممز آنجق الی سنه مدته محربه مهیا بر حالد بولنمز ایله قابل اوله جقدر » سوزلرینی سویلشدر . پرنس (بسمارق) (افکار و خاطرات) نام اثرنده یدی سنه محاربه سنده اولدیغی کبی زمان حاضرده دخی فرانسه ، روسیه و آوستریا دولترینك آلمانیا علیهنده بر اتفاق عقد ایتلمری تهلیکه سنك وارد اولدیغی سویلشدر .

*
* *

آلمانیا انکلتزه اختلافنك اسبابی — آلمانیا دونماسز یشایه ماز —
چنبرله یین پولتیقه سی

بسمارق فکر نجه بو تهلیکه نك اوکنی آلق ایچون یالکنز بر چاره وارد رک اوده آلمانیایی هم روسیه هم آوستریا ایله ویا هیچ اولماز ایسه بو حکومتلردن بریله دائمی صورتده حل ائتلافده بولندیره حق بر سیاست تعقیبیدر . مشارالیه بر روسیه — آلمانیا — آوستریا اتفاقنك حصوانی ازجان و دل آرزو

ایدیوردی . بسمارق بو اجتہادینی قولاً و تحریراً مدافعه
ایتمکدن هیچ خالی قالماش و سیاسی بر غایه امل بیلدیکی
بواتفاق سایه سنده فرانسه نك آلمانیاہ قارشو پرورده
ایتدیکی تصورات انتقامجویانه یی اصلاً موقع اجرایه قویه میه جنی
و فرانسه ده انتشار ایدوب قرالیت و مطلقیت طرفدارلرینی
صوک درجه بیزار و اندیشه ناك ایدن جمهوریت و مساوات
فکرلرینك تصحیح نه قارشو برسد ممانعت چکیله جکی قناعتده
بولمشدر . غریبدرکه آلمانیا و انکلتره مناسباتی مسئله سی
بسمارقك ذهننی پك آزا شغال ایلمشدر . انکلتره یه قارشو
عادتاً بر نفرت طویان بسمارق انکلتره و آلمانیا منافی آره سنده
شدید بر تصادم وقوعی احتمالی هیچ بر زمان درپیش ایلامشدر .
فی الواقع اوزمان ایکی مملکت بیننده الیوم کوردیکمز تضاد
و اختلاف منافع هنرز موجود دکلدی . بسمارق عنان اداره یی
النده طوتدینی مدتجه انکلتره نك سیاست خارجییه سنده شرق
قریب اك مهم موقعی طوتیهوردی . دنیاه بیلیرکه او زمان
انکلتره نك پولتیقه سی بر شرق پولتیقه سی ایدی . حالبوکه بسمارقك
کندی تعبیرنجه اووقت بتون ممالك شرقیه برپومرانیالی نفرینك
میکلرینه بیلده دکیوردی . بسمارقك بومشهور سوزی بوندن
اوتوزسنه اول شرقده کی علاقہ و منفعتمزك هیچلککنی کوستریور .
بوندن صرف نظر اوزمان انکلتره ؛ باخصوص ماورای ابخارده کی
منافع عظیمه سنك توسیع و محافظه سنه معطوف بر سیاست تعقیب

ایدیوردی. حالبوکه بسمارق دورنده آلمانیا نك ممالك بعیده ده کی
منافی پك اهمیتسز ایدی. بسمارقك نقطه نظری ۱۸۷۰
محاربه سی نتیجه سنده آلمانیا طرفندن ضبط اولسان
اراضی نی محافظه خصوصنده انكلتره نك هیچ بر زمان
معاونتده بولنیه جنی مرکزنده ایدی. بو نقطه نظردخی
بسمارق طرفندن انكلتره حقنده تعقیب اولسان خط حرکتك
اسالاسانی تشکیل ایدیوردی. مشار الیه بو قناعتی ویرن
شی اولان انكلتره و آلمانیا منافی آرد سنده هیچ بر نقطه
تماس موجود اولماسی و قانیاً انكلتره قانون اساسی نك
دوامی اتفاقلرك عقیدینه مساع ویر مامسیدر. انكلیز سیاسیونك
انكلتره- آلمانیا مناسباتی حقنده کی طرفادراك و تلقیلری بسمارقك
نقطه نظرینه توافق ایدیوردی. آلمانیا سواحلندن آنجق ایکی
ساعتلق مسافه ده کائن اولوب یکر می سنه اولیسنه قدر انكلتره نك
تحت حاکمیتده بولسان و اهمیت سوق الجیشیه سی بتسون ارباب
اختصاصك تحت تصدیق و اعترافنده اولان (هلقولاند)
آطه سنك آفریقاده براراضی پارچه سیله مبادله سنه انكلتره ده
بلا تردد موافقت ایدلمسی ممالك مذکورده آلمانیا ایله براختلاف
مسلح وقوعنه نه قدر آز احتمال ویرلدیکنه پك بارز بر دلیل
تشکیل اتمکده در. اگر بو جزیه الان انكلتره نك
تحت تصرفنده اولسه و بونك آلمانیا یه ترکی ایچون بر تکلیف
درمیان ایدلسه هیچ شبهه یوق بوکا قارشو انكلتره ده براعتراض

قویار دی . انکلتزه نك یکر می اوچ سنه اولکی موافقتیه بو کونکی ممانعت
و مخالفت مفروضه سی بو مدت ظرفنده انکلتزه ایله آلمانیا مناسباتنده
حصوله کلن تحول عظیمک درجه سنی کوسترمکه کافیدر .
آلمانیا - انکلتزه مناسباتنه غارض اولان بو بیوک تبدلک
سائق و سببی آلمانیا نك احوال اقتصادی سنده حصوله کلن
اساسی تحوّلدر . آلمانیا نك حیات اقتصادی سی لاینقطع
وبالضروره کیت کیده انکشاف و توسع ایدیور . بو
حرکتی طور دیر مق هیچ بر کیمسه نك ید اقتدارنده دکلدرد .
سیاست اقتصادی بر عصری متجاوز بر زماندنبری تعقیب
ایتدیکی یولی طومتغه باشلامشدر . آلمانیا طوپراغ نك ویردیکی
محصولات ایله تکمیل المان افراد ملتنی بسلمک خصوصنده کی
امکانسزلق یکر می بش سنه دنبری موجوددر .

بو حال و کیفیت آلمانیا ایچون تجارت عالمه اشتراک ایتک
و معمولات و مصنوعات ایچون خارجه یکی یکی رواجگاهلر
تدارک ایتک ضرورت مطلقه سنی تولید ایدیور . آلمانیا ،
خارجدن کتیرتمکه مجبور اولدیغی زاد و ذخائرک و صنایعه
مخصوص مواد ابتدائی نك بدانی بتون عالمه شامل
معاملات جسیمه تجاریه کیریشمکه تأمین ایتدیکی
تمتعات ایله اوده یور .

معیشلری ، ماورای البحارده کائن ممالک بعیده ایله اولان مناسبات
تجاریه مزک ادامه و توسعنه باغلی اولان آلمانلرک مقداری سنه دن سنه یه

ارتیور. بوا احتیاج انکلتزه ایچون قات قات واسع بر مقیاسده موجود دره
خارج ایله اولان مناسبات تجاریه سنی خللدن مصون بولندیرمه دن
یشامسنه امکان اولمیان انکلتزه ، بتون ترتیبات سیاسییه
و عسکریه سنی بوا احتیاج و ضرورته کوره احضار
واتخاذ ایشدر . حکومت مشار الیها دکنز آشوری ممالکیله
اولان مناسبات تجاریه سنی تحت تأمینہ آلمغه مقتدر بر دونمائی
وجوده کتیرمش و تک باشلرینه دیگر بعض حکومتلر ایله
برایکده بیوک بریتانیایه قارشو کونک برنده بر تهلهکه تشکیل
ایده بیله جک بالجه دولتلرک قوای بحریه سنی برر برر یا محو
ایتمش و یا ضعفه دوشورمشدر .

انکلتزه ، دکنز طریقله اولان مناسبات تجاریه سنی انقطاعدن
کندیسی ایچون تولد ایدیه بیلن مهالک مدهشه بی درک واکا کوره
سیاستنی تنظیم ایتمشه آلمانیا دخی بو مخاطره بی درپیش ایله بونک
وقوعنه مانع اوله جق تدابیر اتخاذ ایشدر . آلمانیا دن دهاقوتلی بردوات
آلمانیا نک جهانده کی فعالیت تجاریه سنی خاتمه چکمکی کندی منافعی
اقتضاسندن عدا ایدر ، دونمآمزه ناکهانی بر ضربه ایندیرمه
قالقیشیر ایسه بزم حاملر نه اوله جق ؟ یالکنز بویله بر احتمالی
دوشونمک دوجار خوف ودهشت اولق ایچون کافی برسبیدر .
دکنزده ضعیف وعاجز بر آلمانیا قارشوسنده بولنه جق دولتلر
آلمانیانی نه وقت اولسه تضییق ایتمک و بزمه بر محاربه بحریه
طوتوشمق تهدیدیله دولتمزک مقدراتی اوزرنده قطعی بر تاثیر

اجرا ایلکه مقتدر اوله جقلردر . احتیاجات سیاسیة حاضره یه
تقابل ایتمین بر دونمایه مالک بویله بر طور تهدیدکار کوسترن
دولتله قارشو سرفرو ایتمکدن بشقه چاره قالمیه جقدر . آلمانیا
بو احتمال مدعشی درپیش ایتمش اولسندن درکد عالمده کی موقع
اقتصادیسی تحت تأمینہ آلمغه مقتدر بر دونما انشا ایلشدر .
آلمانیا انشاآت بحریه طریقته صایمغه باشلادیغی آندن
اعتباراً انکلتزه ایله اولان مناسباتنه چاروناچار بر برودت
و کرکینلک عارض اولدی . ایکی مملکت مناسباتنک بوصورتله
دکشمسی آلمانیا سیاسته اساس اولان اصول و قواعدک تبدلنی
ایجاب و استلزام ایلشدر . اگر آلمانیا - انکلتزه مناسباتی پرنس
بسمارق زماننده حائر اولدیغی شکل و رنگی محافظه ایتمش
اولسه ایدی ، بو آلمانیا ایچون پک ای اوله جقدی . بسمارق
بالذات سویٹش اولدیغی وجهله آلمانیا او وقت سیاسته حال
اشباعده بولونیوردی . بومشروعیت آلمانیا پولتیقه سنه برماهیت
محافظه کارانه ویرمش وانی دولتله آره سنده علاقه دار قیلمشدی .
مع مافیه آلمان دونماسی شمیدیکی درجه قدرت وسطوتی
احراز ایدنجه انکلیزلر بزه قارشو برحس شبهه بسلامکه باشلادیلر ،
و کندی منفعتلرینی تحت تهدیده کوردیلر . واقعاً آلمان
دونماسی تک باشنه انکلیز دونماسی مغلوب ایده جک برحالده
دکلمسه ده هر حالده انکلتزه یی بزه قارشو دها ملایمانه طاور انمغه
سوق و مجبور ایتک ایچون کافی درجه ده قوتلیدر .

متوفی قرال نهدواریك فردای جلاوسنده آلمانیانی بردمیر
چنبر ایچنه آلمق غایه سینه معطوف طرز سیاستك انكلتره جه
تعقیبینه باشلامسی دونماضرك آرتق شایان استخفاف برکیت
عد اولمدیغنك اك واضح بردلیلیدر .

آلمانیا بو مخاطره یی رفع وازاله ایچون عجبا نه کی تدابیرده
بوئنه بیلیر؛ آلمانیا نفوسنك آرتدیغی نسبتده آلمانیا نك خارجه ده کی
منافع سیاسییه و اقتصادییه سی کسب اهمیت ایدیور . بو خال
و کیفیت آلمانیانی، کندی صنایعی ایچون خارجه ده یکی و واسع
رواجگاهنك تدارك و تحریرینه مجبور ایدیور . آلمانیا قوه بحریره سنك
توسع و انكشافی توقفه اوغراسه و یاسفان حربه سنك مقداری
تنزیل اولنسه احتمال که انكلتره ایله اولان مناسبات مزده کی
کرکینلک برآز تخفف ایدردی . لیکن انكلتره تفوق بحریرسندن
و آلمانیا نك دکرده کی عجز وضعفندن استفاده ایتك هوسنه
دوشدیکی آنده آلمانیا صوك درجه خطرناك بر وضعیتده
قاله جقدر . دنیاده هیچ بر دولت تصور اولنه ماز که کندی
کندینی بیله بیله بویله بر موقعه القا ایتسون و بودرجه مدهش
بر احتمال و وقوعه میدان بر اقامق ایچون وار قوتی صرف
ایتسون . فرانسه نك قرق سنه دنبری حق مزده تعقیب ایتدیکی انتقام
پولتیقه سنه انكلتره ایله بینمزده کرکینلک انضمامی اوزرینه آلمانیا
حکومتنك وظیفه سیاسییه سنك خیالی مشکلمش اولدیغی اعتراف
و تسلیم ایتامك ایچون نفوذ نظردن بسبتون محروم اولمق

لازم کلیر . آلمانیایه قارشی آمال حرب مجویانه بسلهین حکومتلر
بوندن یکر می سینه اولیسنه کلهجهیه قدر آنجق فرانسه نك
معاونت عسکریه سینه کورونه بیلدکلی حالده شمدی آنلر هم
فرانسه دن هم ده انکلتزده دن مظاهرت کوره جکلرینه قطعی
امین بولنیورلر .

حتی بو کونکی کونده انکلتزده نك بزم ایله اختلاف چیقارمق
خصوصنده فرانسه دن بیلده خواهشکر و آرزو کش اولسی
آنك فرانسه دن اول و بلاتررد دشمنمیزك امدادینه قوشمق
ایچون قوی بر سبب تشکیل ایدیور . آلمانیاء ، کندیس ایچون
اك مساعد بر طرزده جریان ایدجك بر محاربه یوزندن اك
وخیم مهالکه معروض بولنه جغنی بیلدیکی ایچون انکلتزده قارشو
مخاصماته ابتدار ایتکدن دائماً احتراز ایدجکدر . بو حقیقتك
لوندردجه معلوم اولسی و انکلتزده نك هر نه وقت اولسه بروسیله حرب
تدارکنه مقتدر بولنسی دولت مشارالیه بزه قارشو بیوک
بر تفوق سیاسی تأمین ایدیور .

بزم مغلوبیتمزله ختام بوله جق بر انکلیز-آلمان محاربه سی اول
تجارت بحریه مزك خرابیسنی و ثانیاً عالمده کی موقع اقتصادیمزك
طول مدت ایچون تزلزلانی موجب اوله جقدر . آلمانیاء ، بویله بر
حربدن غالب چیقار ایسه چوق کچمه دن آنی فلیجه اوغرا تمغه
چالیشه جق مدهش بر اوروپا هیئت اتفاقیه سی قارشو سنده
بولنه جقدر . بناءً علیه آلمانیایی انزمك ایچون مساعد بر زمانده

بيوك و قطنی بر تشبث و حرکتده بولمق و یا شمديکي رقابت
 مصلحانهك دوامنه راضی اولمق انكلترهك اختيار
 و کیفنه باغلی برشیدر . انكلتره ایله آچيله حق بر حرب آلمانیا
 ایچون بر حیات ممات مبارزه سی اوله جقدر . بو محاربهك بزم
 ایچون مساعد و یا غیر مساعد بر نتیجه یه اقتران ایتسی انكلتره یی
 تهاکه لی بر موقعه دوشورمکه موفق اولوب اوله مزه وابسته در .
 شمال دکنزدن طوغریدن طوغری یه انكلتره یه هجوم ایتمکه
 حکومت مذکورہ یی هیچ بر زمان بویله بر وضعیتہ القا ایدہ -
 میه جکز . انكلتره یی آلمان اردولریله ضبط واستیلا ایلک
 حتمده کی تصورات بر خیال محال دن باشقه بر شی دکلدر .
 بوندن آکلاشیلیورکه بیوک بریتانیا آطه لرندن غیری بر یرده
 انكلترهك جان آلان بر نقطه سنه تجاوز ایتک چاره لرینی بولمق
 ضروریدر . مسئلهك بوجهتی آلمانیا - ترکیه مناسباتنك
 و ترکیه احوالنك طرز جریانیه پك زیاده حائر مناسبتدر .
 آلمانیاك صوك زمانلرده ترکیه یه قارشو تعقیب ایتدیکی سیاست
 هپ بوملاحظاتك تأثیری آلتنده بولمشددر .

انكلتره دن واقع اوله جق بر تعرضی عقیم براقق ایچون
 آنجق بر چاره واردرکه اوده ترکیه یی ممکن مرتبه تحکیم و تقویه
 ایلکدر . انكلتره ، اوروپادن و قوردهن وقوع بوله جق بر هجوم
 ایله آنجق بر نقطه ده جرح و مغلوب ایدیله بیلیر . بو نقطه ایسه
 مصر در .

انگلتره مصرده برهزیمته دوچار اولدینگی کبی آنک سویش
قنالی وهندستانه کیدن طریق بحری اوزرنده کی حاکمیتی محو
اوله جقدر .

فضله اوله رق مصرک ضیاعی اغلب احتماله کوره مرکزی
و شرقی آفریقاده کی انگلیز مستملکاتنک ضیاعی انتاج ایده -
جکدر . مصرک دولت عثمانیه کبی اسلام بر حکومت طرفندن
فتح و ضبطی التمش میلیون مسلمان ایله مسکون اولان
هندستانده و انگلتره نك نفوذی آلتنده بولونان افغانستان
وبلوجستان قطعه لرنده پک تهلکلی بر عکس تأثیر حصوله
کثیرمکدن خالی قالمیه جقدر .

دولت عثمانیه نك خطه مصریه یی استردادده موفق اولسی
آنک آنا طولیده و سوریه ده مکمل بر شبکه حدیده یه مالک
بولنسنه ، آنا طولی شمندوفر خطوطنی بصریه قدر تمديد
ایتمسینه حوالی مذکورده ده هر حالده انگلتره طرفندن اجرا
اولنه جق بر حرکت عسکریه یی عقیم براقغه مقتدر اولسنه ،
احوال اقتصادی و مالیه سنی یولنه کثیرمسنه واردوسنی فوق العاده
تزیید و تقویه ایلسنه متوقفدر . بالاده سرد ایتدی کمز مطالعات آلمانیا
ترکیه نك کسب قوت ایتسنده نه درجه علاقه دار اولدینگی کوستریور .
آلمانیا ترکیه یی تقویه ایدیور ایسه بونی آنجق کندی حیات و موجو -
دیتنی تأمین ایچون یاپیور . ترکیه نك قوتی نه قدر آرتار ایسه
انگلتره نك بزه هجوم ایتسی حالنده معروض قاله جفی مخاطرات

او قدر بیویہ جکدر . زیرا انکلتره ، ترکیہ نك بزم ایله برلکده حرکت ایتسی احتمالی دائما حسابہ قائمغه مجبور اوله جکدر . مصر قطعہ سی ، ترکیہ نك بزم کوستره جکی معاونت عسکریہ نك مکفاتی اوله جکدر . مصر کبی خارق العاده زنکین بر مملکتی تکرار الہ ایتک امید و احتمالی ترکیہ یی آلمانیا ایله برلکده طالع حربی دنه مکہ سوق واقناع ایچون کافی بر سبب اولسه کرک . دیگر طرفدن انکلتره ترکیہ نك عسکر لک و اقتصاد نقطه نظرندن غایت قوتلی بر دولت اولدیغنه و بتون قوای عسکریہ سیله آلمانیا نك معاونتہ شتابان اوله جغنه قناعت کتیریر ایسه احتمالکده حقمنزده کی آمال متجاوزانه سندن بسبتون و از کچه جکدر . ایشته آلمانیا نك ترکیہ حقمنده کی سیاستی هپ بومقصدده معطوف بولنیور . آلمانیا ، انکلتره طرفدن امین اولمق و کنديسنی تهدید ایدن حرب تهلکه سنی بر طرف ایتک ایستدیکی ایچوندر که ترکیہ یه بذل معاونت ایدیور . انکلتره نك سوق و اداره سی آلتنده بولنوب اوروپاده کی نسبت حاضرہ قوای زیر و زبر ایتکه چالیشان هیئت دولیہ نك بو تشبثاتی محکوم عقامت ایتک ایچون آلمانیا و اوستریا دولترینک ترکیہ ایله بر اتفاق حصوله کتیرملری کافیدر .

انکلتره ، آلمانیا ایله اولان مناسباتی اوروپایه قارشو پولتیقه سنک هنوز ناظمی حکمنده اولمدیغی بر زمان ترکیہ نك حامیسی ایدی . ۱۸۷۸ ده دولت مشارالیه ، آیاستفانوس مهاجده . نامه یی احکامی ترکیه لهنه تعدیل و تخفیف اولمدیغی تقدیرده

روسیه به اعلان حرب ایده جکی تهدیدنده بیله بولنشدر. لکن
انکاتره ترکیه به آلمانیا نك بر متفق محتمل و مستقبل نظر یله باقمغه
وکندی منافعی بالنتیجه ترکیه نك قسماً انقسامی مستلزم بر حرجا
تعقیب ایتدکنده تحری به باشلادیغی آندن اعتباراً انکاتره بالضروره
دولت عثمانیه به قارشو سیاستی دکیشدیردی .

انکاتره سیاسیونی ترکیه بی حمایه ایتدکلرینی بر شرطه تعلیق
ایلمشلردی . بو شرط ایسه ترکیه نك خارجه قارشو ضعیف بر
موقعده قالمسی وکندی کندیلمکندن نه سیاسی ونه ده عسکری
بر تشبث اجرا سنه مقتدر اولماسی ایدی .

مع مافیه ده اعبدا الحمید دور سلطنتده ترکیه نك احوال سیاسی
و اقتصادیسی انکاتره نك منافعه اویمایه جق بر طرز
انکشاف اخذ ایتمکه باشلامشدی . هر نه قدر عبدالحمید نك
فساد اخلاقی موجب اولان اداره مستبدانه سی ترکیه احوال نك
جداً کسب صلاح ایتسنه قارشو بیوک بر مانعه تشکیل ایتمکده
ایدیسه ده خدمت عثمانیه به قبول اولونان آلمان ضابطانك همت
و تأثیر یله خصوصیات عسکریه ده جدی بر اثر ترقی کورلادیکی
قابل انکار دکل در . دیگر طرفدن بغداد شمندوفر خط نك
اکااندن صو کره ترکیه نك وضعیت اقتصادی ، سیاسی و عسکریه سی
مطلقاً فوق العاده تقویت پذیر اوله جقدی . واقعاً ترکیه نك ساحه
اقتصادده نائل ترقیات اولسی انکاتره جه عدم خوشنودی ایله
کورلمسنه احتمال ویریه مزیدی . لکن بوکا مقابل ترکیه نك

سیاسی و عسکری نقطه نظرندن قوتلنمسی انکلترونک هیچ
ایشنه کله مزدی. آوستریایه استنادایدن بر آلمانک ترکیه دن کوره جکی
معاونت سایه سنده انکلتزه طرفندن تعقیب اولنان «چمبر»
یولتیقه سنی عقیم براقغه موفق اوله بیله جکی حقنده کی امید و احتمال لارک
آرتدیغنی کورن انکلتزه ترکیه نک جسمی اوزررنده بر قطع عضو
عملیاتی یایمق ویا ممالک عثمانیه یی صیقی بر انکلیز قونترولی آلتنه
المق دها ای اوله جغنی کندی کندینه دوشونمکه باشلادی.
اوروپا دولتلری آره سنده کی نسبت قوا روس - ژاپون
محاربه سندن مقدم کی حالی محافظه ایتدیکی مدتجه انکلتزده
روسیه نک بحر سفید سواحلنه طوغری وقوع بولان حرکت
اتساعجویانه سنه قارشو بر سد ممانعت تشکیل ایدن و کندی کندینی
آزچوق مدافعه یه مقتدر اولان بر ترکیه نک بقا و موجودیتی
کندی منافعه موافق عد ایلشدی. مع مافیه روسیه نک مغلوبیتی
اوزرینه انکلتزه بواجتهادنده آرتق ثابت قدم اولدی. زیر اولار روس
قوه بحریه سنک اک مهم قسمی محو اولمشدی. ثانیاً مانچوری محاربه سی
روسیه نک کرک قرده و کرک دکزده کی ضعفی میدان قویمش
اولدیغندن انکلتزه، روسیه یی اسکیدن اولدیغنی کبی فوق العاده
مهم بر عنصر قوت صورتنده تلقی ایتمکه محل قائم دیغنی آکلامشدی.
روسیه ایله ژاپونیا آره سنده صلح تقرر ایدرایتمز ایران و شرق
مرکزی حقنده کی انکلتزه - روسیه ائتلافی وجوده کلدی. بو
ائتلاف موجبنجه روسیه، جنوبی ایرانده اجرای نفوذ ایتک، بحر

عمان اوزرنده بر لیان اله کچیرمک واورایه قدر برشمندوفر
 یایمق خصوصنده کی آمال و تصور اتندن فارغ اولدقدن بشقه
 ایرانک قسم جنوبیسیله بصره کورفری حوالیسینک انکلتره
 دائره نفوذینه داخل اراضیدن معدود اولدیغنی تسلیم و تصدیق
 ایلشدر . ایران حقنده لوندره و پترسبورغ قابینه لری طرفندن
 عقد اولنان مقاوله نك ترکیه ده بر بحران ظهوری حالنده دولت
 مذکوره انکلتره و روسیه جه اتخاذا اولنه حق تدابیردن
 باحث بعض مواد خفیه یی احتوا ایتسی هیچده مستبعد
 دکادر . انکلتره شمالی عربستان چوللرندن ، بغداد
 حوالیسندن و جنوبی ایراندن کچهرک مصری طوغریدن
 طوغرییه هندستانه ربط ایده جک جسم بر دمیر یول
 خطی انشا ایتک تصورنده چوقدنبری بولنیور . طبیعیدرکه
 انکلتره بویله بر خطک کذرکاهنه مصادف اولان ممالک
 اوزرنده بر حق تفتیش و مراقبه حائر اولمق ایسته یه چکدر .
 جنوبی ایران شمیدین انکلتره نك قونترولی آلتنده بولنیور .
 عربستانک برر عثمانلی ولایتی اولان حجاز و یمن قطعه لرندن
 غیری اقسامی اوزرنده دخی انکلتره نك نفوذی جاریدر .
 عربستانک سواحل جنوبیه و شرقیه سنده کائن کوچوک
 ونیم مستقل عرب حکومتلری اوزرنده انکلتره بر حق حمایه
 اجرا ایدیور . عربستانک ایچ طرفلرنده یشایان مستقل قبائل
 نزدنده دخی انکلتره نك نفوذی پتک بیوکدر . اکر یمن عصائی

بر انکلیز مستمل کسی اولان عدندن اسلحه ومهمات آلمسهر
 ایدی آنلرک حرکات اختلا لیهلری چوقدنبری باصدیرلمش اولوردی.
 بصره کورفرزینک ساحل غریبسنده کائن الحصار منطقه سی اوتوز
 شو قد رسنه دنبری بر عثمانلی اراضی سی اولدیغی حالده انکلتره کویت
 شیخی مستقل بر حاکم صفتیله طامیشدر. حکومت مذ کوره
 شیخک استقلالنی اعلان وتصدیق ایتدکن صکره بتون الحصار
 قطعہ سی کندی زیر نفوذینه آلمق اوزره مشارالیه شیخ ایه
 بر معاهده نامه عقدینه قالمش مشدر. دیمک کها کر بغداد وعراق
 حوالی سی استثنای دیلیر ایسه مصر هندستان خطنک مرور ایدجکی
 حوالی شمیدن انکلتره نک دائره نفوذینه آلمش بولنیور.
 واقعا انکلتره نک مصر ایه هندستان آرسنده کائن حوالی بی ضمیمه
 ممالک ایتمکه مصری طوغریدن طوغری یه هندستانه ربط و وصل ایتک
 املنده شمیدن بولندیغی قطعیتله ادعا اولنه مز. بویله ایکن
 حوالی مذ کورده نک استنبالی الک پارلاق کورینن واک زیاده حائر
 اهمیت اولان قسمنک یعنی بغداد وبصره ولایتلرینک بالآخره
 انکلتره نک آمال وتصوراتنه قارشو بر حائل کیله جک صورتده
 ترقی وانکشاف ایتملری انکلتره جه خوش نظر ایه کوریه مز.
 فن توزیع میاه متخصصین مشهوره سنندن اولان انکلیز
 مهندسی (ویلقوقس) طرفدن بابلیرک تأسیس کرده سی
 اولان مدنیت قدیمه نک احیا واعاده سننه دائر القاهره جمعیت
 جغرافییه سنده بر قونفرانس ویریله لی اون سنه اولمشدر.

بو قونفرانسك وقوعندن براز اول ، انكلتره نك شرق
 مر كزى حقده تعقيب ايتى لازم كلن سياستك اساسات و تفرعاتى
 متضمن اوله رق ۱۸۹۹ دن ۱۹۰۵ سنه سنه قدر هندستان
 والى عمومىلكنده بولمىش اولان لورد (قورزون) طرفدن
 تنظيم ايدىلن راپور نشر اولمىشدى .

مذكور راپورك انكلتره پولىتيكه سنى يكي بر چيغرد وضع
 ايدن قرال ادوارك تخت حكمدارى به صعودندن بر قاچ هفته
 صكره نشر اولمىش بر اثر تصادف عد ايدىله مز . مصر ايله
 هندستان قطعه لرى آرد سنده كا ئن حواليده انكلتره نك قريبا
 يك مقال بر سياست تعقيب ايدىلدى جكنى حس ايدن (ويلقو قس) پارلاق
 بر آتى به نائل اوله جغدن پك زياده اميد وار بولمىش ممالك انكشاف
 اقتصاديسى تصوير ايدركن بياناتنه اويله بر رنك سياسى ويرمشكه بوندن
 انكلتره نك مقاصد حقيقه سنى كشف ايتك كوج بر شى دكلدى . مومى
 ايله درجاه حوضه سنده بر قاچ بيك سنه اول موجود اولان جسيم
 بر قنالك تعمير و توسيعندن بحث ايتدىكى صروده (بو جدول
 عجبا آلمانيا امپراطورينك نامه مى ، يوقسه هندستان امپراطور -
 ينك كنه اضافتله مى توسيم اولنه جقسدر ؟) ديه غريب
 و معنيدار بر سؤال ايراد ايتكدن كنديسىنى آله مدى .
 سير (ويلقو قس) بوندن ده ها ايلرى به كيده رك تكرار
 مدنيتنه اعاده اولنه جق عراق و بغداد حواليسنك سكه
 خصوصنده كى نقص انيسى اتمام ايچون اورايه مصر و هندلى

کویلیرینک یعنی انکلتره تبعه سندن کیمسه لرك یرلشیدیرلمسی
توصیه ایلشدر . (ویلقوقس) کبی انکلتره ده بیوک برنفوذ
واعتباره مالک اولان برذاتک بویولده کی سوزلری انکلتره نك
عربلر ایله مسکون ممالک حقدده کی تصوراتنک نهدن عبارت
اولدیغنی پک کوزل کوسترییور .

بناءً علیه مصردن بصره کورفزینه بر شمندوفر انشاسی
تصوری اورتیه چیقار چیقماز و آز چوق مادی بر شکل کسب
ایدر ایتمز انکلتره نك در حال تدابیر و ترتیبات لازمه سیاسیه ده
بولنمسی پک طبیعی عداولتملیدر . بوتدییرک کویت شیخیاه عقد اولنوب
دولت عثمانیه نك کویت اوزرنده کی حق حکمرانیسنه دائر حرف واحد
احتوا ایتمن وبغداد خطنک نقطه منتها سنی انکلتره نك نفوذینه
تابع بر مملکتده بولندیران معاهده در . ایکنجی تدبیر بغداد
خطنک موصلدن آشاغی قسمنک انکلز سرمایه سیله انشایدنسنه
وانکلتره نك قونترولی آلتنه وضع اولنمسنه دائر اولان مطالبه دن
طبیعیدر که انکلتره خطنک آشاغی قسمنی بالذات انشا ایتمک
وانشا آتیه بصره کورفزندن باشلیه رق خطی بغداده وبلکه ده
موصله قدر تمید ایتمک فکر خفیسنده بولنیور ، ظاهراً
آنحقی اقتصادی بر ماهیتی حائر کورینن بوتشبت حقیقت حانده
سیاسی وعسکری بر اجرا آت اوله جقدی . زیرا بوخط
انکلز لرك غیرت و سرمایه سیله بر کره وجوده کتیرلده کن
وانکلتره نك قونترولنه تابع بولندیرلده کن صکره انکلتره

عراقك كويكنه صوقيه بيا ملك ايچون بوشمند و فردن ايستديكي
 زمان استفاده ايده بيايه جكدي. بغداد خطي واسطه سيله تركيه دن اول
 ديكر برد و لك بصره و بغداد حواليسنه عسكر سوق ايده ماموسي
 دولت عثمانيه ايچون صوك درجه مهم بر مسئله در. انكر
 انكلتره كويت - بغداد خطي كندی پاره سيله و انگليز صنايعي
 ايچون الك فائده لي بر صورتده انشا ايتك خصوصتده كي
 مطالبه سنده شدته اصرار ايدر ايسه تركيه آلمانيا ايله برابر
 بوكافار شو بر شرط وضع ايتليدر. بو شرطده شمالدن تمديد اولنان
 شمند و فردن بغداده واصل اولمازدن اول انگليز خطك اورايه
 قدر انشا ايد مامسيدير. تركيه، آنا طولی ني عراقه ربط ايد جك دمير
 يول خطنه مالك اولدقدن صكره بغداد حواليسي اوزرنده كي حقوقني
 وسائط عسكريه ايله مدافعه ايتك مقتدر اوله جغندن آرتق
 انكلتره دن قورقوسي قالميه جقدر. مهندس سير (ويلقو قس) طرفندن
 اورته يه چيقاريلان ديكر بر تصور انكلتره نك عراق حواليسي
 حقتده كي آمالي لايقيه تنوير ايد يور. بو تصويره كوره بصره
 كورفزدن بغداده و بورادن ده طوغريدن طوغري يه سوريه
 ساحلنه بر خط ياپيله جقدر. بو خط، بغداد شمند و فري كي فراتك
 ساحلني تعقيب ايتيه رك دجله نك ساحلي بويجه تمديد اولنه جق
 و غربه دونه رك اسكي كاربان يولني تعقياً (بالير) شهر قديميله شام
 شريفدن كچه رك بحر سفيد ساحلنه منتهی اوله جقدر. (ويلقو قس) لك
 حسابنه كوره خطك بغداد و شام شريف آره سنده واقع اولان

طقوز یوز کیلومترو طولندہ کی قسمی ایچون قرق بش میلیون
 مارق یعنی کیلومترو باشنہ الی بیک مارق صرف ایتک لازم
 کلہ جکدر . اگر بوشمندوفر کنیش خطی اولہ جق اولورایسہ
 بومصارفی استصغار ایتلیدر . مع مافیہ احتمالکہ (ویلقوقس)
 بومصارفی آز کوسۂ مکملہ پک بہالی یہ اوطور مش اولان
 بغداد خطی حقندہ محافل عثمانیہ دہ بر سوء ظن حاصل ایتک
 امل خفیسندہ بولمشدرد . مومی الیہ محصول قریحہ سی اولان
 بویکی خطک انشاسی حالندہ بغداد خطنہ آرتق احتیاج قالوب
 قالیہ جفی حقندہ شق شفقہ ایتیور . کندیسى اسباب تجاریہ دن
 طولانی عراقک محصولات مستقبلہ سنی ممکن مرتبہ قیصہ بریولدن
 دکنزہ سوق ایتک ایجاب ایلدیکی سویلیور . اگر مومی الیہ صرف
 بغداد وبصرہ حوالیسندہ یتیشہ جک محصولاتى قصدایدیورایسہ
 بالادہ کی حسابندہ یا کلیور . چونکہ بصرہ کورفری ، عمان
 دکنزی ، بحر احمر وسویش قنالی طریقہ سوق اولنہ جق امتعہ نک
 اجورات نقلیہ سی ہر حالہ بغداد - دیرانق - پالمیر - طرابلس
 شام دمیرویولیہ نقل اولنہ جق اموالک مصارف نقلیہ سندن اوجوز
 اولہ جقدرد . فضالہ اولہ رق بو صوک خط عسکرلک نقطہ نظرندن
 ترکیہ ایچون حائر اهمیت اولیہ جقدرد . بوکا مقابلہ انکلتزہ
 بوندن پک بیوک سیاسی استفادہ لر تأمین ایدہ جکدر . چونکہ
 بو خط انکلتزہ نک نفوذینہ تابع بر کورفرک ساحلندن بدأ ایلہ
 انکلتزہ نک قونترولی آلتندہ کی یرلردن کچیرلہ کدن صکرہ مصر

کبی انکلتزیه بر است حکام خدمتی کورن بر الکایه منتهی اوله جقدر .
 بغداد خطی مسئله سی سوریه خطری مسئله سیله شدتله
 حائر ارتباط اولدینی ایچون ایکی مسئله یی بر برندن آیرمق ممکن
 دکلدرد . حیدر پاشا دن جنوبه طوغری تمید اولنان خطک ایلک قسمی
 آناتولی یا بلا سنک جنوبنده بر حائل کبی دیکیلن طوروس
 سلسله جبالنک اتکنه واصل اولمشدر . بو طاغری آشه جق
 خط مستقبلک عملیات انشائییه سی صوک درجه مشکل اولدیغندن
 بوکا ایکی سنه دنبری چالیشمالدیغی حالده هنوز بتون تونلار
 حفر و تثقیب ایدیه مدی . سوریه شمندو فرلرینک شمالده کی
 نقطه انتهائییه سی حلب شهریدر . بو شهر ایله بغداد خطک
 اییوم واصل اولدینی محل آرسنده بشیوز کیلو متر و لقا ارضنده
 و غایت طاغلق بر اراضی موجود در که بوراده تصادف ایدیلن
 مشکلاته بناء عملیات انشائییه بالضروره بطائتله ایلر ولیه جکدر .
 بغداد خطی حلبه واصل اولور اولماز در سعادت طوغریدن
 طوغری یه سوریه و حجاز قطعه لرینه ربط ایدلمش بولنه جقدر .
 مع مافیه بو خطلرک کنیشلکی بر دکلدرد . مثلاً حیدر پاشا
 ارکلی خطیه بونک امتدادی اولان حلب - بغداد
 خطی اورتک کنیشلکده ایکن سوریه و حجاز شمندو فرلری
 طار خطلیدر . سوریه ده ، خطوط سائر ددن هیچ بریله ملتصق
 اولمیان یافه - قدس شمندو فرندن ماعدا بر فرانسه قومپانیاسی
 طرفدن انشا ایدیلوب بیروت و دمشق شهرلرینی بر برینه ربط

ایله جبل لبنانی قطع ایدن دیگر دیر یولی موجود در. بو خطه جنوب طرفدن دمشقدن اعتباراً مزرب طریقله حیفایه قدر و شمال طرفدن ریاق استاسیونندن اعتباراً خمس و حما یولیه حلبه قدر تمید اولمشدکه بو صوکه قسم جبل لبنان سلسله سنی ایکی قسمه ایران و استقامتی شمالدن جنوبه اولان کنیش دره یی تعقیب ایلکده در. باب عالی طرفدن ۱۹۰۹ تاریخنده تنظیم اولنان بر مخطره ده حکومت مشارالیه ارض فلسطینی قطع ایده جک بر شعبه خطک ریاقدن طوغریدن طوغری یه مصر حدودینه قدر ممکن مرتبه ده قریب بر آتیده تمید و انشایی متصور اولدینی بیان اولمشدر. بغداد خطک ارکلی ایله حلب آره سنده کی قسمی اکال اولنور اولماز کرک در سعادت و کرک انا طولیده کی مراکز مهمه سیاسی طوغریدن طوغری یه شم بغداد همده سوریه یه مربوط بولنه جقدر. دولت عثمانیه بغداد خطی سایه سنده عراق منطقه سنده کی حاکمیت سیاسی و عسکریه سنی هر درلو تعرض و خالمدن مصون بولندیره بیله جکی کبی انا طولی ایله سوریه نک اقسام جنوبیه سی بیتسده بر مواصله تاسیس ایدلسی سایه سنده هر نه وقت اولسه مصره یعنی انکلتزیه قارشو شدتلی بر تضیق اجرا سنه مقتدر اوله جقدر. سوریه خطو خطک اهمیتی بویله بر تضیق واسطه و آلت اوله بیلملرنددر. ترکیه ده وجوده کتیر لکده اولان شمنند و فرلرک آلمانیا ایله متحداً انکلتزیه قارشو حرکت ایتسی غایت مختمل اولان

دوات عثمانیه نك قوۋء عسكریہ سنی و طولانیسیلہ قابلیت تعرضیہ
و تدافعیہ سنی پك زیادہ آرتدیرمیسی انكلیز سیاسیوننی تفكرات
عمیقہ سنیہ سوق ایتمكدن خالی قالمایہ جق و آلمانیسا ایلہ انكلتزہ
آرہ سندنہ صاحبك دوامنہ خیلی یاردم ایدہ جكدرد. زیرا انكلتزہ
ایخرا طور لغنك اك حساس نقطہ لرندن برینہ هجوم ایتمكد آمادہ
و مقتدر بر ترکیہ نك ہر حال و کاردہ آلمانیایہ مربوط و صادق
اولدیننی کورہ جك اولان انكلتزہ حکومتی مغل صلح و مسالمت
بر حرکتہ پك کوچ تصدی ایدہ بیلہ جكدرد. دیگر طرفدن ترکیہ نك
بغداد خطیلہ عراق طرفلرینہ لزومی قدر عسکر سوقنہ مقتدر اولمیسی
انكلتزہ بی قطعہ مذکورہ حقندہ کی آمال استیلا کارانہ سنی
قوۋدن فعلہ چیقارمقدن منع ایدہ جكدرد. آلمانیسا، اوستریا
و ترکیہ حکومتلری طرفندن انكلتزہ بی تہدید و تضییق ایچون
مصرہ قارشو مشترك بر حرکت اجرا سنہ لزوم حاصل اولدیننی
گون سوریه خطرندن فوق العادہ استفادہ اولنہ جقدرد. انكلتزہ
قرالی متوفی یدنجی ادوارد طرفندن تعقیب اولنان سیاست،
آلمانیایی حربہ مجبور ایتمك دكل بلسکہ آنی مدہش بر اتفاق قارشو-
سندہ بولند یروب حیات و ممانتہ عائد مسائلك حلنی طالع حربہ تودیع
ایتمك فکرنندن و از کچیرہ رك دول سائرہ نك مقرراتنہ قارشو بویون
اکدیرمك مقصدینہ معطوف اولدیننی کبی ترکیہ بی - برچوق
آثار عمران و مدنیت حصولیلہ و با خصوص متعدد شمند و فر
خطوطی تأسیسیلہ - احیا و تقویہ ایتمكدن عبارت اولان

آلمانیانك پولتیقه سی دخی انكلتره یی بزم ایله حربه سوق
ایتمك دكل ، بلكه دولت مشارالها ایله بینمزده پایدار و شرفی
برصالحك دوامنی تأمین اینك غایه سنه معطوف اولمایدور. انكلتره نك
مصرده بالازوم دوچار تعرض اولسی آلمانیانك منفعتی اقتضاسندن
دكلدر . بز یالكز انكلتره نك بزه قارشو اجرا ایدم جگی بز
عجمی ترکیه ایله برلكده مصره تجاوز ایتمك صورتیله عقیم
براقق ایستیورز . حالبوکه بوتجاوز آناتولی و سوریه شبکه
حدیدیه سی اكمال ایدلمه نیجه قابل اجرا دكلدر. آلمانیانك ترکیه ده
شمندوفر انشائنه بوقدر اهمیت ویرمسنك اسبابندن بری
بودر .

طبیعیدرکه انكلیز سیاسیونی بزم بالاده درمیان ایتدیكمز
ملاحظات واحتمالاتی درپیش ایلمشلدور. همد آملر آلمانیان محافل
سیاسیه سنك بر چوغندن اول بیله بوجهتلی دوشونمشلدور.
انكلتره نك - مطالعات آنفیه بناء - خط سلطنتك دكل یالكز بغداد
حوالیسنده لکن ارکلی - حلب ساحه سنده کی اقسامنك انشائی
هیچده نظر ممنونیتله کورمدیکنی دیرسهك بیوك بر نفوذ
نظر کوسترمش اولمايز .

هله سوریه شبکه حدیدیه سی مصر حدودینه قدر تمید ایتمك
موضوع بحث اولدیغی زمان انكلتره ده بوکا قارشو شدید
بر آوازه اعتراض یوکسله جکنه شبه یوقدر. ترکیه، حجاز دمیر
یولی اوزرنده کائن معان موقعندن بحر احمر ساحلده واقع عقبه یه قدر

بر شعبه خطنی تمديد ايتمك نيتنى اظهار ايتديكى زمان انكلتره ده بر طاقم
 بهانه لر سرديله و قوه جبريه به مراجعت ايدى چكى تهديديله بو كامانع
 اولدى. اساساً بغداد خطنى ايلك تنظيم اولنان پلانه توفيقاً بغيره و كليس
 موقعلرينك شرقندن كچيره جك يردى اسكندرون كورفزي
 بويجه اسكندرون شهرينه و بورادن ده بيلان كچيدينه
 قدر تمديد ايتمك انكلتره نك منافعه ده موافق
 دوشه جكدى. خط ايچون بو صوك كذرگاهك انتخابى
 حالده مناقلات خصوصندى بر چوق تسهيلات حصوله كلى
 اوله جنى و جهت ماليه جه بر چوق فوائد تأمين ايدلمش بولنه جنى
 وارسته شك و شبهه در. لكن بو كامقابل بو كذرگاه عسكرلك
 نقطه نظرندن بالاده كى منافعى كولكه ده براقه جق درجه ده بيوك
 محاذير و مخاطراتى توليد ايدى جكدى.

اوزون بر مسافه ده دكر كنارنى تعقيب ايدن و بوسيدن
 يا بر دشمن دو نتماسى طرفندن بومباردمان ايدلمك و يا نا كهانى
 قره يه چيقاريلان بر مفرزه عسكريه طرفندن تخریب اولونمق
 تهلكه سى آلتنده بولونان بر خط، غایت متين استحکاماتك تحت
 محافظه سنده بولونمليدر. واقعا اسكندرون كورفزنده بو كى
 استحکاماتى وجوده كستيرمك قابل دكلسه ده بونلر ايچون
 مدھش مصارف اختيار ايتمك لازم كله جكى دركارد.

حالبو كه بوياره ايله خطى ساحلدن اوزاق و امين بر محلدن
 اصرار ايتمك و بو خط اوزوندى كى نقلیاتك ساحل بويى تعقيب

ایده جک بر خطک نقلیاتندن دها آزاو لمسندن متحصل ضرر لری
تلافی ایتک هر حالده مرجحدر . اکر صالح و مسالمتک مؤبدآ
محافظه اولنه جغنه دائر الدہ بر تأمینات قویہ اولسهیدی ، دها
اوجوز اولان ساحل کذرکاهنی انتخاب ایتکده هیچ بر محذور
اولمزدی . نه چاره که وضعیت حاضرہ سیاسیه ده کی تذبذب و قرار سزلق
سیبیه ملاحظات عسکریه نی ملاحظات سیاسیه به تقدیم ایتک
مجبوریتی حاصل اولدی .

بغداد خطک تعیین کذرکاهنی مسئله سی تا بدایتد نبری بر
طابق تأثیرات سیاسیه به تابع بولمقدن خالی قالمدی . دکل یالکنز
ترکیه ، لکن شرق مسئله سنده علاقادار اولان دول سارده دخی بو
بایده کی نقطه نظر لری نی ترویج ایتدیر مکہ پک زیاده چالیشمشلردر .
انکاتره و روسیه ، بغداد خطک کذرکاهنی تعیین ایتک زمانی
کلدکده ، در حال بو کذرکاهه دائر بعض اعتراضات درمیان
ایتک حقنی محافظه ایتدکلرینی اعلان ایلشلردر . واقعاروسیه نک
ترکیه به قارشو بو کونکی وضعیتی ، مغلوبیتیه ختام بولان مانچوری
محاربه سندن اولکی وضعیتندن پک فرقلیدر . مانچوری محاربه سندن
اول روسیه ، اوروپانک معلوماتی اولمقسزین بیه هر نه وقت
اولسه در سعادت اوکنه آکسزین بر دونما کوندر مکہ مقتدر
ایدی . بوغاز ایچنده کائن است حکامات اوزمان پک آزمین
اولدیغندن بو وسائط مدافعه ایله روس دونماسنی برقچ ساعتدن
فضله توقیف ایتک بالطبع امکان خارجنده ایدی . باخصوص که

قرمیه چیقاریله جق بر مقدار عسکر ایله بو استحکاماتی
 آرقه دن ضبط ایتک ایشدن بیله دکلدی. روسیه ،
 بحر حزر ساحلی بونجیه باقویه قدر بیوک بر اهمیت
 سوق الجیشیه نی حائر اولان بردمیر یولنی انشا ایتک وقف قاسیاده کی
 طرق عسکریه نی تعمیر ایلک صورتیه قره دکزک ساحل
 شرقیسنده کی وضعیت عسکریه سنی مکمل صورتده تقویه و تحکیم
 ایشدی. ژاپونیا ایله حرب ظهور ایتدیکی زمان روسیه ، قره دکز
 سواحلنی تعقیباً باطومه قدر کیده جک بر خطک انشاسنی تحت قراره
 آیشدی. بوکا مقابل ترکیه نك روسیه یه متوجه اولان
 جبهه سنده موجود استحکاملرک اک مهمی اولان ارضروم
 پک برباد برحاله بولنیوردی. اکر اوصرده روسیه ایله
 ترکیه آره سنده بر حرب ظهور ایتسه ایدی، ارضروم محقق بر
 قاج کون ظرفده همد بلامشکلات روسلر طرفدن ضبط
 اولنه جقدی. روسیه نك بوتدارکاته قارشو بغداد خطنی ممکن
 مرتبه شماله واقع بر کذرکاهدن امرار ایتکده کی لزوم
 و اهمیت آشکاردر. ایشه بونک ایچون درکه یاپیلان
 ایلک پلانده خطک کذرکاهی اولمق اوزره آنقره ،
 سیواس ، خرپوط ، دیار بکر و موصل یولی کوسترلشدی .
 مع مافیه روسیه ، هم بو پلانی همد صکره دن ترتیب اولنوب
 خطی آنقره ، قیصریه ، خرپوط و دیار بکر شهرلرندن کچیرن
 دیگر بر پلانی دخی حکومت عثمانیه یه ترک ایتدیرمکه موفق

اولدقدن بشقه شمالی و شرقی اناطولیده یاپیساہ جق خطوط
امتیازینک - بونلر طوغریدن طوغری یه دولت طرفندن
انشا اولمدیغی تقدیرده - آنجق روس تبعه سندن اولان ارباب
تشبه اعطا اولنه جغه دائر تأمینات قویه آلمشدر . روسیه نك بو
اعتراض و مخالفتی اوزرینه بغداد خطی ایچون دهسا جنوبدن
کچن حیدرپاشا - اسکیشهر ، قونیه - آطنه کذرکاهنی تعیین
و انتخاب ایتمکدن بشقه چاره قالمدی . ایشته بونک ایچوندرکه
نقطه انتهائیه سی قونیه اولان آناتولی شمندوفری بغداد خط
جسیمنک ایلك قسمی عد و اعتبار اولنیور . بغداد خطی
ایچون اتخاذ اولنان اصول مالیه ، تأمینات آقچه سی اساسنه
مبتنی بولنیور .

خطک انشاسنه باشلانیدیغی زمان هر کیلومترویه اصاب
ایدن مصارف بر صورت موشکافانه ده حساب اولمش
وباب عالی ده ، ایشلتمه حاصلاتی رأس المالك اطفاسیله
فائضنک تأدیه سنه کفایت ایتدیکی تقدیرده اوست
طرفنی آمام ایتکی درعهده ایلشدی . حکومت عثمانیه نك
احوال مالیه سی صوک درجه خراب اولدیغی ایچون آندن مادی
بر تأمینات آلق لزومی حاصل اولمشدر . بوکا بناء درکه جانب
دولتدن بعض واردات ، تأمینات آقچه سنه قارشولق کوسترلمشدر .
معلومدرکه ییلدیز سراینک اسرافاتی ، جایت تکالیف اصولنک

نواقصی و مأمورینک سؤ استعمالاتی یوزندن تورکیه مدھش
بر مضایقه مالیهیه گرفتار اولمشدر .

ترکیهیه ابراز اولنه بیله جئک الک مؤثر معاونت مالیه کمرک رسومنک
تزییدینه موافقت ایتمکدن عبارتدر . حکومت عثمانیه کمرک
ایشلرینی ایستدیکی کبی تنظیم ایتمکده سربست اولدیغی و دول
سائرده بر طاقم معاهدات ایله باغلی اولدیغی ایچون آنکله
آوروپا حکومتلری آردسنده کمرک مسئلهسنه دائر بیتمز
توکنمز مذاکرات جریان ایدیور . مع مافییه بر زمان
کله جئک که تورکلر آرتق عهود عتیقه ایله کندیلرینی
مقید عد ایتیه جکار و حق حکمرانینک مهم بر قسمنی تشکیل
ایدن استقلال اقتصادیلرینی استرداد ایچون قطعی بر تشبثده
بولنه جقلردر . اغلب احتمال کوره آلمانیا طرفندن کندیلرینه
بو خصوصده هیچ بر مشکل ایقاع اولمیه جقدر . مع مافییه ماضیده
اولدیغی کبی شمیدی ده ترکیه کمرک رسومنی کیفمایشا تعیین ایتک
حقنی کندیسندن نزاع ایدن بر طاقم معاهدات احکامنه رعایت
ایتمکله مکلف بولونیور . انکلتزه و آکا پیرو اولان فرانسه
کمرکاردن حاصل اوله جق فضله وارداتک بغداد خطنک
مصارف انشائییهسنه قارشولق کوسترلماک شرطیه تزیید
رسومه موافقت ایتلری تورکیا مالیهسنک تقویه پذیر اولسی
کندیلرنجه مطلوب اولدیغنه دلیلدر . آرادن بر قاچ سنه
کچدیکی حالده بو ایکی دولتک مسدککنده هیچ بر اثر تبدل

کورولما مشدر . بغداد خطنك عمليات . انشائیه سنده کی
 بطائت ایشته بوندن ایلری کلیور . بغداد خطی
 حقنده کی مقاوله ۱۸۹۹ تاریخنده آناتولی شمندوفری
 قومپانیاسیاه حکومت عثمانیه آره سنده عقداولندی . بومقاوله یه
 توفیقاً قومپانیا - تأمینات آقچه سی مسئله سی بر صورت حله
 ربط ایدلک شرطیه - سکر سنه ظرفنده خطنك قونییه طریقیه
 بغداد و بصریه قدر تمدید و انشاسنی در عهده ایلشدر .
 مع مافیه بو تأمینات آقچه سی مسئله سیله بغداد پروژه سنك
 قوه دن فعله چیقمسنی خوش نظر ایله کورمیان بعض
 حکومتلرک تأثیرات خفیة سیاسیه سی او قدر چوق مشکلاتی
 تولید ایتمشدر که بالاده کی مدت ظرفنده آنجق ارکلینك اوته سنده
 بولنان ایکی یوز کیلو مترو طولنده بولغورلی قسمنك انشا
 واکانه موافقت حاصل اولمشدر . دیمك که ۱۹۰۸ سنه سنه قدر
 بغداد خطنك انشاسنده همان هیچ بر اثر ترقی کورولما مشدر .
 آناتولی قومپانییه سی آنجق سنه مذ کورده ده وقوع بولان
 عثمانلی انقلابی متعاقب بغداد خطنك تمدیدینه دائر اولان مقاوله
 نامدلی عقد ایده بیلمشدر . بو مقاوله لرک برنجیسی
 ۸۴۰ کیلو مترو طولنده اولان باغورلی - حلیف قسمنك
 انشاسنه متداویر . حلیف دیار بکرک جنوبنده وحسran
 ایله سین آره سنده کائن بر موقعدر . ترکیه ده اختلال
 ظهوری وشکل اداره نك تبدلی اولجه ظن واندیشه

اولنديڻي کي بغداد پروژہ سنڪ ساحۂ حصولہ چيتمسنہ قارشو
 بر مانع تشڪيل ايتدي ده حكومت جديددي بوتشبه دشمن
 قيامق ايجون بعض طرفلرده اجرا اولسان تحريكات
 ثمره سر قالدي . مع مافيه طور وس سلسله جبالني قطع ايدہ جك
 قسمك انشاسي برسنه قدر تاخر ايتش و آنجق ۱۹۱۹ سنه سنڪ صوك
 بهارنده بوكا ابتدار اولتمشدر . اليوم بونك اكلنه كال كرمي
 ايله چاليشيليور .



خطك كذرگاهي

بغداد خطك حيدر پاشادان كويته قدر طولی ايكي
بينك بشيوز كيلو مترودر . اولدجه اوزون بر خط
اولان ومع مافيه شمالی امریقایي باشند باشه قطع ایدن
(پاسیفیق) شمندوفریله ماورای سیریا خطی و قاهره دن
قایه قدر در دست انشا اولان دمیر یوله یاننده آنجق
ایکنجی درجه ده حائر اهمیت بر تشبث تشکیل ایدن
بغداد خطی - ۱۸۹۰ سنه سنده انشا اولنان حیدر پاشا - قونیه
خطی داخل اولدیغی حالده - کچه جکی یرلرک تشکلات ارضیه سنه
واحوال طبیعی سنه کوره بش قسمه آیریله بیلیر . بو قسملر
شونلردر . (۱) در سعادت بوغازندن طوروس سلسله جبالی
اتکنه قدر (۲) بو طاغلرده فراتك یوقاری حوضه سنه قدر
(۳) فراتدن اعتباراً سطح بچردن دون برسویه ده اولان
عراق اوواسنك کنارنده کائن تکرته (۴) بورادن زیر
ویا بصریه قدر (۵) بصره دن کویته قدر اولان قسملردر .
خطك همان سکز یوز کیلومتر و طولنده اولان برنجی قسمی
طوروس طاغلرینك اتکنده کائن ارکلی به آرماساغسی اولان
باغورلی موقعه قدر اکال اولنمشدر . شمندوفر ، اسکیشهر دن

باشلیوب طور روس سلسله جبالنك اتكازینه قدر ممتداولوب بونك
 یاجلرندن متشكل بولنان غربی آناطولی یا یلاسنی قطع ایتدکن
 صکره قونییه و لایتنده جسم طوزا و و سنك جنوبندن کچورونهایت
 طور روس طاغرینه واصل اولیور .

خطك كذرگاهنه مصادف اولوب یا تخته قریب اولان
 نواحی اراضینك قوه انباتیه سی سبیلده بوراده يك چوق میوه
 و سبزه و حبوبات یتشمسی و بر زماندبری غربی آناطولی ده
 ذراعته اسکیسندن فضله بروسعت و اهمیت ویرلسی کبی اسبابك
 تأثیریه خط اوزرنده آزچوق مناقلات وقوعه کلکده ایسه ده
 حیث عمومیه اعتباریلده بو حیدر پاشا - ارکلی قسمندن تمتعات
 همیشه حصولی مأمول دکلدر .

بغداد خطنه بر شعبه خطی ایله مربوط اولان از میر - قره حصار
 شند و فرینك موقع اقتصادی بوندن قات قات اییدر . اولجه
 سویلدیکمز وجهله بغداد خطی ایچون قبول اولنان قونییه
 کذرگاهی برنجی پروژده ده کوسترین کذرگاه دکلدر . خطی
 سیواس ، خریوط ، دیار بکر طریقله تمدید ایتمك تصورندن
 وار کچیلیمسنه سبب اولان عاملار هم سیاسی همده اقتصادی
 ماهیتی حائر بولنیور . اگر خط ایلک اول تعیین اولنان
 کذرگاهدن امرار ایدلسه یدی شمدیکی خطدن ایکی یوز
 کیلو مترو ده اوزون اوله جقیدی . بوندن ماعدا بو خط
 ذات طاغلق بر اراضیدن کچه جکی ایچون مصارف عظیمه یی

مستلزم بر چوق عملیات جیسمة صناعیه یی اجرا ایتک لازم
کله جکدی . حکومت عثمانیه ، اهمیت فوق العاده عسکریه سی
در کار اولان ایلک کذرکاهی تبدیل ایتمشه بونی آنجق سیاسیات
واقصادیاته عائد اسبابدن طولانی یامش اولدیغنی ظن ایتک
خطادر . بوندن اول بیان ایتدیکمز وجهله حکومت عثمانیه نکه
روسیه یه قارشو کیریشدیکی تعهدک بوایشده بیوک بر دخل
وتأثیری اولمشدر . بوندن صرف نظر اکر بغداد خطی ایلک
قبول وتعیین اولنان کذرکاهدن کچیرلسه ایدی حکومت عثمانیه
شمدیکندن یک فضله بر تأمینات آقچه سنی ویرمکه مجبور
اوله جقدی .

بغداد خطنک طوروس سلسله جبالندن فرات وادیسنه
اولان ایکنجی قسمی - شمدیکی کذرکاهه نظراً - اک مشکل
قسمیدر . طوروس طاغلرینی آشان دربندلرک باشلیجه سی اولان
کلبه ک بوغازی هر نه قدر سطح بحدن آنجق بیک درتیوزمتر و
ارتفاعده ایسه ده بوراده کی اراضینک تشکلاتی بو کچیدک
شمندوفر ایچون ممر اتخاذ ایدلمسنه قارشو عادتاً غیر قابل
اقتحام بر مانع تشکیل ایدیور . ایشته بو سببندرکه
خطی بودربندک بر آاز غربنده کاش بر موقعدن - اوزون بر
تونل قازمق صورتیه - کچیرمک مجبوری حاصل اولدی .
عبدالحمید ، خطک بر دشمن قوتی طرفدن تخریب ایدلمستدن
یک زیاده قورقدیغنی ایچون بونک دکر ساحلندن لااقل یازم

كونلك، مسافه دن چكمنه صوك درجه ده اعتنا ايدلمنى شديداً
طلب ايلمىدى .

مشار اليك بو طلب و آرزوسنه توفيقاً خط توروس طاغنى
اشدقدن صكره سلسله جبالك سطح مائل جنوبيسنه ممكن اولديغى
قدر يقين بر كذر كاھى تعقيب ايدى جاك و طاغلق آراضيدن
طوغريدن طوغرى يه آطنه اووه سنه اينه جكدرد . آطنه شهرى
بر انكلىز قومپانياسى طرفندن انشا ايدىلوب اخيراً بغداد
قومپانياسنك اشترا ايتديكى بر خط ايله مرسين ليماننه
مربوط بولنيور . آطنه نك ايلريسنه تمديد اولنه جق خط
(آمانوس) طاغلك منتهى شماليسى و طوروس جبالنك الك جنوبى ده كى
يماجلرى آرد سنده كاڭن اوزون و طاربر اووه دن كچد كدن صكره
اغلب احتمال كورده كايسه و اورادن ده بره جيكل جنوبى بنده و فرات نهري
اوز رنده كاڭن جيرا بلسه استقامتند تمديد اولنه جقدر ۱۸۷۰ سنه سنده
شمالى سوريه دن الجزيره و عراقه طوغرى بر شمند و فرانشاسى
حقنده بعض پروژرلر ميدانه چيقارلديغى و ارباب اختصاص
طرفندن تدقيقات فيه اجرا اولنديغى زمان سوريه و آناطولى
طاغلرى آرد سنده كاڭن اولان مارالذكر دربندك الك الويريشلى
بر شمند و فر كچيدى اولديغنه حكيم ايدلمىدى . جيرا بلساك
ايلريسنده كاڭن اراضى كام وفاق تپه جكلردن متشكل كاه دوم دوز
اولمىسنه مبنى بوراده كى عمليات انشائيه كمال سهولته اجرا
ايدىله بيله جكدرد . خطك بو قسمنه طاند كذر كاھك تعيينى ايچون

تدقیقات و کشفیات لازمه ده بولندیغی وقت رایلری اورفهیه
طوغری فرش ایتک تصور اولنشسه ده فن قومیسونی طرفندن
اعطا اولونان رأی اوزرینه شمند و فرک بر خط مستقیم اوزر بادیه نك
اورته سندن نسینه و بو محال دده موصاه انشاسنه قرار ویرلدی .
قومیسونی بو قراری اتخاذا یتمک سوق ایدن باشلیجه سبک برفکر
تصرفدن متبعث اولدیغنه شبهه یو قدر . مع مافیه شمند و فرک
تأسیسه ارکیچ اسکی حال معموریتی تکرار اکتساب ایددجک
اولان اراضیه شمالدن یواش یواش حاصل ایتمکدن ایسه
بردن آنک کوبکنه کیره دك زراعتک تصمیمی تسریع ایتک
دها مناسب اوله جنی بالاده کی قومیسون طرفندن دوشونلش
اولسه کرکدر . اسکی پلاندن بر انحراف اولان بو
کیفیتدن دها مهم برشی وار ایسه اوده اولجه تصور اولندیغی
وجهله موصلاک شمالدن دجله نك ساحل یسارینه چمکدن ایسه
خطی یالکز بونهرک ساحل یمینده انشا ایتک خصوصنده کی
قراردر . دجله نك صول یاقه سیاه ایران یا یلاسی آره سندن کی
حوالی اسکی آسوری حکمدارلرک اجرای سلطنت ایتدکری
مملکتدر . بو حکمدارلر الیوم آنجق بعض خرابه لری موجود
اولان (نینو) و (قلاش) شهرلرنده اقامت ایتمکده ایدیلر .
اگر خط ایلاک پلان موجبنجه دجله نك صول جناحنه ایصال
ایدلسه ایدی ، آنک کذرکافنه (غوغاملا) محاربه سنک
محل جریانی اولان اووویه مصادف اوله جقدی . بو نقطه دن

اعتباراً خط جنوبی استقامتی آله رق ارباه دن کچد کدن و دجله نك
آياق لرندن اولان آشاغی و یوقاری (صعب) نهر لرینی
آشدق دن صکره کرکوک جوارنده واقع پترول منبع لرینه وصول
ایده جکدر .

کرکوک جنوبینده اراضی پک غریب بر شکل آلمغه
باشلیور . اوراده کاه درین بر چاقل طاشی طبقه سیله مستور
و حیوراق تپه جکره ، کاه متعدد خروشان سیلابه لر طرفندن
قطع ایدیلوب بطاقلق حالته کلمکه پک مستعد و منبت وادیلره
تصادف اولنور . صوک درجه راطب اولان بو اووولرک
پرچ زراعتی ایچون یارادلمش اولدقلری بدیهیدر . ایران
حدودینک اوته سنده کائن (پشتش کوه) طاغندن بدأ ایله
دجله نهرینک صوک یاقه سینه قدر اوزانان (جبل محرقین)
سلسله جبالی آشیلدق دن صکره کرک فراتک ، کرک
دجله نك و کرک بو صوک نهرک ایران طرفلرندن آقوب کلن
آياق لرینک سوروکلیوب کتوردکلری قوملر ایله طوپراقلردن
متشکل عراق حوالی مسطحه و منحنیه سینه کیریلور . بغداد خطی
ایچون تنظیم اولنان ایلك پلانه توفیقاً خط بغدادده تکرار
دجله نك بر یاقه سندن دیگر یاقه سینه کچه جکدی . صکره دن یاپیلان
و الیوم موقع اجرایه قونیان ایکنجی پروژیه توفیقاً موصل
استاسیونی اسکی نینیو شهرینک خرابه لری اتصا لنده دکل
لکن دجله نك غربینده و موصل شهرینک پک یقیننده واقع

بر نقطه ده تاسیس اوله جقدر. خطك رایلری بو نقطه دن اسکی آسور
شهرینك خرابه لری كائن اولدیغی قلعه شرغات و دجله نك پاك
قربنده واقع تکریت طریقیه طوغریدن طوغری یه بغداده
فرش اوله جقدر. طاتوروس طاغلریه بغداد شهری آردسند
كائن اولان خطك بوقسم جنوبیسند - ذاتاً موجود اولان
آطنه - طرسوس خطندن ماعدا - دیگر اوچ شعبه خطك
انشاسی تصور ایدیلیور. بونلرك برنجیسی جنوبه طوغری
حلبه، ایکنجیسی شماله طوغری اورفه یه اوچنجیسی تکریت
ایه بغداد آردسند واقع بر نقطه دن اعتباراً ایران حدودنده و ایران
یا یلاسك کنسارنده بولنان حقیقه کیده جقدر. بوصوك بلده نك
مرکزی ایرانه کیدن یوللردن بر چوغنك نقطه تلاقیسند
واقع اولسی حسیله اورایه واصل اوله جق شعبه خطی بیوك براهیت
تجاریه بی حائر اوله جقدر. بغداددن اعتباراً آنا خطی
غربه طوغری بر دیرسك تشکیل ایدرك بابل شهر قدیمك
خرابه لری شمالنده فرات نهرینی کچه جك و شیملرك اك مشهور
زیارتگاهلری اولان کربلا یه اوغرادقن صکره فرات نهرینك
چامورلی و قوملی ساحل یمینی تعقیباً بصریه واصل اوله جقدر.
طرابولوسدن بصریه قدر امتداد ایدن ساحه نك همان هر قاریش
یری فوق العاده بر قوڈ انباتیه مالک اولدیغندن حوالی مذکورده نك
استقبال اقتصادی پك پارلاق اولدیغنه هیچ شبهه یوقدر.
بوندن ماعدا آز چوق بطاقلق جاننده بولنان بعض یرلرده

اجراسی لازم که جک عملیات صناعیه ایله فرات اوزرنده یاییه جق
جسیم کوپری استئنا ایدلدیکی حالده انشاآت خصوصنده بو قسمده
هان هیچ برمشکه تصادف اولمیه جقدر. بغداد خطنک ال صولک والک
قیصه قسمی اولان بصره کویت قسمنک مرور ایدیه جکی یولر هان کاملاً
قومسال و دوزدر. بونک انشااسنده کوزه دیان یکانه مقصد
خطه دکنز اوزرنده بر مخرج تدارکندن عبارتدر. شط العرب
نهرینک منصبنده کی صیقللر سبیلده صو کسیمندن اشاغی قسملری
آلتی مترودن فضله اولان واپورلر بصره یه کیده مامکده در.
کویت لیمانی ایسه اک جسیم واپورلری استیعاب ایدیه جک قدر
کنیش ودریندر.

بتون سیئانه رغما غیر قابل انکار بر نفوذ نظره
مالک اولان عبدالحمیدک بغداد خطنک کذرکاهی حقنده کی
نقطه نظری حکومت حاضره عثمانیه طرفندن دخی - بعض
ترددلردن صکره - قبول و تصویب اولمشدر.

بونک ایچوندر که خطک مبدئی اولان حیدرپاشادن ونقطه
انتبائییه سی اولان و کویتدن صرف نظر ایدیلیر ایسه بغداد د میربولی
کذرکاهی هیچ بریرده دکنز ساحیلده تماسده بولمیه جقدر. آنا خطی
آنجق آطنه - مرسین شعبه خطیه دکنزه مربوط بولنیور.
مع مافیه آنا خطنک سوریه ساحلنه اک قریب اولان بر نقطه سیاه
دکنز آراسنده ایر، کچ بر مواصله تأسیسی ضرور یاتنددر.
بو شعبه خطنک هانکی یولردن کچه جکی و هانکی لیانه قدر

ایصال اولونه جنی مسئلہ لری اہمیتجہ ایکنجی درجہ دہ
 قالیور . فکر مزجہ بونک سافکدہ قدر تمدیدی حالندہ پک
 بیوک منافع تأمین اولونه جقدر . بغداد خطنک تجارت نقطہ نظرندن
 الکمہم قسمی سوریہ ایلہ بغداد آرسندہ کائن اولان قسمیدر . ذاتاً
 ازمنہ قدیمہ دہ آسیای صغرای قطع ایدن اکمہم طرق تجاریہ
 بوحوالیدن چمکدہ ایدی . خطک بو قسمنک اہمیتنی تضعیف ایچون
 آنتا کیہ یہ قدر مکمل برشوسہ انشا ایتک کافیدر . سوریہ قطعہ سی
 موقع جغرافیسی حسبیلہ ، بصرہ کور فزی واق دکنری حوالیسی
 آرسندہ بالضرورہ اکمہم بر سر تجارت حالنی کسب
 ایدہ جکدر . تجارت بریہ نک یرینہ تجارت بحریہ قائم اولمغہ باشلا دینی
 نقطہ دہ ہر زمان غایت مهم بر مرکز تجارت موجود بولنیوردی .
 بومرکز تجارت ازمنہ قدیمہ دہ آنتا کیہ شہری ایکن شمدی حلب
 شہریدر .

فرات ودجلہ حوالیسندہ حاصل اولان محصولات چار
 وناچار غرب یولنی طوتمقدہ در . بویول ایسہ بالادہ بحث
 ایتدیکمز سوریہ طاغلریلہ طوروس سلسلہ جبالنک صول
 یماجلری آرسندہ کائن طار اووددن چمکدہ در . شمالی
 سوریہ نک حاکیت اسلامیہ نک تأسسنہ دکن فوق العادہ معمور
 و آبادان بر حالہ بولنسی آنک بحر سفید حوالیسیلہ عراق و الجزیرہ
 قطعاتی آرسندہ بر مرکز تجارت اولمسندن ایلری کلیور . حلب
 و آنتا کیہ نک جنوبندہ اجرا ایتدیکم متعدد سیاحتلر اٹاسندہ
 ار قدر چوق خرابہ لر ، زمان قدیمدن قالمہ او قدر چوق زیتون

ياغى مخزنلرى ويوكسك بىر مدنيته دلالت ايدىن او قدر متنوع و متعدد
 اثار عتيقه يى كورم دكه بوكا قارشو تعجب ايتمكدن كندىمى
 آله مدم . بتون بو اثار ، شالى سوريه نك عربلر طرفدن فتح
 اولدىغى زمانه قدر پك چوق اهالى ايله مسكون اولدىغى
 وبو اهالينك پك يوكسك بىر سويه مدنيه ده بولدىغى اثبات
 ايلكده در . خرابه لر آره سنده كوردىكم زيتون ياغى اعمالنه
 مخصوص لايعد آلات قديمه بكا تونسده اولدىغى كى شالى
 سوريه ده دخى بر زمانلر جسيم زيتون اورمانلرى موجود
 اولدىغى وبو اورمانلر اهالى ايچون بيوك بىر منبع ثروت تشكيل
 ايتدىكى قناعتنى ويرمىشدر . شرقك معمور وزندلين مملكه تارىله
 حوالى غريبه آره سنده پك صيق مناسبات تجاربه دوام
 ايتدكه - كه بو حال اهل صليب محارباتنده مشهود ايدى -
 آنتا كيه معمور بىر بلده ايدى . بوكونكى آنتا كيه نك نفوسى
 يكرمى بيك ايله اوتوز بيك آره سنده اولسه كرك . مع مافيه
 اون برنجى واون ايكنجى عصر ميلادى دن قالمه جسيم سورلر
 الحاطه ايتدىكى ساحه نك وسعتى بلده حاضر دنك مساحه
 سطحيه سنك آلتى مثليدر .

بغداد خطنك اكالى اوزرينه تكرر ديريله جك اولان
 عراق الجزيره قطعاتنك بومعموريتى نتيجه سى اوله رق وجوده
 كتييله جك متعدد شعبه خطلرينك انشاسندن صكره آنتا كيه يى
 بيوك بىر تجارت ليمانه افراغ ايتك مجبوريت مطلقه سى حاصل

اولہ جقدر . ساحلہ یتیشمک ایچون اختیار اولان آٹھ - مرہین
 طریق یک اوزون و طولاشیق اولق حسبیلہ تجارت بویولدن
 مستفید اولق شویہ طورسون بالعکس متضرر اولہ جقدر . اگر
 شمندوفر مسئلہ سی سیاسی دکل لکن صرف اقتصادی برنقطہ
 نظردن تدقیق ایدلسہ آناطولی خطی حالیلہ براقق ودر حال
 آنتاکیہ طرفندہ بغداد خطنک انشاسنہ باشلامق البتہ دہا
 موافق اولہ جنی تسلیم اولنور . دجلہ و فرات حوالیسی محصور
 لاتندن اولان حبوبات ، پاموق و یوک کبی امتعہ یی ممالک
 اجنبیہ یہ اخراج ایتملکہ مشغول اولان ارباب تجارت ممکن
 مرتبہ قرہ طریقی قیصالتغہ و دہا اوجوز اولان دکر
 طریقی اوزاتمغہ چالیشہ جقلردر . بو ملاحظہ یہ مبنی در کہ
 تجارتک امتعلرینی قرہ طریقیلہ بغداد و اورادن عدن -
 سویش دکر طریقیلہ آوروپاہ سوق ایتکی ترجیح ایملرینہ
 احتمال ویرمک جائزدر . بغداد خطنک شرقی آناطولی یہ عائد
 اولان قسمنی انشا ایتک ایکی سبیدن طولایی تحت وجوبدہ در .
 بوسبیلرک برنجیسی عسکرلکہ تعلق ایدیور . اگر ترکیہ بغداد
 و موصلدن جلب ایدہ جکی عساکری ایستدیکی نقطہ یہ قدر
 شمندوفر ایله سوق ایدہ من ایسہ بغداد خطندن آنجق قسماً مستفید
 اولہ جقدر . بو مطالعہ شمالدن عراق طرفلرینہ هندستان ایله
 سریع برخط مواصلت تاسیسی مسئلہ سیلہ حائر علاقہ دارد . اوروپا
 ایله هندستان آردسندہ مناقلاتک تسریعی نقطہ نظردن بغداد خطنک

اهمیت عظیمہ سی درکار در. هندستان ایله آوروپا آرسندہ کی مسافہ فی
 قصہ لٹحق ایچون ہر شیدن اول آوروپای غربی و مرکزیدن
 کلن یوللرک بربرینی قطع ایتدکاری نقطہ دہ کائن اولان
 در سعادتی شط العربک منصبہ رایلر ایله ربط ایتک لازمدر.
 بغداد خطی بصرہ کور فزی اوزرندہ واقع بر نقطہ یہ قدر تمدید
 ایدیایر ایسہ بو خطک کشادی فرداسندہ هندستانہ کیدن و اورادن
 کلن یو جیلر محقق بو طریق اختیار ایدہ جکار در. طبعیدر کہ پوستہ
 مناقلاتی دخی بغداد خطیلہ وقوع بولہ جقدر. مع مافیہ خطک
 در سعادت ایله طرسوس طانغک سطح مائل جنوبیسی آرسندہ
 کائن قسمی اوزرندہ کی مناقلات تجاریہ دہا طول مدت محدود بردائره
 داخلندہ قالہ جقدر. آنا طولینک زمان قدیمہ زنکین اولان اقسامی
 حیدر پاشا ارکلی خطک غربندہ کائن اولان حوالیدر. آطنہ اووہ سنک
 استقبال اقتصادی پک پارلاقدر. بو حوالیدہ تورکار سائر عنصر لر
 ایله قازیشیق بر حالده بولنیورلر بو مملکتدہ پک چوق ارمنیلر
 ساکن اولدینی کبی اورادہ اپی مقدار عربلرہ دخی تصادف اولنور.
 خطک عینتاب ایله موصل آرسندہ کی کذرکاهنہ مصادف
 نواحی اہالیسی باخصوص کردلردن عبارتدر. واقعاً بو طرفدہ
 دخی گاہ تورکارک گاہ ارمنیلرک و گاہ عربلرک اکثریت اوزرہ
 بولندقلری بعض یرلر وارددر. مثلاً کردستاندہ واقع ماردین
 شہرندہ همان عمومیتلہ عربجہ تکلم اولنور.
 وضعیت جغرافیہ سی و اهمیت تاریخیہ سی اعتباریلہ یوقاری

مہزویو تامیانک طبیعی مرکزى اولان اورفہ باخصوص تورنگر
ایلہ مسکون بربلدہ در. بوشہردہ اپی مقدارده آلمانلر او طور ییور.
ارمنستان وقوعاتی صرہ سنده بورادہ پک قانلی حادثات جریان
ایلمشدر. آلمانلر ادرنہ دہ ابوینی قتل ایدیلن برقچیوز یتیم ایچون
بردارالایتام تأسیس ایتدیلر. بوندن ماعدا اورفہ دہ وطنداشلر من
طرفدن بلا تفریق جنس و مذهب بتون مرضانک قبول ایدلایکی
بردارالسریریات، بر اجزاخانہ، برخالی و بر منسوجات فابریقہ سی
وجودہ کتیرلدی .

یالکنر بو فابریقہ لرده مستخدم عملہ ناک مقداری درتیوز
راده سنده در .

خالی فابریقہ سنک تأسیسی اوزرینہ خالیجیلق صنعتی اورفہ دہ
او قدر ترقی ایتمشدر کہ خالی تجارتندن تمتعات عظیمہ تأمین ایدن
ازمیردہ کی انکلین تجارتخانه لرندن بعضیلریلہ رقابتہ کیریشمت
ممکن اولمشدر . هیچ شہہ یوق کہ برقچی سنہ صکرہ بو صنعت
اطراف وجوارده کی قصبہ لرلہ کویلرہ انتشار ایدہ جکدر . بر
بطن صکرہ اورفہ حوالیسنک احوال صناعیہ سی غربی آنا
طولینککنہ پک زیادہ عرض مشابہت ایدہ جکدر . مواد
ابتدائیہ ناک و عملہ اجوراتنک اورفہ دہ ازمیردن دہا اوجوز
اونسی بزم ایچون پک موجب منفعت برشیدر . آلمانیا دہ
شرق خالیرینہ کوستریان رغبت کیت کیدہ آرتدیغندن اورفہ
اهالیسنک بو خالیجیلق صنعتی یوزندن بیوک استفادہ لر تأمین

ایده جگنه شبهه یو قدر . جنوبه طوغری شد مرحله ایدن
 بر انسان اور فیهی ترک ایتدیکی کبی آرتق هر درلو امنیت وانتظامدن
 محروم بر مملکتده بولنیور . بو حال آسیای عثمانینک منتهای
 جنوبیسی اولان شطالعربک منصبه قدر دوام ایدیور .
 عبدالحید زماننده الجزیره طرفلرنده نه امنیت شخصیه دن
 نه نفوذ دولتدن اثر اولدیغی دیر ایسه م بونی مبالغهیه عطف
 ایتما لیدر . حوالی مذکورده تمامینه کورد دره بکلرک زیر
 تحکم وتغلبنده بولنیوردی . آنلرک اهالی حقنده روا کوردکاری
 معامله جبر وتضییقی بالذات مشاهده ایده بیلیم . هله بونلرک
 ایکیسی - که بری ویران شهرلی ابراهیم پاشا و دیگری
 جزیره لی مصطفی پاشادر - اوراده هم بیوک مقیاسده
 شقاوت ایتکده همده برر حکمدار کبی سلطنت سورمکده
 ایدیلر . حمیدیه سوارلی قطعاتنده جنرال رتبه سنی حائر اولان
 و بو سبیدن پاشا عنوانی طاشیان بو ایکی شقی شهر افعال
 اعتسافکارانه لرینی کمال سربستی ایله اجرا ایده بیلیمک ایچون
 ییلدیزجانیه بیوک رشوتلر ویریورلردی . ابراهیم پاشا کندی
 پاره سیله ییلدیزده پیدا ایتدیکی حامیلر سایه سنده دیگر قبائل
 رؤساییه اجرا ایتدیکی مبارزات ومحارباتده جهت عسکریه نک
 معاونتته بیله نائل اولدی . مومی الیه بو مظاهرتدن بسبتون
 جسارته کلهرک ۱۳۰۲ تاریخنده فرات اوزرنده کائن راقه
 جوارنده خیمه نشین اولان شحار و الاحف نام عرب عشائرینه

بالهجوم بونلرك برچوق افرادىنى قتل ايتدكدن بشقه اون
 بيك قويون و اوچيوز قدر باركيولرىنى غصب و اغتنام ايلشدر.
 بومدهش ضربهدن صكره بوايكي عشيرت رؤسايى بغداد
 حواليسنده كي رؤساي عربك الك قدرتايلى اولان فاروق
 پاشادان استمداد ايتمشلر و مومى اليه ده اون بيك كشي ايله
 آنلرك معاونتته شتابان اولدى. كورد ابراهيم پاشانك
 معيت افرادى آنجق اوچ بيك كشيدين عبارت اولديغندن
 مومى اليه فاروق پاشا آدملىيله محاربه يه كي ريشمكه جسارت
 ايتماش وييلديزه بالمراجعة سريعا قوه امداديه كوندرمىسنى
 طلب ايلشدر. كنديسنه بو طلب ورجاسى درحال اسعاف
 اولنه رق بيك بشيوز پياده و بشيوز سوارى ايله امدادينه
 يتيشيلدى. بو قوت ايله عربانه قارشو ايكنجى ودها قطعى
 بر مظفريت قزنان ابراهيم پاشا آرتق بونك اوزرينه جبر
 و تحكمى صوك درجه يه وارد رهرق حكومت عثمانيه يي بيله طانيماغه
 باشلا ديغندن ييلديزده كيلر تالاشه دوشديلر و بو حاله نهايت ويرمك
 ايچون چاره لر تحريسنه قويولديلر. مع مافيه فاروق پاشا ابراهيم پاشادان
 يديكي ضربه نك انتقامنى آلق ايچون تدارك اتده بولمقدن خالى
 قالميوردى. مومى اليه بقاراط، يوز، شعرعنه و سائر بعض عشائر
 عربك معاونتتى تامين ايتمكه قالميه رق نجد شيخ ذيقدرتنه
 دخى مراجعت ايتمش و مشاراليهدن ابراهيم پاشايه قارشو سكر
 بيك عربان كوندره جكنه دائر وعدلر آلمشدر. بركت

ویرسون که ایشلر صوڭ درجه یه وارمازدن اول بو محاربه ناک
اوکی آلنه بیلمش و او ائناده ابراهیم پاشانک وقوع بولان وصایتیه
الجزیره ده بر آز سکوت و سکونت تأسس ایلشدر .

احوالی بو درجه مذبذب و مشوش اولان بر مملکتک
— ولو که صوڭ درجه مستعد ترقی اولسون — طریق انکشافده
قطع مسافه ایده مامسی و اقتصاداً پک دون بر مرتبه ده قامسی
نه قدر طبیعی ایسه ضرب و حرب و یغما و غارتدن بشقه بر شی
دوشونمیان عرب و کورد عشائری رؤساییه افرادینک فرات
ودجله وایلرنده هر درلو طرق مواصله و با خصوص خطوط
حدیدیه تأسس نه شدتله معارض و مخالف اولملری او قدر
طبیعیدر .

جزیره لی مصطفی پاشا ابراهیم پاشادن ده امدهش بر شقی
ایدی . ۱۹۰۱ سنه سنده موصله و اصل اولدیغ زمان غایت
شدید بر برودت حکمفرما اولمقده ایدی . سوقاقلر غایت
کشیف بر قار طبقه سیله مستور بولنیوردی . خانه لک درونی
چوقدنبری هوالندیرلماش بر بوز مخزنی قدر صغوق و نمناک
ایدی . شهرده اودون و لهور بولمق قابل اولمادیغندن
بو اضطراراته متوکلا نه وجسورانه قاتلانمقدن بشقه چاره
بوقدی . بو فقدان مخروقات سببی صورتیغ زمان شمالده کی
اورمانلق طاغلردن کلک واسطه سیله اودون و کمور کتیرن
تجارتک دجله ناک ایکی یاقه سنی طوتمش اولان مصطفی پاشا

آدملری طرفندن خراجہ کسیدکلری و نقل ایتدکلری اموالک
اٹمانه معادل بر مبلغ تأدیہ ایتیانلردن بو ماللری غصب
اولندقدن بشقه کندیلری ده بر چوق سؤ معاملاتہ اوغرادلد -
قلری، اوروپادن جلب ایدیلوب صامسون - دیار بکر طریقہ
الجزیره اوووسنک کنارینه قدر قاطر و یادوه ایله واورادن ده
جنوبه طوغری کلک ایله سوق اولونان امتعهنک دخی عین
ویرکویه تابع طوتولدیغی جوانی آلدیم . فی الواقع موصالده
بولندیغ مدت اٹناسنده روسبه دن و یا ممالک سائرمدن کلوب
حوایج ضروریه دن معدود اولان بر چوق موادک وازجه
غازیاغنک فیثاتی اوچ درت مثلنه فیرلامشدی . مصطفی پاشاموصل
آراسنده کائن الی قدر اسلام و خرسیان کویلرینی ایکی
سنه طرفنده یغما و تخریب و بونلرک سککسی طرد و تبعید
ایلمشدی . ۱۹۰۱ سنه سی تشرین ثانی آینده موصالان شماله
طوغری سیاحتہ چیقه جنی زمان نهرک ایکی طرفنده بو کویلرک
خرابه لرینی و بو خرابه لر ایچنده کویلیلردن غصب و سرقت
اولنانه مواشی بی رعاییدن مصطفی پاشانک آدملرینی کوردیم .
دها ایکی سنه اول مزروع حالنده اولان تارلار بستیون متروک
و مهمل بر حالده بولنیوردی . مصطفی و ابراهیم پاشا و شقاوت ایله
مآلدن سائر کورد دره بکلرک بوتحکم و حشیانه سی دوام ایتدیکی
مدتجه موصال حوالیسندہ شمندوفر یایمغه قالقشمق جنتدر .
زیرا بو آدملرک خطی تخریب ایتدکدن بشقه هر درلو آتار عمران

و مدینتک وجوده کلمسہ شدتہ ممانعت ایدہ جکارندہ هیچ شبہہ
یوقدر . الجزیرہ حوالیسنی دائرہ مدینتہ ارجاع ایتک انجق
یوکی حیدودلرک صنعت ملعونانہ سنہ خاتمہ چکمکاکہ قابل اولہ جقدر .
موصالان بغدادہ قدر اولان حوالی جنوبیہ موصالک
شمالندہ کی یرلر قدر آنارشی ایچندہ دکلدی . مع مافیہ
بورادہ دخی جان ومالارندن امین اولق و سلامتہ سیاحت
ایتمک ایستہینلر ایچون قطعات عسکریہ آرامکاه اولان و یا
ژاندارمه لرک تحت محافظہ سندنہ بولنان قرا و بلاددن تباعد
ایتمک مجبوری تی واردی . دجلہ نک ساحل یسارندہ وبو نہر
ایلہ ایران حدودینی تشکیل ایدن سلسلہ جبال آره سندنہ کی
ساحہ دہ پک مهم نفت یاغی منبعلری موجود اولدیغنه دلالت
ایدن آثار و علامتہ تصادف اولنور . ایران اراضیسندنہ باشلا یوب
دجلہ نک آیاقلرندن اولان (صعب) ایرماغنک ایکی ساحلی
بویجہ جنوب غربی استقامتی تعقیب ایلہ دجلہ و فرات
حوضہ لری قطع ایدرک بادیه الشامک همان کوبکنہ قدر اوزانان
جسیم بر منطقه واردرکہ بونک اراضیسی قرہ ساقز ، نفت یاغی ،
پترول وعینی ترکیبدہ اولان بر طاقم مایعات ایلہ عادتاً حال
اشباعدہ بولنیور . کرکوک ، تکریت وصیت قصبہ لری بو منطقه نک
داخلندہ کائندر . بن کرکوک جوارندہ کی نفت یاغی منبعلریلہ
بابا غورغون طرفلرندہ کی قابل اشتعال غازلرک تصعداتی بالذات
تدقیق ایدرک بو حادثات طبیعیہ نک بحر حزرر ساحلندہ کائن

(آبسقرون) شبه جزیرہ سنہ قویولر قازلمغه باشلانمزدن اول
تظاهر ایدن عین حادثاتدن قات قات مهم اولدیغنی مشاہدہ
ایلدیم . روس دمیریوللرندہ، واپورلرندہ، مؤسسات صنایعہ سندنہ
قوللانیا لان محروقات میانندہ نفت یاغی طورطوسنک نہ درجہ
مهم بر موقع طوتدیغنی ، زمان اخیردہ اختراع اولنان برچوق
یکی مواد تنویریہ و تسخینیہ رغماً پترولاک الان پک مهم بر منبع ضیہ
اولدیغنی دوشونیلیر ایسہ بغداد خطنک نفت یاغی منبعلری اتصالندن
کچمسندن پک عظیم استفادہ لر تأمین اولنہ جنی در حال تسامیم
ایدیہ جکدر . قورقیلہ جق برشی و ارایسہ اودہ آلمان ارباب
تشبثی نفت یاغی منبعلرینی ایشلتمکہ وقت بولمزدن اول بعض
اجنبی دالاورہ جیلرک پاره ایلہ بوامتیازی الدہ ایتکہ ویا هیچ
اولمز ایسہ بو خصوصدہ بر حق رجحان تأمین ایتکہ موفق
اولمایدیر .

بر زماندنبری مختلف مطبوعاتہ عکس ایدن بعض اخبارات آلمان
متشبثلرینک بر آز کچ طاوران دقلری و بو مهم ایشی بشقہ لورہ
قایدیر دقلری حقندہ بزده اندیشہ لر اویاندیرہ جق بر ماہیتدہ درہ
مسئلہ یی عثمانلی منافعی نقطہ نظرندن دوشونیلر ترکیہ نک نفت
یاغی منبعلرینک کائن اولدیغنی حوالی ایلہ قطعات سائرہ عثمانیہ
آردہ سندنہ مکمل بر واسطہ نقلیہ یی بو آنہ قدر تأسیس ایتماش
اولسنہ حیرت و تعجب ایتکدن کندیلرینی آلہ میورلر . ترکیہ
کچی غایت آز وارداتہ مالک اولان و مقاصد عسکریہ و مالکیہ

ایچون مبالغ جسیمیه عاجلاً و شدیداً محتاج بولتان بر حکومتک
کندیسی ایچون غایت امین و واسع بر منبع واردات تشکیل
ایده جاک اولان پترول قویولرینی بر آن اول ایشاتماسی و شمندوفرک
اکانه دکین کچه جک هر کونک غائب اولمش بر کون اولدیغنی
دوشونماسی طوغریسی آ کلاشیلمز برشیدر .

کر کوک ، تکریت ، صیت حواله سننده حفر ایدیه جک
پترول قویولرندن اهالینک و دولتک درجه استفاده سی
حقنیه صحیح بر فکر ایدینک ایچون باقو طرفلرنده کی پترول
منابعدن تحصیل ایدن تمتعاتی و روسیه دولتیجه - پک آز
مقدارده ویرکو آلمسنه رغماً - الله ایدیلن وارداتی کوز
اوکنده بولندیر مق کافیدر . بومنبعلر ایشانمیه باشلار باشلامز
ترکیه نک بودجه سی در حال مهم بر صورتده قباره جقدر .
شمیدی به قدر اجرا اولنان تدقیقات فیه دن بغداد خطی
بویجه پک آز کمور معدنلری موجود اولدیغنی آ کلا -
شیلدیغندن قومپانیانک نفت یاغنی محروقات مقامنده قوللانمقده
مضطر قاله جفی و بوندن خیلی استفاده ایده جکی درکاردر .
خطک کذرکاهنه قریب اولان یکانه کمور معدنی موصلاک
شالنده دجله یه منصب اولان شاپور ایرمانی حوضه سننده
کائن اولان معدندر .

مع مافیه بالاخره دها دقتی تحریات و کشفیات

اجراسی حالندہ دیگر بعض معدنلرک میدانہ چیقسی
استبعاد ایدیله من . کندیم بالذات زیارت ایتدیکم بابا
غورغوز (کرکوکک جوارنده) نفت یاغی معدنلرینک
اهمیت آتیه سی حقندہ بر فکر ویرمک ایچون آمریقانک
(نیورق) و (پانسیلوانیا) ایالتلرندہ بولنان عینی منبعلرک
اهمیت حاضرہ سنی ذکر ایتک کافیدر . بو منبعلردن چیقوب
صنایعدہ قولانیلن طبعی غازاتک سنہدہ تأمین ایتدیکی کار
یتمش میلیون مارقدن آشاغی دکلدیر .

بغداد خطنک پترول منطقہ سنی کچد کدن صکرہ بغدادک
برآز شمالندہ ایراندن کلوب ارباب تجارتہ ونجف ایله کر بلایه
کیدن بیکلرجه ایرانی زوارد ممر اولان طریق کبیرک قطع
ایتمی مناقلات عمومیه نقطه نظرندن فوق العاده حائر اهمیت
بر کیفیتدر . صرف سیاسیاته متعلق اسبابدن طولانی آنا خطی
نجفدن خیرمکه هیچ حاجت یوقدی . ذاتاً ۱۹۰۹ تاریخندہ
عثمانلی نافعه نظارتی طرفندن نشر اولنان مخطرده نجف -
بصرہ کورفزی خطی انشایی مبرم ومستعجل اولیان برخط
اولہرق کوسترلمشدر . بویله ایکن خطک بصرہ کورفزینک هانکی
نقطه سنہ منتهی اولہ جفی مسئلہ سی پک مهمدر . چونکہ هر نصل اولسه
خط برکون کورفزه قدر تمید اولنه جقدر . بو نقطه انتہائیہ نک
انتخابی مسئلہ سی خطک تعیین کذرکاهی مسئلہ سنہ تابع ومعلقدر .

یا خط رسماً تصور اولندیغی وجهله فرات نه‌رینی آشەرق شەرقدن
 دکره اینەجک ویا اک قیصه یول اولقله برابر بطاقلق اولق
 حسیله بیوک مشکلاقی عرض ایدن غرب طریقنی تعقیباً
 طوغریدن طوغری یه شط العربک منصبنه واصل اوله‌جقدر.
 خط ، شط العربک ساحل یسارینی تعقیب ایده‌جک اولور.
 ایسه آنک نقطه‌ انتهائیه‌سی ایران حدودینه پک یقین دوشه.
 جکدر . بوصوک کذرگاه انتخاب ایدیلیر ایسه بیوک بر خطای
 سیاسی ارتکاب ایدلمش اوله‌جغه هیچ شبهه یوقدر . خطک
 نقطه‌ انتهائیه‌سی حقیقده قطعی برسوز سویلک حقنی محفوظ
 بولندیران انکلترونک کندی ایشنه کلیان بر کذرگاه قارشو
 الک شدید اعتراضاتی درمیان ایده‌جکی هان محققدر . مخمره ، ایرانک
 شط العرب دلتاسنده باشلیجه لیانیدر . بولیمان قارون نه‌رینی شط العرب
 ربط ایدن قنالک کنارنده واقعدر . اسکندر کبیر سوزادن
 بابله کیده‌بیلیمک ایچون بونیاندن استفاده ایدرک ساحلنده کائن
 اولدینغی قنالدن عسکرینی امرار ایلشدر . شط العرب نه‌رینک
 منصبنده سیر سفائنه مانع صیغقلر موجود اولسنه بناءً بغداد
 خطنک صوک موقفی نه بصره‌نک نه‌ده مخمره‌نک یقیننده تأسیس
 اولنه‌بیله‌جکدر . بصره کورفرینک ایرانه عائد اولان ساحلی
 غایت صیغ اولدیغندن واپورلرک اورایه یناشمسنی دائره‌امکانه
 کتیرمک ایچون جسیم سدلری و صنعی لیانلری وجوده
 کتیرمک لازم کله‌جکدر که بوکی عملیاتک نه‌درجه عظیم مصارفی

موجب اوله جغنی آکلامق ایچون اوزون دوشونمکه حاجت یوقدر . حالبوکه کورفرزک عربستان جهتده اولان ساحلنده کویت کبی اسکیدن معروف و مکمل بر لیان موجوددر . نه چاره که انکلتره بو نقطه یه شمیدین ال اوزاتدی . کویت عثمانی حوزه اداره سندن حقیق مسیله انکلتره حاکمیتی آلتنه کیرمسی یوزندن هم ترکیه نك همده اوروپانك - طبعی انکلتره مستنا اولق اوزره - منافعی پك زیاده ضرر دیده اوله جقدر . اگر بغداد مسئله نك جهت سیاسی و عسکریه سی بر طرفه بر اقلیر و آنجق جهت اقتصادی سی دوشونیلیر و خطدن تجارت نقطه نظر نجه ممکن مرتبه استفاده ایتک آرزو اولنور ایسه بغداد دمیریولانی بصره کورفرزه ساحلنه ویا بو ساحله یقین نقطه یه قدر تمید ایتک فکرندن واز کچمیلیدر . عمران و الجزیره محصولاتنی بعض کورفرز طریقاه اخراج ایتکدن ایسه سوریه سواحلنه سوق ایله اورادن اوروپایه نقل ایلک ده کارلی و الویریشلی اوله جقدر . بغداده ویا نجفیه منتهی اوله جق بر خط ترکیه نك الک مبرم احتیاجات عسکریه سنه مع زیاده تقابل ایدم جکدر .

عین زمانده سوریه لیانلری هم عمران و الجزیره دن کله جک حبوبات و پاموق اخراجاتی همده اوروپادن کوندربنه جک معمولات صناعیه ادخالاتی نقطه نظرندن بصره و کویت ایله رقابته کیریشه بیله جکدر . بغداد خطی لیاننک اسکندرون کورفرزی اوزرنده واقع اولسی بولیانك بصره کورفرزی ساحلنده

ولفسندن منافع اقتصادیه بین المللیه بی دها اینی تأمین ایدہ جقدر .
 زیرا بصرہ کورفزی شمیدیہ قدر اولدینی کی بوندن
 صکرہ دخی انکلازمک تقبش وقوتروانه تابع اولہ جقدر .
 بغداد خطی کویتہ منتهی اولور و کویت اوزرندہ
 انکلازمہ حا کمیتی تأسیس اولنور ایسہ بو دولت اوروپادن
 هندستانہ کیدن بحر محیط اطلسی - قاپ و بحر سفید - سوش
 طریقارندن بشقہ بغداد خطیہ وجودہ کتیریلہ جاٹ بصرہ -
 کویت یولہ دخی حا کہ اولہ حق و شرق بمیدہ کیدن بولارک
 ان قیصہ سی اولان بو صوک یولی ایستدیک زماں آجیق ویا
 قیالی بولندیرمق اقتدارنی حائر بولہ جقدر . دولت عثمانیہ نک
 کویت اوزرندہ کی حق حکمرانیسی حقوق دول نقطہ نظرندن
 غیرقابل اعتراضدر . ترکیہ ده ایلاک اصلاحاتی تطبیق ایدن
 عدحت پاشا ، ۱۸۷۰ سنہ منده اولان بغداد والی کی
 زمانندہ عربستانک بصرہ کورفزی ساحلندہ اولان
 شمال شرقی قلمندہ - کہ بو حوالی بہ الحصا تعبیر اولنور -
 عثمانی نفوذنی تأسیس ایتکہ موفق اولدی و عربستان مرکزیدہ
 واقع اولوب مستقل بر حاکمک تحت اداره سنده بولنان نجد
 قضیہ معروفہ سی صانکہ ممالک عثمانیہ الحاق اولمش ایش کی
 بالادہ کی یکی قضایہ نجد اسمنی قویدی . نجد قضاسنک واردای
 یک آز اولمق واورادن عسکر آلمق امکان خاوجندہ بولمق حسیلہ
 درسماد تجہ بوقطعہ جدیدہ عثمانیہ ایلہ یک آراشتغال اولندی . مقام

شیخیده برتبدل شخصی وقوع بولدینی زمان کیفیت مقام سلطنته
اشعار اولوب شیخ جدیدك تصدیق مأموریتی طلب ایدیلوردی .
باب عالی ده شیخه قائم مقام عنوانی و حقوق و صلاحیاتی بخش
و اعطا ایتمکه آنك صفت و مأموریتی تصدیق ایدردی .
حکومت عثمانیه نك نجد قضای اوزرنده اجرا ایتدیکی نفوذ
و تأثیر ایشته بوندن عبارت قالیوردی .

بغدادده بولندیغ زمان (۱۹۰۱ ده) عثمانلی سنجاغی کویت
اوزرنده موجه لیوردی . بغداد خضتک کذرکاهی حقنده
تدقیقاتده بولنق اوزره عراقده کشت و کذار ایدن آلمان
هیئت قیسه سی بر عثمانلی فرماتی حامل و عثمانلی ژاندارمه لرك
تحت محافظه سنده اولدینی حالده برسنه اول یعنی ۱۹۰۰ ده
کویته واصل اولدینی زمان شیخ طرفندن حسن قبول اولنش
و مشار الیه هیئتک کرک شهرده و کرک لیمانده اجرا ایتدیکی تدقیقات
و کشفیاته قطعاً ایقاع موانع و مشکلات ایدلما مشدر .

حالبو که انکلیر کویت شیخك ده ۱۸۹۹ سنه سنده هندستان حکو-
مته عقد ایتدیکی بر معاهده موجنبجه کندی کندینی انکلتره نك زیر
حمایه سنه وضع ایلش اولدینی ادعا ایدیورلر . بو ادعا طوغری اولسه
بیله شیخك کیریشدیکی معاهده هیچ بر حکم قانونی بی حائز
دکلدر . زیرا مقام سلطنتك بر حق حکمرانی یه مالک اولدینی
بر مملکت حاکمی او مقامك مساعده و موافقتی استحصال ایتمکسزین
اجنبی بر دولت ایله هیچ بر معاهده عقد ایده من . کویت

شیخی نه بویله بر مساعده یی طلب ایتمش ، نه ده حکومت سنیه
کندیله کنندن شیخه بو مساعده یی ویرمشد .

بغداد خطنک صوک قسیمیله بونک منتهی اوله جنی لیان
حقنده انکلتزه جه بعض آمال و تصورات بسانلمسی اول امرده
انکلتزه ایله ترکیه یه عائد بر مسئله در . ترکیه نك الجزیره
و عراق جهتلرنده کی وضعیت سیاسی و عسکریه سنی ضعفه
اوغرا تمق تأثیر و نتیجه سنی حاصل ایده جک بر تضییق و یا تهدید
انکلتزه طرفندن اجرا اولندیغی کوندن اعتباراً آلمانیا منافی معروض
تهلکه بولنه جقدر . انکلتزه نك بغداد خطی حقنده کی آمالی ، تثبیت
مذکورده یه انکلیز سرمایه سنی اشتراک ایتدیرمک - ولو که بواشتراک
آنجق خطک صوک قسمی ایچون اولسون - خصوصندن
عبارت قالدیجه آلمانیا نك بوکا اعتراض و مخالفت ایتسنه - طبیعی
تورکیه نك موافقتی استحصال ایتک وانکلتزه دن تعویض المق
شرطیه - محل یوقدر . مع مافیه انکلتزه کویتمه یایدیغی کی عراقک
دیگر بر نقطه سنه و یا نقطه لرینه وضع ید ایتدیکی واورالرده
سوق الجیش بر موقع طوتمغه تثبیت ایلدیکی آندن اعتباراً
مسئله نك شکل ورنکی دکشه جکدر . انکلتزه ، بغداد خطنک
هندستانه طوغری یکی بر یول آچدیغی ایچون بونک نقطه انتهائی -
سنک انکلیز قونترولنه تابع بولنسی لازم کلدیکی ادعا
ایتمکه بر حدناشناسلقد بولنیور . تام معناسیله بر عثمانلی
خطی اولان بغداد دمیر یولنک صوک موقفی مطلقاً عثمانلی

طوپراغنده اولمیدر . عثمانلی اراضیسی حتمده هیچ برحق
تملك ادعا ایدمهین انكلتره بصره كورفرینی كندی دائرة
نفودی داخلنده عد ایتمهكه وهندستانی احاطه ایدن دكزلرك
حقیقی بررقیوسی اولان ارموز و بندر عباس بوغازلرینی كندی
مراقبه فعلیهسی آلتنده بولندیرمقله اکتفا ایتمیدر . بوندن
فضله برشی ایسته مك آلمانیا ایله باب اختلافی آچیق دیمكدر .

*
* *

بغداد تشبثی نه آلمان نه ده بین المللی . لیکن صرف عثمانلی بر
تشبث اولدینی ایچون كرك حكومت عثمانیه و كرك عثمانلی ملتی
بو تشبته آنقو عثمانلی منافی كوزمك لازم كلدیكى فكر
وقعا عتده بولنیورلر . سیئات ماضیه نك یكانه دكلسه ده باشلیجه منبى
اولان یلدىز اداره سندن قورتولمش اولان حكومت عثمانیه نك
احتیاجات حاضره مبرمهسی اولاقوتلی وهرنه وقت اولسه حربه
گیریشمك مقتدر و مهیار اردو و نایاً مكمل طرق مواصله و وسائط
نقلیه و ثالثاً شمردیكندن قات قات فضله وارداتدر . حدود
حدیدیه نك و طرق مواصله نك لكشیری واردات دولتك و نقوس
اهالینك ترایدینی انتاج ایدمكدر . بغداد خطنك قطع و مرور
ایده جكي حوالینك زمان قدیمده حائر اولدینی درجه مدنیته
تدریجاً تكرار ارتقا ایدمكچكنه وهر شیدن اولك اورداده
حبوبات و پاموق زراعتك بیوك بر انكشافه نائل اوله جفته شبه
یوقدر . بو حاندن هم تركیه هم ده باشده آلمانیا اولق اوزره

ترکیہ ایہ دوست چین حکومتلرک کافہ سی پک زیادہ مستفید
اولہ جقدر .

آسیای عثمانیہ آلمان مہاجرلرک سوقی مسئلہ سنی اور تہیہ
حیقارمق ترکیہ ایہ یمنزدہ بر طاقم سؤتفہملر میدانہ آچق
ومالک عثمانیہ وہ کی موقعی تملکیہ آتق دیمت اولہ جفن بالمناصبہ
یران ایتشدک ، بغداد خطک اکالندن صکرہ ترکیہ دہ تأمین
یدجکمز منافعت اورایہ آلمان کویایلرخی یرکشدیرمکلہ اللہ
ایدہ جکمز منافعتدن هیچ آشاغی قالمیہ جفنہ امین اولق لازم
کلیر . بوکا موفق اولق ایچون روسلرک ترکستان حقندہ تعقیب
ایتدکلری سیاست اقتصادیه بی عراق والجزیرہ حقندہ تطبیق ایتک
کافیدر . روسلر ترکستانہ آیاق باصدققری زمان اورادہا کی زمانلردہ
بیوک وسعت و اہمیتی حاز اولان پاموق ذراعتیہ ایپکجیلکک بقیہ
آقارخی اولایلرہ آسیادہ روس نفوذ و حا کیتی تاسیسہ چالیشان
رجال سیاسیہ و عسکرہ ایچندہ ذکا و عرفانیہ ممتاز اولان جنرال
(قاوفمان) پاموق ذراعتک اہمیت فوق العادہ سنی در حال تقدیر
ایدرک آمریقادن تخم کتیرتمک وارباب ذراعت و تجارتہ اقراضات
وانواع تسہیلاتدہ بولنق صورتیہ پاموق ذراعت و تجارتنہ قیصہ
برعدت طرفندہ پک بیوک بر وسعت و یرمکہ موفق اولمشدور . یکرخی
یش سنہ اول ترکستاندہ حاصل اولان پاموق ، یرلیرک احتیاجاتی
تسویہ ایدہ جک مقدار دہ بیلہ دکلکن شمدی ہر سنہ اورویای
روسی بہ یدیوز بیکدن فضلہ پاموق بالیہ سی اخراج اولنیورکہ

بومقدار روس صنايعك محتاج اولديني مقدارك نصفيدر .
 مع مافيه تركستانده پاموق زراعتي اك سرييع انكشافاته نائل
 اولديني زمان ماوراي قفقاسيه دميريولى زمان قديمده پك چوق پاموق
 بتشن آموداريا نهرينك اوتةسندەكى اراضى به ايريشديكى آندن
 اعتباراً كچن زماندر . بو دمير يول انشا ايدلمزدن اوله پاموغى
 تركستان خارجنه سوق ايتك صوك درجه مشكل اولديني
 كچى بو نقليات ايچون مصارف عظيمه اختيار ايتك لازم
 كلديكندن يرلير - آمريقا تخمى توزيع وپاره اقراض
 ايتك صورتيله وقوع بولان معاونات و تسهيلاته رغماً -
 آنجق احتياجلرى نسبتنده پاموق زرع ايلكده ايديلر . آنجق
 ماوراي قفقاسيا دمير يولنك اكالى اوزرينه پاموق تجارتي
 ايچون تركستان خارجنده يكي يكي رواجكاهلر تدارك ايتك
 امكانى حاصل اولدقدن صكره دركه يرلير شوق وهوسه كلديلر .
 منسوجات قطنيه ي اعمال ايدن روس فابريقه طورلرى طرفدن
 وقتيله آمريقا ومصر زراعتنه هر سنه تأديه اولنان يوز اللى
 ميايون روبله شمدى تركستان كويليلرينك جيبه كيريور . روس
 اشغالندن اول برسفالت ومحروميت مطلقه ايچنده يشايان توركستان
 كويليلرى پاموق زراعتنه وسعت وكرمى ويرلسى اوزرينه رفاه يوزنى
 كورمكه و صوك سنه لرده عادتاً زنكيناشمكه باشلاديلر . ثروت
 وسامانلرى تدريجاً آرتان توركستانلير روس معمولاتنه كيت
 كيده متزايد بر رغبت كوسترمكده درلر . بوندن ماعدا آنلر

ایچنده نفس تور کستانده منسوجات قطنیه قابریقه لرینی وجوده
کتیرن بعض متشبت کیمسه لر دخی ظهور ایتدیکندن تور کستان
هم زراعت هم صنایع یوزندن متفع اولیور .

بغداد خطنك كچه جكي يرلر ك چوق چیمه دن تور کستان
کبی و حتی آندن دها زیاده معمور برحاله کلسی اغلب احتمالدر .
الجزیره قطعه سیله بوقطعه ایله همجوار اولان سوریه نك اقسام
شرقیه سی زمان قدیمده ال زیاده پاموق حاصل ایدن قطعاتدن ایدی .
بو يرلر عرب حاکمیتی آلتنه کیردکن صکره بیله بر
مدت بو حال معموریتلرینی محافظه ایشلردر . . کرک زمان
حاضرده اجرا ایدیلن بعض عملی تجربه لر دن کرک اسکیدن
قاله بعض کتابه لر دن الجزیره قطعه سیله بونك غربنده کائن
حوالینك طوپراق وهواسی - هله بلیش وشایو ، نهرلری ،
کنارنده - پاموق زراعتنه صوك درجه مساعدا اولدیغی
آکلاشلمشدر .

حوالی مذکورده الیوم ایکی سبیدن طولای نه پاموق
زرع اولنه بیلیور نه ده ارضك خزان طبعیه سنندن استفاده
ایدیله بیلیور . بو سبیلردن برنجیسی امن و آسایشك فقدانی
و ایکنجیسی وسائط مناقله نك معدومیتیدر . مع مافیه بغداد
شمندوفرینك انشا آتی ایلر ولدکجه بو سوء احوالک تدریجاً
اورته دن قالقه جغه شبهه یوقدر .

مه زوپوتامیا (عراق و الجزیره ایله بو قطعاته مجاور

بادیه‌لر) زراعت کندی ثمره سی و غیرتی اولان محصولک
 چوللارده سرسریانه طولاشان عربان و یا شمال و شرقده کی
 طاغله ده اقامت ایدن کورد اشقیاسی طرفدن غصب و سرقت
 اولغیه جغنه و کندی احتیاجات ذاتیه لرینه مخصوص اولان قسمک
 اوست طرفی ایچون دائماً مشتری بولمق ممکن اوله جغنه اطمینان
 حاصل ایدر ایتمز چوللارده کیدرک انهارک منبت ساحلارنده پاموق
 زراعتنه ایتدار ایده جکدری و عراق و الجزیره قطعاتنک بیکارجه سنه
 اول حائر اولدقلری حال معمر و ریتک رقیق سنه صکره اعاده اوله جتی
 محققدر. تورکیه، جسیم پاموق مزروعی نخی تأسیس ایده یلمک ایچون
 لازم کلن سرماییه مالک اولمادیغدن بو سرماییه بالطبع اجانب
 طرفدن ویریه جکدر، شوراسی اینی یاملیدر که سرماییه مز
 پاموق زراعتی سریعاً انکشاف و توسع ایده مز. دکل
 آلمان کویلیلریله لکن آلمان پاردسیله عراق و الجزیره ی زراعت
 و مدنیته کشاد ایتک لازم کله جکدر، آلمانیا بو طرزده حرکت
 ایدر ایسه آلمان صنایعی عظیم استفاده لر تأمین ایده جکدر.
 اعضایی میاننده عثمانلی تبعه سی دخی بولنه جق زراعت
 شرکتلری تشکل ایتلی و بو شرکتلر بتون ایشلنماش و خالی
 اراضینک صاحبی اولان حکومت عثمانیه دن جسیم اراضی
 پارچه لرینی استحصال ایتکه چالیشمالیدر. بو خصوصده
 تعقیب اولنه بیلن اک انی اصول، اراضی مذکور دینی اوزون
 مدت ایچون استیجار ایتکدن عبارتدر. شرکتلر معین بر

بر مدت ایچون صاحبی اولدقلری اراضی بی اوفاق پارچه لره
تقسیم ایدرک بونلری یا التزامه ویرملی ویا کندی حسابلرینه
اوله رق یرلی چفتجیلر واسطه سیاه ایشلتدیرملیدرلر . مع مافیه
بکا قالیرسه اوفاق چفتلکلری ایجار ایتک آنلری طوغریدن
طوغری به ایشلتمکدن ده افاذه لی اوله جقدر . الیوم آمریقادن
پاموق کتیرتن آلمانیا نك بو محصوله اولان احتیاجنی عراق
والجزیره دن کله جک پاموق ایله تسویه وازاله ایتک امکانی
حاصل اولور ایسه قطعات مذکوره اهالیسی - تورکستان
اهالیسی کی - بو اخراجات یوزندن چوق پاره قازانه جق
وبو سایه ده آنلرک قدرت اشترایشیسی آرته جغندن معمولات
صناعیه منر ایچون یکی مشتریلر پیدا اوله جقدر . آمریقا ،
آوروپا به هر سنه برقچ میلیار فرانق قیمتند پاموق کوندردیکی
حالده آوروپادن وباخصوص آلمانیا دن وقوع بولان ادخالاتی
ممکن مرتبه تحدید ایتک ایچون هر درلو مشکلاتی ایقاع ایتمکدن
خالی قالمیور . ترکیه نك حقمنزده بویله برسیاست اقتصادی تعقیب
ایتمنه شمیدیلک امکان یوقدر . مادامکه ممالک عثمانیه آلمان
سرمایه سیله اعمار ایدیله جک او حالده عثمانلی ملت نك حوایج
ضروریه سنندن اولان معمولات نك امر سوق و ادخالنده
آلمان ارباب تجارت وصنایع نك رقیبلرینه قارشو بر موقع
رجحانده بولملری طبیعی عد اولملیدر . اگر آلمانیا ترکیه به
قادشو دور اندیشه انه وبصیرتکارانه برمسلك سیاسی تعقیب

ایدر ایسه عراق و الجزیره قطعاتنک استقبال اقتصادیسنت
 آلمان ارباب فن و اصحاب سرمایهنک همتی سایه‌سند
 تورکستانکی قدر و بلدک آندن زیاده پارلاق اوله‌جغه
 حکم ایتک جائزدر . دوشونملی که ازمنه قدیمده مشعشع
 بر مدنیته جلوه‌گاه اولان و اهالیسی سامان و ثروت
 ایچنده یشایان تورکستان بر قاق عصر مدت یأس آور
 بر خرابه‌زار منظره‌سنی عرض ایتدکن صکره شمندوفرلرانشاء
 قنالار کشاد و هر درلو انشآت نافعیهی اجرا ایدن روس
 مهندس‌لرله روس سرمایهدارلرک و روس متشبثلرک همت و غیرتیه
 تکرار اسکی حال معموریتنی اکتساب ایتک اوزره بولنیور .
 تورکستانده وجوده کتیریلن اجراآت عمرانیورانه دها بیوک
 بر مقیاسده و دها آز زمانده عراق و الجزیره حوالیسده نهدن
 وجوده کتیریله مسون ؟

بغداد خطی اسکیشهر و آنقریه قدر تمید اولندقدن بر
 قاق سنه صکره مرور ایتدیکی اراضیده حبوبات زراعتنک
 جالب دقت بر صورتده نائل ترقیات اولدیغی مشاهده
 اولنمشدر . باخصوص بغدادی محصولیدرکه یک زیاده
 تزايد ایلمشدر . بو محصولک بول و برکتلی اولسی یوزندن
 حکومتک اعشار جهندن اولان وارداتی خیلی آرتدیغی کبی
 خط اوزرنده کی مناقلات دخی فضله بروسعت و اهمیت کسب
 ایلش و طولانیسیله طرف حکومتدن شمندوفر قومپانیه‌سنه

تأدیسی لازم کان کیلومتر و آچه سنی آژ المشر . فضله محصول
ویردیکنی دیدیکمز شو اراضی مواسم معینه ده یاغان یغمور لر
ایله اسقا اولنان اراضیدندر که بورادن محصول آلمق ایچون
نزول بارانی متعاقب طوپراغی ایشلمک کافیدر . آناطولینک
قسم مرکزسی یوکسک بر یایلادن عبارت اولسنه رغماً قطعه
مذکورده نک شمالنده و غربنده کافی درجه ده یاغمور یاغیور .
مع مافیه طوروس سلسله جبالی بحر سفیددن اسن رطوبتک
روز کارلره قارشو برسد حائل تشکیل ایتدیکندن بو طاغلرک اتکنده
کائن اراضی پک قوراقدر . بویابس منطقه نک اورته سنده الک منحن
مخلنده طوزچولی تسمیه اولنان جسم برچول موجوددر . میاه
جاریدن محروم اولان بوقورو منطقه ایکی چولدن متشکلدر که
بوناردن بری طوزلی و دیگری ایسه تمامیه چوراقدر . بوراده
اجرای زراعت ایچون مطلقاً صنعی وسائط اسقائییه وجوده
کتیرمک لازمدر . بو حوالیده حضارتدن اثر اولمامسندندر که
اسکی روملر بوراسنه (آقپلوس) یعنی آناجسز مملکت
اسمنی قومشلردی . بغداد خطنک حیدر پاشادن آقره یه
قدر اولان قسمنده او یانمغه باشلایان فعالیت ذراعیه دن
قونییه جوارنده اثر کورلمامسنگ سببی ایشته بودر قونییه
حوالیسندده حبوبات ذراعنه اهمیت و وسعت ویرمک ایچون
آنجق برچاره وارددر که اوده او مملکتی صنعی بر صورتده
صولا مقندن عبارتدر .

ایشته بونک ایچون قونیہنک شرقندہ کان چومہرم
 قریہسی جوارندہ بیوک عملیات اسقاییہنک اجراسنہ قرار
 ویرلدی . عملیات مذکورہنک غایت واسع بر مقیاسدہ یاییلمسی
 آنلر ایچون مصارف عظیمہ اختیارینی استلزام ایدہ جکدر .
 قونیہ اووہسنی اسقا ایدہ جک شرکت طرفدن قبول اولنان
 پلانک نقاط اساسیہسی بروجه آتیدر :

قونیہنک طقسان کیلومترو غربندہ و طوروس طاغلرینک
 یقینندہ جنورہ کولنک ایکی مثلی وسعتندہ بک شهر کولی کائندہ .
 عینی اسم ایله مسما اولان بلدہنک اتصالندہ کولک صولری
 طار بر مجرادہ قونیہ اووہسی استقامتندہ شدید بر جریان ایله
 آقیور . مع مافیہ بو چای قونیہ اووہسنہ قدر وارمیوب یاری
 یولادہ قرہ ویران کولنہ دوکولیور .

بو کولک جنوب طرفندہ هنوز اولچولہ مامش درینلک
 واردرکہ بونلرک قیالر ایچندہ بولنان بر اوچورومدن ایلری
 کلدکلی اکلالمشدر . بو اوچوروملر بک شهر کولندن آقوب
 کان صولرک قسم اعظمی چکوب آلیور . صولرک اودرینلک لردہ
 تہ اولدینی هنوز اکلایشیلہ مامشدر .

صویک دیگر بر قسمی هر طرفدہ یوجہ طاغلر ایله محاط
 و هواسی غایت صیجاق بر چیقورده کائن قرہ ویران کولی
 سطحندہ تخیل ایدوب ضایع اولیور . یکی شہردن کان
 چایک صولری آنجق فوق العادہ شدتلی صاغناقلر یاغدینی

زمان قباروب قونیه استقامتند آقغه باشلار و صرب وبالچق
 قیلار آردسند صیقیشمش قالمش چهارشنبه درهسندن کچهرک
 چورمه قریه سنک بر آز شمالنده اصل قونیه اوودسند داخل
 اولدقدن صکره بغداد خطنک محافظه سی ایچون انشاایدیلن بیوک سدنک
 بر آز ایلریسند قوملر طرفندن مص و باع ایدیلور . بک شهر
 کولندن آقان بوصوایله قونیه اوودسنى باشند باشه اروا و اسقا
 ایده بیلیمک ایچون آنک مجراسنى او صورتله دکیشدیرملی که قره ویران
 کولنه دو کوله جک یره دائمی صورتده چهارشنبه درهسنى تعقیباً
 چورمردیه طوغری آقسون . بومقصدله آتیده کی عملیاتک اجراسى
 لازم کلیور . (۱) بک شهر کولندن کلوب آقان صولری دائماً عین
 مقدارده بولندیرده جق بعض سدنک انشاسى (۲) صویک مجراسنى
 تبدیل ایتک ایچون قره ویران کولی اطرافنده بر
 جدول حفری ، (۳) چهارشنبه درهسنىک طاشلردن
 وطوپراقلردن تطهیری (۴) دمیر یول خطنک ایکی طرفنده
 صولری جلب و تقسیم و توزیع مخصوص بر طاقم جدوللرک
 انشاسى .

شمدیلك قرق آلتی بیک اهکتار وسعتنده بر
 اراضینک اسقامی متصوردر . بو اراضی زراعتیه صالح
 برحاله افراغ اولدقدن صکره قونیه حوالیسندن هر سنه
 در سعادتیه یکریمی بیک واغون طولوسى حبوبات کوندرمک قابل
 اوله جنی امید اولنیور . بوصورتله هم دمیر یولک وارداتى

آرتہ جق ہمده درسعادتك حبوبانه اولان احتیاجی یرلی مال
ایله تأمین اولنه جقدر. بوندن ماعدا قونیہ طرفلرنده زراعتك
ترقی وتعممی نتیجه سی اوله رق كرك مقدار نفوس كرك واردات
دولت حس اولنه جق درجه ده تراید ایده جقدر. اسقا
ایدیله جك اراضی همان كافه حكومت عثمانیه نك یدتصرفنددر.
حكومت مشار الیها، عملیات اسقائیہ ختام بولدقن صكره،
قونیہ اوودسنة برچوق مهاجرلر سوق ایتك فكرنده بولنیور.
عملیات مذكوره دویچه بانك اداره ونظارتی آلتند بولنان
بر آلمان شركتی طرفندن اجرا اولنیور. مصارف انشائیہ
تقریباً یكرمی میلیون فرانغه بالغ اوله جقدر.

بو تشبث، بغداد حوالیسیله دخی آطنه اوودسند و جوده
كتیر یله جك آثار نافعہ یاننده يك كچوك برتشبدر. مع مافیه آنك
اهمیتی بر باشلانغچ اولمسند و آسیای عثمانی بی عالم مدنیت و ترقیه
كشاد ایچون اوتهدنبری بسانیلن تصوراتك شمعی آرتق
جداً ساحه حصوله چیقارلدیغنه بر دلیل تشکیل ایتمسنددر.
حكومت سنیه، برق سنیه صكره قونیہ اوودسندك حال
معموریتی كوره جکی زمان البته بوكی عملیات و انشاآتك
ممالك عثمانیه نك سائر اقسامنده دخی وجوده كتیرلسی آرزوسنی
حس ایده جقدر.

عملیات انشائیہ بی درعهده ایدن شركت مهندسلری
طرفندن یاپیلان تدقیقات ائناسند بلك شهر كولی صولری

قونیہ اووہ سنه اساله ایچون اسکی زمانلرده موفقیتله
 بعض تشبثلرک موفقیتله اجرا اولندیغنه دلالت ایدن آثاره تصادف
 اولمشدر . بنم مشهودات ذاتیه مخی بو مرکزده در .
 مارالذکر مهندس لر قره ویران کولی اطرافنده آیری آیری
 اوچ دوزیه مخصوص عملیات اسقائیہ آثارینی کشف
 ایتدکلرینی ، قره ویران کولی صولرینک اسرار انکیز
 بر صورتده برآلتدن آقوب کیتدیکی درین کورفزی کولک
 اقسام سائر سندن آیرمق ایچون انشا ایدیلن سدلرک انقازی
 الآن موجود اولدیغنی ، کوله قریب بر محله بر جدولک انشاسنه
 تشبث اولمشسده بونک چهارشنبه دره سندن آشاغی
 بر سویه ده اولدیغنی آ کلاشینجه عملیاتنه انشائیہ نک تعطیل
 اولندیغنه دلالت ایدر بر چوق امارد لر کورلیدیکی سویلیورلر .
 قونیہ اووہ سنده متعدد بلاد قدیمه نک موجودیتته علامت اولان
 بر چوق تپه جکلره تصادف اولمسی بر زمانلر مذکور اووہ نک
 بک شهر کولی صولریله طبیعی و صنعی بر صورتده اسقا
 اولندیغنه بر اماره در . زیرا اکر بو اووہ زمان قدیمده
 شمدی اولدیغنی کی برشوره زار حالنده اولسه ایدی اوراده
 انسان یشایوب اوطور مسنه امکان اولمازدی . صولرک
 تقسیم و توزیعنه مخصوص بیوک حوض وسدک دردست
 انشا بولندیغنی محله جسم دیوارلرک تمللری میدانه
 حیقارلشددر . بو دیوارلرک عین مقصدله یاپیلدیغنه واسکیدن

اورادہ جسیم بر صو خزینہ سی بولندیغہ شہہ یوقدر . بو اسکی دیوار تملاری او قدر صاغلام ایدی کہ بوناری دینامیت ایله آتقی لازم کلدی .

وجوده کتیر یله بیله جک جدوللرله بوکامتفرع ابنیه وسائرہ فی حسن محافظہ ایچون طرف حکومتدن هر سنے نه قدر پاره صرف اولنه جق ؟ حکومت بوایشن طوغریدن طوغری یه بر استفادہ تأمین ایدہ بیله جکمی ؟ شرقدہ بوزمینده هنوز تجربہ لر یاپیلما مش اولدیغندن بالاده کی سؤالره شمیدین قطعی بر جواب ویر یله مزہ مصر علیاده کائن عصیانده انشا اولنان جسیم حوض ایله جدوللر بو خصوصده مثال ومقیاس اتخاذاولنه ماز . زیرا اورادہ کی عملیات طوغریدن طوغری یه حکومت طرفدن نامحدود وسائط نقدیه ایله یاپیلما مشدر . تورکستانده کائن (مرو) واحه سنی اسقا ایچون وقوع بولان تشبثلردن متحصل نتایجہ استناداً قونیہ اووه سی تشبثک استقبالی حقنده بر فکر بیان ایتک قابل دکلدر .

روس مهندسلری (مرو) واحه سنی اسقا ایدن مورغاب شهرنده ایکی بیک شوقدر سنے اول موجود اولوب بالا خرد بوزولش اولان بندلری وسائط جدید فنیہ ایله تکرار انشا ایتک چالیشمشر سده بوکا موفق اوله مدیلر . آنلر یرلی صو مهندسلرینک یکر می عصر اول الک ابتدائی وسائط فنیہ ایله یاپمغه موفق اولدقلری شیلری چیمنتو ، بهتون کبی مواد انشائیہ واک صوک ماکنه لر ایله یاپه مدیلر . برچوق میلیونلرک صرفندن صکره مورغاب نهرنده

وجوده کتیریلن عملیات بدایهٔ اجرایی تصور ایدیلن عملیاته
نسبةٔ يك اهميت سزدر. وواحه سنك پاموق زراعتنه تخصیص اولنان
قسمی ده او نسبتده چوکدر. مع مافیه یثاغدن طاشان صولرایله روسلر
طرقدن انشا ایدیلن سدلری ییقان مورغاب نهری بك شهر کولندن
حیقان ایرماقله قابل قیاس اوله میه جق درجاده بیوکدر.
قونیه اوودسندده طغیان میاعدن قورقغه محل یوقدر. زیرا
صولرك بر قسمی هر حالده کولاره آقوب کیده جکندن طوفان
آسا یاغموزلر یاغسه بیله جدوللرده کی صولر هیچ بر زمان
اراضی متجاوره بی استیلا ایدمه جکدر. بناءً علیه قونیه اوودسی
تنبیئی حقنده یاپیلان حسابات و تخمیناتك طوغری حقیقه سی
اغلب احتمالدر. حکومت عثمانیه، بو تشبثك نتایج ممنونیت
بخشاسنی کورنجه سائر قوراق اوودلرده دخی بویولده عملیات
اجراسنه قالمشه جغه والیوم هیچ محصول ویرمه یں بر چوق
یرلرك برو ذخیره انباری حاله کله جکسه شبهه یوقدر.

مع مافیه قونیه پروژه سنك آتییی حقنده برآز محترزانه
اداره افکار ایدنلرك اندیشه ایتدکاری بر شی وار ایسه
اوده اوودنك صولانمسندن صکره مالاریا خسته لغنك انتشار
ایتمی و قابل ذرع برحاله افراغ اولنان ۴۶,۰۰۰ هکتارلق
اراضی بی ایشاده جك قوتلر تدارکنده مشکلات چکیلمسیدر.
مالاریا صتمه سنه کلنجه تدابیر مصیبه ایله بو خسته لغنك دائره
سرایتی تحدید اولنه بیله جکی درکاردر. برده دوشونملی که

وسائط صنعیه ایله اسقا اولنان هر اراضیده کی اهالی بوخته لگه
طو تولسه نه مصرده ، نه آمریقای مرکزیده ، نه تورکستانده ،
نه ژاپونیا و چینده تام الصیحه انسانلر بولمازدی . حالبوکه ممالك
مذکورده کی کویلیلر وجودجه غایت صاغلام و هر درلو
مشاق و مزاحمه پک محتملدر . قونیہ اووہ سنک اسقاسی
مسئله سنک بر آرزوها مشککجه اولدیغنی اعتراف ایدرز ،
۴۶,۰۰۰ هکتار وسعتنده بر اراضی بی ایشلتمک ایچون
هر حالده بر قاچ بیک کویلی عالیه سنه احتیاج واردر . قونیہ
ولایتده زراعتہ صالح اراضینک آزلغنه مبنی اورا اهالیسی پک
سیرکدر . آناطولینک اقسام سائرہ سنده دخی بر فضلہ نفوس
یوقدرکه اورادن قونیہ ولایتہ طوغری بر جریان مهاجرت
حاصل اولسون . بو سببدن طولانی قونیہ اووہ سنه یرلشمک
خصوصنده آناطولی کویلیلرنده بر هوس وارزو اوپاندیرمق
ایچون اورایه اختیار هجرت ایدہ جکاره بر طاقم مساعدات
وتسهیلات کوسترمک لازم کلیر . تورک عنصرندن غیری بر
عنصری قونیہ اووہ سنه یرلشدیرمکی قطعاً عقلمه کتیر ماملیدر .
بک شهر کولی اطرافنده وقونیہ اووہ سنده کی احوال
و شرائطک عینی - لکن کچوک مقیاسده - آناطولینک دیگر
بر چوق نقاطنده دخی موجوددر . چومره قریه سی جوارنده
اجرا ایدیلوب ۱۹۰۳ سنه سنده نظر تفتیشدن کچیردیکم عملیات
اسقاییه ختام بولنجہ یه دکن دها بر قاچ سنه کچه جکدر . عملیات

مذکورہ نیک برسرعت و انتظام تام ایچندہ ایلرولدیکنی کورن حکومت سنیہ آناطولی شمندوغر قومپانیہ سنی بوندن قات قات مهم بر پروژہ نی موقع اجرایہ قویمغہ مأمور ایلدی کہ آٹنہ اووہ سنک اسقاسی پروژہ سیدر. بوراسی زمان قدیمده ایکنجی برعراق، ایکنجی بر مصر ایدی. آناطولی یایلاسنده پک آز میاه جاریہ بولندیغی حالده آٹنہ اووہ سی پک صولاق بریردر. اراضیسی طوروس طاغلری انکارندن کلوب آقان متعدد نہرلرک سورو کلیوب کتیردکلری و فیضان میاه اٹناسنده صاغده صولده ترک ایتدکلری منبت و محصولاتار برطوپراقدن متشکلدر. بالادہ کی انہار طوروس طاغلرینک ذروہ لرندہ کی قارلر ایردیکی موسمندہ بیلاہ پکچوق صو طاشیرلر.

عثمانلی نافعہ نظارتی طرفندن ۱۹۰۹ سنہ سنده نشر اولوب ممالک عثمانیہ ده وجودہ کتیراسی متصور اولان دمیر یولی خطوطیلاہ سائر آثار نافعہ نیک مفصل بر پروگرامنی احتوا ایدن بر مخطرہ ده آٹنہ اووہ سی حقندہ دنیا یورکہ :

آٹنہ اووہ سنک مرسیندن سیسہ قدر قسمنک قوۃ انباتیہ سی خارق العادہ بر درجہ ددر. بو اووہ نیک طوپراغی هر چشید محصولات واز جملہ حبوبات و پاموق یتیشدیرمکہ صوک درجہ مساعد والویریشلیدر. پاموق زراعتنک بو کونکی کونده اہمیت فوق العادہ سی دوشونیلہ جک اولورایسہ

آٹنہ لیلرک بو یوزدن پک بیوک بر انتفاع تأمین ایدہ جکلرینہ
شبهه یوقدر . اووہ بردان ، آٹنہ چای نام دیکرله سییحان
و جیحان نہرلری طرفدن اراقہ اولنیور . بوانہارده کی صولر
دائماً مبدولدر . حتی آٹنہ جهتده اک قوراق موسم اولان
ایلول و تشرین اول آیلرندہ بیلہ اوچ نہرده اراضی مجاورده نی
صولہ یه جق قدر صو بولنیور . ایلاک بهارده ایسه صولر
او قدر قبارییور که مزروعاتی تهلکه یه قویان فیضانلر وقوع
بولیور . آٹنہ اووہ سنده یاپیله جق ایشلر شونلردر :

(اولا) نہرلردن اوزاق اولوب موسم فیضانده صو آلتند . قلیان
وبناء علیہ یابس اولان اراضینک ارواسی (ثانیاً) فیضانلردن
متضرر اولان اراضینک بر صورت منتظمه ده احقاسی (ثالثاً)
نہرلرک فیضاننه مانع اولمق ایچون سدلر و بندلر انشاسی (رابعاً)
بطاقلقلرک قورودسی . بو عملیات سایه سنده زراعتہ صالح برحانہ
کتیریله جک اراضینک وسعتی اوچ میلیون اوچ بیک دونمدن عبارتدر که
بونک بر میلیون یوز بیک دونملک یری سیس و ایکی میلیون
ایکی یوز بیک دونملک یری آٹنہ اووہ لرندہ واقعدر .

نافعه نظارتنک مخطرہ سنده بو عملیات ایچون اختیار اولنه جق
مصارف ایکی میلیون راده سنده تخمین اولنیور . آٹنہ و سیس
اووہ لرینک قسم اعظمندہ پاموق زرع اولنسی همان محقق
اولدینی ایچون بوجزئی مصرفه مقابل کرک حکومت عثمانیه نک
کرک اهل زراعت و تجارتک انتفاعات عظیمه تأمین ایدہ جکنه

شبهه یو قدر. آٹنه اووه سنده کی اصول تقسیم میاهک ابتدائیاکنه
 رغباً اوراسی غربی آسیانک الذیاده پاموق یتیشدیرن محلیدر.
 زمان قدیمده پاموق زراعتنک مرکزى بر آزدها جنوبی شرقده،
 سوریهنک شمالنده یعنی بغداد خطنک اورتہ سندن کچہ جکی بر
 محلدہ کاٹن ایدی. اوراده، حلب ایله پیره جک آره سنده
 کاٹن بر نقطه ده (پامبیقه) نام شهر قدیمک خرابه لری موجوددر.
 بو پامبیقه اسمنک پاموق معناسنه اولان پامباقی لغت یونانیسندن
 مشتق اولدیغی شبهه سزدر.

ازمنه قدیمده منسوجات قطیہ آنجق تزیینات ایچون
 قوللانادیغی ایچون یوک وکشدن دها بهالی ایدی. صنایع قطیہ
 سوریده زمان قدیمده پک مترقی بر حالده بولسان بویاجیلق
 صنعتی یاننده بیوک بر موقع طوتیوردی.

مع مافیه الک ظریف واک بهالی یوک قماشلری هندستاندن
 کئیوردی. پاموق زراعتی اسکندر کبیرک اسفاری اوزرینه
 هندستاندن وتورکستاندن سورییه چمشد. ازمنه متقدمده
 پاموق غایت قیمتدار بر محصول عد اولنیوردی.

آسیای شرقی مدنیت قدیمه سنک الک صوک وارثلری اولان
 عربلر دخی پاموق زراعتیله اشتغال ایلمشلردر قرون وسطیده
 پاموق زراعتنه الک زیاده وسعت واهمیت ویریلن یرلر سوریه
 والجزیره قطعہ لریدر. اوزمان موصل شهرى پاموقی زراعت
 وتجارتنک برنوع مرکزى ایدی. ذاتاً بونک ایچوندرکه موصلده

اعمال اولنان غایت ایجه پاموقلی قاشلره آوروپاده (موسلین)
اسمی ویریلوردی . موصلدن اقمشه قطنیه دودلر ایله سوریه
ومصر مراکز تجاریه سنه واورادنده غایت قیمتدار ونادر
برمتاع اولمق اوزره غرب پیاسه لرینه کوندریلوردی .

حکومت عثمانیه نك امور زراعیه معظوف مساعی اصلا
حایرورانه سندن اصل مقصد پاموق محصولانی ترید ایتك اولدیغی
آشکاردر . آطنه اوودسندن بو مساعیدن اقتطاف اولنان
ثمرات حقنده بر فکر حاصل ایتك ایچون زیرده کی جدولده
مندرج ارقامه بر نظر عطف ایتك کافیدر .

پاموق محصولی (بالیه حسابیه)

نه

(هر بالیه = ۲۰۰ کیلو غرام)

۴۵,۵۰۰	۱۹۰۵ — ۱۹۰۴
۵۰,۶۰۰	۱۹۰۶ — ۱۹۰۵
۵۶,۰۰۰	۱۹۰۷ — ۱۹۰۶
۶۰,۴۰۰	۱۹۰۸ — ۱۹۰۷
۷۶,۴۰۰	۱۹۰۹ — ۱۹۰۸
۵۹,۴۰۰	۱۹۱۰ — ۱۹۰۹
۸۵,۰۰۰	۱۹۱۱ — ۱۹۱۰

آطنه حوالیسنك ۱۹۰۵ سنه سندن ۱۹۰۸ سنه سنه قدر
اولان پاموق محصولی تورکستانده کی عموم پاموق محصولنك
تقریباً یوزده اونی راده سنده ایدی . تورکستانده یتیشن پاموق
ایسه بتون کره ارضده حاصل اولان پاموقك بشده بریدر .
اگر ۱۹۰۸ ده غایت قورو وصیجاق روزکارلر اسمسه

ایدی سنه مذ کوره پاموق محصولاتی قات قات دها برکتلی
اوله جقدی . ۱۹۰۹ ده بیوک ارمنی قتالی وقوع بولدیغندن
محصولی دهوشیرمک ایچون مقدار کافی رنجبر تدارک اولنمدی .
بونک ایچوندرکه هوانرک فنا کیتمسنه رغماً ۱۹۰۸ ده ۸۶,۴۰۰
بالیه مقدارنده پاموق حاصل اولدیغی حالده بر سنه صکره بو
محصول آنجق ۵۹,۴۰۰ بالیه دن عبارت قالدی . مرکزی
درسده اولان آلمان شرق پاموق شرکتی ۱۹۱۱ محصولی
۸۵,۰۰۰ بالیه راده سنده تخمین ایله یور. زراعت متخصصیتک
بیاننه کوره آطنه حوالیسینک بر هکتار وسعتنده بریری -
طبقی مصرده اولدیغی کبی - سنه ده تقریباً ایکی بالیه مقدارنده
یعنی درتیوز کیلو غرام ثقلنده پاموق حاصل ایده جک درجه ده
منبتدر . طبعدرکه عثمانلی نافعہ نظارتینک مخطره سننده صو
جهتندن احتیاجاتی تسویه اولنه جفی بیان اولنان اوچ یوز بیک
هکتار وسعتنده کی اراضینک صرف پاموق زراعتنه تخصیص
ایدلمسنه احتمال ویریه من . لکن بو اراضینک آنجق اوچده
بری ویا یاریسی قدر بر یرده پاموق زرع اولنسه بیله شمدیکی
محصولک درت و بلسکده آلتی مثلی بر محصولک الده ایدیله جکنه
شبه ایتاملیدر . آطنه دن هر سنه یوز بیکلرجه بالیه نک بازار تجارتلره
چیقمسی یوزندن هم بیوک تبدلاته معروض اولان بو
متاعک فیثاتی تنظیم اولنه جق همده آلمان صنایعک پاموق اولان
احتیاجی تأمین و تسویه ایدیله جکدر .

بو تشبثك آنجق جاى سؤال يكانه جهتي آئنه ده
پاموق زراعتى مسئله سنى آناطوليناك جهات سائر سندن
كويلى جلب ايتكسزىن حسن نتيجه يه ايصال ايتك ممكن اولوب
اوليه جنى خصوصندن عبارتدر . مع مافيه پاموق زراعتى آنجق
موقت بر زمان ايچون رنجبرلى اشغال ايدن بر مشغله اولديغى
ايچون حبوبات زراعتى قدر داعى مشكلات دكلدر .

پاموق زراعتى اك زياده حصا د زماننده عمله يه عرض
احتياج ايدن بر عملدر حالبوكه ائنه نك شمالنده و شرقنده كي
طاغلردن شمديدن اووه يه طوغرى - اكريسى كورد اولق
اوزره - رنجبرلر اينور . بو قوتلردن استقبالده دها واسع بر
مقياسده استفاده ايتك قابل اوله جنى اميد ايدرز . آئنه
اووه سنك قسماً بطاقلق حالنده بولمىنى حيات هوايى اخلاص
ايتديكندن اقليمى غايت صاغلام طاغلرده يشايان رنجبر طاقى
يقين زمانلره قدر آئنه اووه سنه اينك خصوصنده بيوك برهوس
كوسترميوردى . مع مافيه كار وكسب احتماللري چو غالدقجه
آنلرك دكيز ساحلنه قريب حوالى مسطحه يه يرلشوب اونلره
دها بيوك بر ارزو كوسترملرى وبو صورتله رنجبر قحطنك
آرقه سى آلمسى قوباً مأمولدر .

حلب ولايتنده پاموق زراعتى هنوز يك محدود بردا ئره داخلنده
اجرا اولنيور . بورانك محصول سنويى ۸۰۰۰ ايله ۱۰۰۰۰
باليه آره سنده تخالف ايديور . حلب منطقه سنده پاموق

آنجق یا غمور لراہ طویراق یموشاندقن صکره زرع
اولنور . مزروعاتک اک زیاده معروض اولدینی تهلکه
قوراقلقدن زیاده چکرکه بلیه سیدر . چکرکه لرک بعضاً
بتون بر سنه لک محصولی محو ایتدکری واقع اولیور . لیکن
بوده زراعتک آنجق محدود ساحه لره محضر قالمسندن ایلری کلیور .
بغداد دمیر یولی (یامیقه) شهر قدیمک خرابه لری کائن اولوب
دجله دن فراته قدر امتداد ایدن ساحه یی قطع ایتدکدن صکره
بو مخاطره دخی بر درجه یه قدر رفع ایدلمش اوله جقدر . زیرا
بر قاق یوز بیک هکتار جسامتمده اراضی مزروعه ده
چکرکه لر طرفدن ایقاع اولانه جق خسارات بالضروره محدود
بر دائره داخلنده قاله جقدر .

بغداد ختلک منطقه جنوبیه سنه پاموق و حبوبات زراعتندن
یشقه آتیا بیوک بر اهمیت بخش ایتسی ملحوظ اولان شی اولجه
بیان ایتدیکنر وجهله ، دجله نك شرقنده کائن پترول منبع لری نك
ایشله تیلمه سیدر . مع مافیه پترول یاغنک نبعان ایتدیکی محملرده
دها عمیقی تدقیقات و کشفیات اجرا ایدلمدکجه بو منبع لردن
نه درجه لرده استفاده اولنه جغه دائر قطعی برشی سویلنه مز .
اکالندن صکره ال زیاده نائل ترقیات و انکشافات اوله جق
حوالی ، زمان قدیمده هم اک یوکسک بر سویه مدنییه ارتقا
ایتمش همده اک چوق اهالی ایله مسکون بولنش اولان قطعاندر .

آناطولی و آطنه جہتلی اسکیدن پک معمور اولدیغی حالده
 بونلر بالاده کی ممالک عدادینه داخل اوله من . واقعاً سوریه
 قطعہ سی ده بوندن یکرمی اوتوز عصر اول غایت زنکین و متری
 بر قطعہ ایدیسه ده آنک اہمیتی مبدولیتلہ محصول ویرمسنندن
 زیادہ غرب و شرق آره سندن کی جریان تجارتہ بر ممر خدمنی
 ایفایتمسندن ایلری کلیوردی . بتون آسیای شرقینک اسکیدن
 الک معمور ، الک زنکین ، الک متری ، الک محصولدار مملکتلری فرات
 و دجلہ وادیلرندن متشکل اسکی آثوری و بابل حکومتلری و شمدیکی
 الجزیرہ و عراق قطعہ لریدر . ممالک مذکورہ نک بر زمانلر
 جلوہ گاہ اولدقلری مدنیت مشعشعہ نک منبع و مصدری زراعت
 و فلاحت ایدی . زراعتک اورادہ فوق العادہ متوسع و متری
 اولدی نتیجہ سی اولہ رق حوالی مذکورہ بر حبوبات و انسان
 خرینہ سی حالنی آلمشدی کہ اسکی بابیلرلہ آثوریلرک قوت
 و ثروتی ایشته بوندن نشأت ایدیوردی . بغداد خطنک قسم
 انتہائی سندن واقع ممالکی نہ درجہ یہ قدر احیا و اعمار ایتک ممکن
 اولدیغنی آکلامق ایچون حوالی مذکورہ نک ازمنہ قدیمہ ده کی
 ترقیات مادیہ سنک درجہ سنی بیلیمک شرطدر . بوایسہ آنجق
 تدقیقات و تحقیقات عمیقہ نتیجہ سندن ممکن اولہ بیلیر .

بغداد خطنک الک جنوبیہ کی رہکذارینہ مصادف اراضی ایکی
 درلودر . بواراضینک بر قسمی وقت وقت یاغان یغمورلر و نہرلردن
 حاصل اولان فیضانلر ایله صولان دیغنی حالده دیگر قسمی سنہ نک بالجمہ

مواسم منده قورو اولدیغندن و سائط صنعیه ایاه اسقا اولمغه محتاجدر .
 عجم جو هوا و طبقات الارض متخصصیندن بعضیلری طرفندن
 بر مقصد فنی ایاه مه ژوپو تامیایه اجرا اولنان سیاحتلر نتیجه سنده
 اورانك احوال و شرائط طبیعیه سنك ایکی بیک سنه دنبری هیچ
 بر تحوله اوغرامدیغنه و بناءً علیه عراق و الجزیره قطعاتنك زمان
 قدیمده حائر اولدیغی حال معموریتك و سائط مناسبه ایاه اعاده
 اولنه بیاه جگنه فناءت کثیر لمشدر . عراق و الجزیره اقلیمنك بوندن
 یکر می اوتوز عصر اول نه ایدیسه حالا او اولمی قطعات
 مذکور دنك استقبالی نقطه نظرندن صولك درجه مهم بر کیفیتدر .
 بو کونکی کونده الجزیره دنك مزروع اولان منطقه سی ایران
 یا یلا سندن اعتباراً دجله نهرینك کنارینه و فرات نهرینك ساحل
 یمیندن سوریه قطعه سنك اقسام شمالیه سنه قدر متمد اولان ایکی
 طار و اوزون اراضی پارچه سندن عبارتدر . حالبوکه زمان
 قدیمده الجزیره دنك بتون اقسام شمالیه سی و شمال غربیه سی جسیم
 بر مزرعه حالی عرض ایدیوردی . دجله و فرات نهرلریله
 شمالده کی طاغلر آرمسند کائن اولوب بر مثلث شکلنده اولان
 قطعه اراضی بوندن تقریباً اوچ بیک کره ارضده نفوسی اک
 کثیف مملکتلردن بری ایدی . بوندن فضله اهالی احتوا
 ایدن بر مملکت وار ایدی ایسه او اولسه اولسه شط العرب
 طرفلرنده کی دجله و فرات حوالی جنوبیه سی ایدی . بوکون
 منبعلرندن منصبلرینه قدر ایصسز و بیابان بر حوالیده آقان

شعبور و بلیش ایرماقلری اوزمان عادتاً هر قاریشی مزروع
وغایت مسکون بر حوالی ایچندن کچمکده ایدیلر . ۱۸۹۹
سنه سنده الجزیره طرفلرنده برسیاحت فیه اجرا ایدن بارون
(اوپنهایم) حوالی مذکوردهده بر زمانلر زراعتک غایت متری
اولدیغنه دلالت ایدن بر چوق امارات و علائمی مشاهده ایشدر .
بالذات یاپدیغ برسیاحت اثناسنده تور آیدینک جنوبنده و ویران
شهردن اورفیه قدر اولان حوالیده زمان قدیمده بر چوق
بلاد مسکونه نک موجودیتنه نشانه اولان متعدد تپه جکله زاست
کلم . بوندن آثوریلر ، رومالیلر و عربلر زماننده اوراسنک
هر هانکی دیگر بر قطعه مزروعه قدر مسکون اولدیغی
اکلاشیلیور . حوالی مذکورده بر چوق وقایع مهمه
تاریخیه جولانکاه اولمشه بو آنلرک غایت مسکون و مزروع
اولسی کی بر سبیدن نشأت ایشدر . شرق مؤرخلری روما
جمهوریتک زمان انقراضیه عرب حاکمیتک زمان تأسسی آره سنده
رومالیلر ایله ارمینیلر و ایرانیلر آره سنده الجزیره قطعه سنک
تملکی ایچون غایت قانلی محاربات وقوعندن بحث ایدیورلر .
اورفه ونسین شهرلرینک مرکزی اولدقلری حوالنک ضبطی
ایچون سیل ایله قان دو کولدی . ایکنجی عصر میلادینک ابتداسندن
دردنجی عصرک صوکنه قدر کچن مدت ظرفنده حوالی مذکوردهده
غرب قوتی شرق قوتنه غالب ایدی . اوندن صکره شرق
غربه قارشو احراز ظفر ایله روما ایمپراطورلرندن (تراژان)

الجزیرہ ایلہ بونک جنوب بندہ کی اراضی بی فتح ایدوب کنندی ممالک
الحاق ایتدی . مشارالیهک خلفارندن اولان ایمپراطور
(ژوویان) کنندیسنی فراتک ساحل یسارنده وتکریت
جوارنده محاصرہ ایدن ایرانیلردن تخلص کریبان ایدہ بیلمک
ایچون مہ ژوپوتامیانک قسم اعظمی بونلرہ ترک ایتمکہ مجبور
اولدی . روما ایچون مشئوم بر تاریخ اولان ۳۶۳ سنہ سندن اعتباراً
بو حکومت ایلہ ایرانیلر آرزہ سندہ مہ ژوپوتامیا قطعہ سی مالکیتی ایچون
عادتالاینقطع محاربات جریان ایتمکہ باشلامشدر . بو حال ، عربلرک
ایران حکومتی خریطہ عالمدن سیلککری ویزانسیلر طوروس
طاغلرینک اوتہ طرفہ طرد وتبعید ایدلککری زمانہ قدر
دوام ایلدی ، الجزیرہ طرفلرندہ بودرجہ مهم وقایع تاریخیہنک
جریان ایتش اولسی آنجق اوو اسنک غایت مسکون و مزروع
اولسیایہ ایضاح اولنہ بیلیر . عراق قطعہ سی بوکونکی کونده
اونده طقوز نسبتندہ ایصسر و آنجق ربع میلیون اہالی ایلہ
مسکون بر ملککدر . چوللرندہ آنجق یبانی اوتلر بیتن
بو ملککی مدافعہ و یا ضبط ایتک ایچون نہر قدر قان دوکمک
محض جنت اولوردی . صابانک الجزیرہ طوپراغنی تکرار
قاریشدیرمی واوراسنک اوچ درت بیٹ سنہ اول اولدینی
کبی بر دہا بغدادی ، آرپہ و پاموق انباری اولسی آنجق
امن واسایشک تأمین ایدلمسنہ وابستہ در . شہرلردن کونلرجه
مسافدہ واقع یرلردہ عربانہ عائد اوفاق آرپہ تارالارینی

گوردم . بو آرپه آنلر طرفندن آتلیینه یم اولمق اوزره
 اکیلیمشدی . عربان اراضی بی عادتایر ناقلرایله قایشدیررجه سینه
 پک سطحی بر صورتده ایشلیوب آرپه دانلرینی صاحبدقدن
 صکره اوزاقلایشیرلر حصاد زماننده تکرار اوراپه کلوب
 محصولی دوشیررلر . عربلرک نهرلردن اوزاق یرلرده
 آرپه اکیلری الجزیره ده آره صره یا غمور یا غدیغنه دلیلر .
 ذاتاً بو خلق ، الجزیره نك شمالنده کی طاع اتکلرنده اولدیغی
 کبی چوللر اورتیه سنده دخی ، حبوبات زرع ایتک قابل اولدیغی
 اعتراف ایدیورلر . نه چاره که الجزیره ده ، حکمفرما اولان
 امنیتسزلك حسیله آنجق بغداده کیدن شوسه نك ایکی طرفنده
 بر آز بغدادی اکیله بیلور .

بر کویلی «نصینه» آنجق یارم ساعتق مسافه سی اولان بر
 یرده بر آز بغدادی اکیلکی عقلنه کتیرسه یا کندیس ی عربان
 طرفندن چوله قالدیریلوب فدیة نجات مقابله ده صالیور .
 یلیر و یا محصولی عشائر افرادی طرفندن نهب و غصب
 ایدیلیردی . الجزیره قطعه سنی اعمار و احیایچون امنیت شخصی بی
 تحت تأمینه آلمقدن غیری بر تدبیره توسل ایتک لازم دکلدیر . اگر
 ژاندارمه لرك محافظه سی آلتیده بولنان بلاد قرا اهالیسی قیرلرده جان
 و مالندن امین اولسه زراعتله مشغول اولمق ایچون سینه سینه چو-
 للره یرلشیردی . بو تقدیرده بر قاچ سینه طرفنده ، دکل قرق الی ، لیکن
 یوزلرجه کوی تأسس ایدردی . الجزیره نك بتون اقسامنی کشت

وگذار ایتدیکم حانده آنجق سنجار سلسله جبالک طولنجه
اوزانان طار بر منطقه ده چوراق و طوزلی بر طوپراق بولدم
وبونده بلاد وقرای قدیمه نك موجودیتته دلالت ایدن
هیچ بر تپه جکه تصادف ایتدم . بو حال زمان قدیمده دخی
اوراسنك بر شورده زار حانده اولدیغنی اثبات ایلکده در .
یا لکز الجزیره نك شمال و شمال غربی اقسای دکل، لکن تورآبدین
حوالیسنی اسقا ایدن نهرلر جوارى دخی زمان قدیمده
پارلاق بر مدنیته جلوه گاه اولمشدر .

*

**

الجزیره چولنك سنجار طاغلرینك جنوب طرفنده کی
اتکارینه قریب اولان قسمنده بولنان چایلر - تاتار ایرماغی
مستنا اولق اوزره - سنه نك بر قاق آینه قوپ قورو
اولدیغندن بو میاه جاریه دن لایقیه استفاده اولنه میور .
مع مافیه حوالی مذکوریه آرد صره یغمورلر یاغمسی حسابیه
اوراده زراعت ایله مشغول اولق پك ممکندر . سنجار طاغلرینك
جنوبی یماجلرندن کوزیکن متعدد تلال وقت قدیمده مذکور
طاغدن ایکی کونلك مسافیه قدر برچوق کویلرک موجودیتنی
ارائه ایدر . تاتار ایرماغنك آشانی حوضه سننده کائن اولان
(هاتراه) شهر قدیمك خرابه لری بوراده دخی بر زمانلر پارلاق
بر مدنیته حکم فرما اولدیغنی کوستر مکده در . بر زمانلر اوچ بیك سنه
اول الجزیره قطعه سنك الكبوک والکزنکین شهرلرندن بری اولان

(هاتراه) بلده سنك خرابه لرینی کورمش اولان بر قاق
 آوروپالی بو منظردیه قارشو دوچار حیرت اولمقدن کندی لرینی
 آله مدیلر . آثوری مدینتیک منبع و منشائی دجله
 نهرینک ساحل یسارینی تشکیل ایدوب برچوق نهرلر طرفدن
 اسقا اولنان عارضه لی و غایت مثبت اراضیده دکل، لکن دجله نك
 غربنده کی چوللرده آرامق ایجاب ایدر . بو مدینت ،
 خرابه لری قلعه شرغات نام موقعی جوارنده مشهور اولان
 آثور شهر قدیمده ظهورایله اورادن اطرافه انتشار ایلشدر . بوسوک
 شهرک چورده سی نیتیوشهرک چورده سندن اوفاق دکلدر . بوده
 الیوم بسبتون غیر مسکون و غیر مزروع اولان چوللرک
 میلاددن ایکی اوچ عصر اول پک چوق محصول ویردیکنه یکی بر
 دلیلدر . چونکه بورانک محصولی اوقدر مبذول اولسه ایدی
 (هاتراه) ک بر قاق یوز بیک نفوسه بالغ اولان سکنه سنی احاطه
 ایتک بالطبع قابل اولمزدی .

بناءً علیه الجزیره نك یغموریاغان حوالیسندره در حال زراعته
 باشلايه بيلمک ایچون آنجق بر آزا سنايش لازمدر .
 عراقك احوال زراعیسی الجزیره نكسندن قات قات مساعد
 اولمقله برابر منطقه مذکورده نك اعماری بعض مشکلاتی
 مؤدی اولمقدن خالی قالمیه جقدر . عربلر ، دجله
 و فرات ایله آیاقلرینک کتوردکلری طوپراق و چاموردن
 وجوده کلن اراضی حقیقه سواد یعنی سیاه طوپراق
 اطلاق ایدرلر . کرکوک شهرینک کائن اولدیغی نقطه دن اعتباراً

یغموولر زراعتہ کفایت ایدہ میہ جک درجہ دہ آزالغہ باشلا -
دیغندن اورادہ طوپراغی وسائط صنعیه ایله اسقا ایتک لزومی
باش کوستریور .

اسکی بابیلر مدنیتک اس اساسی آنلرک پک مکمل اولان
تقسیم وتوزیع میاه اصوللری ایدی . کرک دجله وفرات
نهرلرندن وکرک بونلره دوکیلن لایعد ایرماقلردن یوزلرجه
جدوللر انشعاب ایدرک و مملکتک هر طرفنه صو اساله
ایتمکده ایدی . بو آنا جدوللری بربرینه متعدد اوفاق جدوللر
ایله مربوط بولنیوردی . بواسکی مجرالر الآن موجود
ایسه ده آنلرک آنجق برقاچنده صو آقیور . اسکی جدوللری
تطهیر و تعمیر ایتمکدن معقول بر تدبیر اوله ماز . مع مافیه
بتون عراقی عین زمانده زراعتہ کشاده ایتک فکر وتصورندن
واز کچمک لازم کله جکدر . زیرا عصرلرجه دوام ایدن اھمال
وتسیب یوزندن بوقطعه اوقدر سفیل وپریشان بر حاله گلشکه
یاالکز جهالت واداره سزلکک آچش اولدینی جریحه لری
قیامق مبالغ جسیمه صرفه مجبوریت حاصل اولدجقدر .
حالبوکه دولت عثمانیه نک استطاعت مالیہ سی بودرجه واسم
اصلاحاتک بردن اجراسنه مساعد اولدیغندن عراقی تدریجاً
دائرہ مدنیتہ ادخال ایتک ایجاب ایلیه جکدر . هر سنه ایملک بهارده
عراق طرفلرنده دجله وفرات نهرلری طغیان ایدرک اراضی
متجاوره برمدت صو آلتند براقیر . بو طغیان موسمنده صولر

ایله قاریش-مش بولنان طوپراق ترصب ایتدیکندن نهرلرک ساحلنده کی اراضینک سویه سی کیت کیده یوکسایور . بونک ایچوندرکه بو ساحلر الیوم یوکسک وکنیش برسده بکزیور و ساحلردن بر آزاو زاق اولان یرلر نهرک سطحندن دها آلق بر سویه ده بولنیور .

بناء علیه اک اول یاپیلیمی لازم کلن شی ایلاک بهارده بر سیل خروشان حالده آقان صولره سدر، نکوزلر و بوکامائل و سائط فیه ایله تنظیم ایتکدره فیضان تهلهکنه معروض قالان یرلرده صولری ضبط ایتک و یابشقه طرفله جریان ایتدیرمک ایچون مواقع مذکوریه مامورین عائد سناک ایلاک اشارتی اوزرینه یوزلرجه عمله یتیشه بیلملیدر .

بابیلر واسکی ایرانیلر زماننده بو عملیات تحفظیه کال سرعت و موفقیتله اجرا اولنیوردی . مع مافیه حاکمیت عربیه نک تاسی اوزرینه بوجهتلر اهل اولندیغدن مرور زمان ایله عراقک شوراسنده و بوراسنده گاه قور و چوللر گاه بطاقاقلر حاصل اولدی . جداول قدیمک عملیات تعمیریه سی اک اول آتیده کی منطقه لرده اجرا اولمدر .

(۱) فرات طرفند فالوجه دن اعتباراً کوفه خرابه لرینه و دجله طرفند صباردن قوت الامرایه قدر اولان و ایکی شهر آردسمده بر نوع آطه تشکیل ایدن اراضیده (۲) دجله نک ساحل یسارنده تکریتدن بغداده قدر اولان

اراضیده (۳) شرقده کائن نار آدم طاغیله دجله نك قوت الاوا
موقعه قدر اولان ساحل آره سنده واقع اراضیدر. زمان قدیمده
بوصوك اراضی دجله آياق لرندن اولان جیلاله ایرماغی صولریله
اسقا اولنوردی .

بو اوچ منطقهده بر زمانلر جسیم چفتلک لر موجود اولدیغی
کوستیر اماره لر اکسیك اولدیغی کبی اسنی جدوللرک
بقیه آثارى دخی موجوددر . بغداد حوالیسندە کوریلن
ویك آرز صواستیعاب ایدن برقچ جدول بابللر زمانندن قالمشدر .
بغدادك شمالنده صولرک تنظیمی و سواحل انهارك تحکیمی مسئله سی
جنوبده اولدیغی قدر مشکلات عرض ایتیمور .

بالاده ذکر ایتدیگمز مناطق لثه ده آلتی ویایدی جسیم
جدولك آثارى موجوددر .

آییرلقلری انهاره یقین اولان قسملرنده هنوز صو
طاشیان بو جدوللرک پلاتنی و استقامتنی تعیین ایتمک پک
ممکندر . جداول مذکوره شونلردر . (۱) عیسی جدولی
(۲) صارصار جدولی . بو ایکی جدول فرات اوزرنده کائن
فلوجه موقعندن باشلایه رق بغدادك جنوبنده بربرینک بربرینک
قربنده دجله نهرینه منتهی اولور . (۳) فلوجه نك بر آرز جنوبنده فرات
نهرندن آییریلوب بو نهرک صولرینک نصفندن فضله سنی جنوب
غربی استقامتنده (سولوکیا) شهر قدیمه و اورادنده دجله یه
اساله ایدن جسیم (نهر ملک) جدولی (۴) اسکی بابل شهرینک

شمالندہ بدأ ایدن (نیل) جدولی . بو جدولدن ایکی قول
 آیریلیوردی که بونلردن بری (سولوکیا) یه و دیگر قوت
 الامرایه طوغری کیتمکده ایدی . بودرت آنا جدول ایله بونلردن
 انشعاب ایدن متعدد و اوافق جدوللر شمال عراقی اروا ایتمکده ایدی .
 (۵) نهر وان جدوللری شبکه سی که بونک باشلیجه
 طمارلری جیلاله ایرماغنک صولرینی بغداد ، قوت الامرا
 و شرقده کی طاغیر آره سنده کائن اراضی یه توزیع و تقسیم
 ایدیوردی . بوشبکه نک غایت کنیش و سیر سفائنه صالح
 بر قولی (نیل) جدولنک دجله یه منصب اولدینی نقطه نک
 قارشوسنده و (سولوکیا) شهر ی انصالنده دجله ایله کسب
 التصاق ایدیوردی .

بوصورتله ایران یوللرینک شرقاً منتهی اولدقلری دربند .
 لردن بابله ، کوفه یه و آشانی عراقه و بورادنده عین طریقله ایرانه
 امتعه سوق ایتک قابل اولیوردی . (۶) دجله ساحلنده کائن
 تکرینک برآز آشاغیسنده باشلایان و جنوب شرقی استقامتی
 تعقیباً جیلاله ایرماغنه منصب اولان و دجله نک ساحل یسارنده
 کائن اراضی یی بونهرک صولریله صولایان (قاتل) نامنده کی جدول
 زمان قدیمده موجود اولان قرا و بلادک موجودیتته دلالت
 ایدن تپه جکله ره غربده عربستان چولنک و شرقده ایران
 یا یلاسنگ هانکی نقطه سنه قدر تصادف اولندیغی هنوز مجهول
 اولدیغندن اسکی بابل مملکتنده زراعتک نره لره قدر توسع

ایتدیکی معلوم دکلدر . بابل مدینتی حقننده مفصل بر اثر
تألف ایتش اولان آلمانیاالی (اشپره نقره) عربلرجه سواد
اطلاق اولسان اراضی منبتہ و مزروعه نك زمان قدیمده کی
وسعتی ۴۴ میلیون یعنی ۴۴۰ بیك کیلومتر مربعی تخمین
ایدیور . (اشپره نقره) بابل تاریخی نك زیاده استکناه
ایتش بر عالم اولق حسابیه کنديسنك بو تخمین طول
مدت طوغری عد ایدلمشدی . مع مافیه صوك زمانلرده
(ههرمان واغنه) نامنده دیگر بر آلمان طرفدن اجرا
اولان تدقیقات موشکافانه نتیجه سننده بالاده کی مقدارك
يك مبالغه لی اولدیغی میدانه چیقمشدر . دجله و فرات
نهرلریله بونلرك آیقلرندن آلمان صوایله اسقا اولنه جق
تکمیل اراضی حسابیه قاتیلسه بیله بالاده کی ایکی یوز قرق بيك
کیلومتر وی یاری یاریه ایندیرمك لازم کله جکی شمیدی اییدن اینیه
آکلاشیلدی . عراق حقننده اك واسع معلوماته مالک اولان
و بو سببدن هر سوزینی بر حجت مقامنده تاقی ایتك لازم
کلن انکلیمهندسی سیر (ویلقوقس) دجله و فرات نهرلرینك یقیننده
اولوب احوال حاضرده ده اسقا اولنه بیلن اراضینك مساحه سطحیه سنی
بش آلتی میلیون هکتار تخمین ایدیور . مومی الیه بو اراضینك
آنجق ایکی میلیون سکز یوز بيك هکتارلق برقسمنك صوك
درجه منبت و قسم متباقیسنك قوه انباتیه سنك بر آز آشاغی
اولدیغی ادعا وساحه فعالیتنی شمديلك آنجق بر میلیون اوچیوز
بيك هکتارلق بر محله حصر ایلور .

حکومت عثمانیه دها اداره سابقه رمانده سیر (ویلقوقس) ی
عراقده عملیات اسقائیه یی اجرایه مأمور ایلشدی. مومی الیه اجرا سنی
تصور ایتدیکی انشاآت و عملیات حقنده در سعادته مفصل برر اپور
کوندرمش و بوراپور ۱۹۰۹ سنه سنده نافعه نظارتی طرفندن
نشر اولنان مخره یه عیناً درج اولنمشدر.

سیر (ویلقوقس) ۱۹۰۹ سنه سی تشرین اولک اونبشنده
لوندره جغرافیا جمعیتده ویردیکی قونفرانسنده عراق حقنده کی
تصورات فیه سنی اوزون اوزادی تشریح و ایضاح ایلشدر.
(ویلقوقس) دخی بدایتده بالاده ذکرا ایتدی کمزالک جسم جد و لایراه
بونلردن انشعاب ایدن اوافق قباللرک تعمیر و احیاسی طرفداری ایدی.
مع مافیه لوندره جغرافیا جمعیتده ویردیکی قونفرانسه
نسک صورتی حاوی اولان رساله یه مربوط خریطه نك
(۱۹۱۰ سنه سنده نشر اولندی) تدقیقندن کن دیسنك بالآ خره
تبدیل فکر ایتدیکی و جیلاله ایرماغنك دجا به یه منصب اولدیغی
محلک قربنده بالایوب دجا به نك ساحل یساریله شرقده کی
طاغلر آره سنده کائن اراضی ریحولایان (نهر و ان) جدول مشهورینك
تکرار انشاسندن صرف نظر ایتدیکی اکلا شیلیور. خریطه ده کوزه
چارپان دیکر برجهت وار ایسه اوده بو خریطه ده کوستریلان یلانلرک
(ویلقوقس) طرفندن حکومت عثمانیه یه تقدیم اولنان رسمی

راپوره توافق ایتما سیدر. بوراپورده فرات و دجله نهرلرینک
نقطه تلاقیسند کائن قورنابلده سی جوارنده ایکی بیلک کیلومتر و
مربعی جسامتند بر بطقلغک قورودولوب زراعته صالح برحاله
افراغ اولنه جنی بیان اولمشکن خریطه ده بوکا دائر اتریو قدر.
دجله نك شرقده و فرات نهرینك قسم جنوبیسند واقع اولوب
خرابه لر ایله مالامال اولان قطعاتده اجرا اولنه جتی تدقیقات
و تحریات نتیجه سند عراقك ماضی اقتصادیسى وبالخاصه آتی
زراعیسی حتمند دهها نیجه حقایق میدان چیقہ جنی وارسته
شبهه در .

ازمنه قدیمده عملیات اسقائیہ ایله قابل زرع برحاله
افراغ اولنان اراضی عتیقه نك تخمین وسقیله بوندن نه مقدارینك
زراعته تکرار کشاد اولنه بیله جکی مسئله لرندن قات قات مهم
بر مسئله وار ایسه اوده اوللری بابل و صکره لری عراق
ناملریله یاد اولنان منطقه نك کچیرمش اولدینی ادواز مختلفه
تکمل و مدنیته کی قابلیت اقتصادیه سیله بونك نتیجه طبیعیه سی
اولان استطاعت مالیه سنك بیانم سیدر .

هیچ شبهه یوقدر که عراق حوالیسى بر ریوک دولته مضر اولدینی
مدتجه که بومدت بابل و آثوری حکومتلرینك دورده انکشافدن
باشلیوب خلافت عربیه نك انقراضند یعنی اون برنجی عصر
میلادینك باشلانغجند ختام بولیور. کثرت نفوس، ثروت و سامان
واها لینك ویرکو ویرمک خصوصند کی اقتدارى نقطه نظرندن

آسیانك غرض بنده كائن ممالك آرد سنده برنجیلكی احراز ایدیوردی .
 بو ، دلائل و براهین تاریخیه ایله قابل اثبات بر حقیقتدر .
 اویاه اكلالشیور كه بوندن اول معناسنی ایضاح ایتدیكمن سواد
 منطقه سی - كه شمیدیكى عراق ممالكیدر - لك عالی درجه
 مدینتی آلتنجی عصر میلادیده احراز ایلشددر . فرات و دجله
 حوالیسنك ایران قدیمه تابع اولدیغی زمانده - بالخاصه دارانك
 دور سلطنتده - مصر دن فضله ویركو ویره جك بر حال مالیده
 بولندیغی حقایق تاریخیه دندر . اسکی جدوللارك تعمیرى حائده
 عراقك اکتساب ایده جکی رفاه و معموریتك درجه سنی تخمین
 ایچون یورودوله جك حسابانه مصر ایله عراقك استطاعت
 مالیه سی آرد سنده کی نسبتی اساس اتخاذا ایتك لازمدر .
 قدیم ایرانیلر کی هم عراقده ده همده مصرده اجرای حاکمیت
 ایتمش اولان عربلر زمانده - ثروت و سامان خصوصنده
 مصر ایله عراق آرد سنده کی فرقك بشیوز سنه اولکی فرقك
 عینی اولسی شایان دقت و اهمیت بر کیفیتدر . حاکمیت
 ایرانیه زمانده بر ایالت واحده حائده اداره اولنان بابل
 و آتوری قطعاتی سکنه سی ویركو اوله ر ق سنده بیک تالان ویرد کدن
 بشقه حکمدار ایله معیت ارکاننك سنده ده اوچ آیلق
 اسباب معیشتنی تأمین ایتکله مکلف بولنیوردی . اراضیسی
 انهارك صولریله اسقا اولنان بابل یعنی عراق و یاغموور
 صویله صولانان الجزیره قطعاتنك اقتدار مالی و اقتصادیسی

آرمندہ کی نسبتك زمان قدیمدہ نہ اولدینی معلوم دکلدر . مع مافیہ
 بابل جہتی اہالیسك آثوری یعنی الجزیرہ اہالیسندن قات قات
 زنکین اولسی وقات قات فضلہ ویرکو ویرمش بولنسی
 اغلب احتمالدر . برنجی دارا زمان سلطنتدہ مصر الکاسی سنوی
 یدیوز تالان تأدیہ ایتدکدن بشقہ منفیس استحکامندہ بولنان
 ایران قوہ مخافظہ سنك مصارف اعاشہ سنی دخی تسویہ ایتمکہ وظیفہ دار
 بولنیوردی . مصرک حصہ سنہ اصابت ایدن ویرکولر عراقہ
 تحمیل اولنان تکالیفدن ہر حالہ دون ایدی . ہارون الرشید
 زمانندہ مصر اہالیسندن آنجق آلمش بش و عراق اہالیسندن
 ایسہ یوز اوتوز بش درہم تحصیل اولنیوردی . مصرک
 و عراق اقتدار مالیسی بینندہ کی نسبتك عصر لرجہ مصرک
 لہندہ اولسی اثر تصادف دکلدر . بونسبتہ باقوبدہ ایکی
 مملکتك مقدار نفوسی و بونلردہ کی اراضی مزروعہ نك وسعتی
 حقندہ آز چوق طوغری برفکر حاصل ایتك قابل اولیور .
 نیل ودجلہ و فرات وادیلرندہ کی احوال زراعیہ زمان قدیمدہ
 شمدیکنك عینی ایدی . حکومتك بوایکی قطعہ اہالیسندن استیفا
 ایتدیکی تکالیفك باشلیجہ سی - الیوم اولدینی کبی - املاک
 ویرکوسی تشکیل ایتدیکنہ شبہہ یوقدر . حضرت عمرک
 زمان خلافتدہ عراق حوالیسندہ کی اراضی مزروعہ
 مساحہ ایدیہ رک اوتوز الی میلیون ہکتار وسعتندہ اولدینی
 اکلا شامشدر . بوایسہ بش میلیون ہکتار دیمکدر . مهندس

سیر (ویلقوقس) طرفدن حکومت عثمانیه به تقدیم اولنان
راپورده عراق اراضیسی اوچ قسمة ایرلشدرد: (اولا) در حال اسقا
و زرع اولنه جق اوچیوز بیک هکتار وسعتنده یرلر (ثانیاً)
پی درپی وبالاخره ایشلنه جک ایک میلیون آلتی یوز بیک
هکتار جسامتنده دیگر یرلر (ثالثاً) علی العموم زراعتہ صالح
اولان بش میلیون آلتی یوز بیک هکتار وسعتنده اولان اراضی
(ویلقوقس) ک بو حساباتی آنجق دجله و فرات سواحله
قریب و بونلرک تشکیل ایتدکری دهلتاده کائن اراضی به
عائددر . حالبوکه عراقک آتیا احراز ایده جکی قابلیت
استحصالیه حقنده طوغری بر فکر ایدینک ایچون
عربلرک سواد وتیه تسمیه ایتدکری و غربده کی چوللردن
شرقده کی طاغلره قدر امتداد ایدن اراضینک وسعتی حساب
ایتمک لازم کلیر . عراقده طول مدت تدقیقات قیهده بولنش
اولان آلمانیاالی (واغنه) بو اراضینک بیوکلکنی اون میلیون
هکتار راده سننده تخمین ایدیور . سیر (ویلقوقس) ک
لوندره جغرافیا جمعیتی حضورنده ویردیکی قونفرانسنده شط العرب
دهلتاسنک مساحه سطحیه سنک اون ایک میلیون (آقهر) ه
بالغ اولدیغی، بونک طقوز میلیون الیوم صولانماش چوللردن
وتقریباً ایک بیچ میلیون طاتلی صو بطاقلقلردن متشکل
اولدیغی سویلیور . مومی الیه نظرأ طغیان میاه موسمنده
دکزه طوغری آقان فضله صولرک محافظه سنه مخصوص خزینهلردن

استعانه ایتمکسزین دولت اراضیسنک آلتی میلیون آقەرلق بر
 قسمندە یازین و اوچ میلیون آقەر وسعتندە بر قسمندە قیشین
 محصولات یتیشدیرمک قابل ایمش. طقوز میلیون آقەر، اوچ
 میلیون آلتی یوز بیک هکتاره معادلدر. (ویلقوقس) بوندن
 ماعدا دجله نی فراته ربط ایدەجک بیوک حدودک انشاسندن
 صکره دیگر اوچ میلیون آقەرلق (بر میلیون ایک یوز بیک
 هکتارلق) غایت منبت اراضی اسقا اولنه جغنی بیان ایدیور.
 بغدادک شمال غریبسنده واقع آقارقوف کولندن باشلایه رق
 شطالما نهرینک فراته منصب اولدینی نقطه یه یقین بر محله
 بو شطالما یه دوکولن بالاده کی جسم جدول سایه سنده ولیکن
 یک قریب اولیان براستقبالده دیگر ایک میلیون درتیوز بیک
 هکتارلق یری زراعته آچق ممکن اوله جقدر.

(ویلقوقس) ک بوتخمیناتنه کندیسک نظر اعتباره آلدینی
 ارض سوارک اقسام سائره سیله ایوم مزروع اولان اراضی
 علاوه ایدیله جک اولور ایسه زراعته الویریشلی یرلرک مساحه
 سطحیه سنک بش میلیون هکتاره بالغ اولدینی اکلایشیلیرکه
 بو، حضرت عمر زماننده محصول ویرن طوپراقلرک وسعتی
 دیمکدر.

(ویلقوقس) لوندرده ویردیکی قونفرانسده اک اول زراعته
 صالح بر حاله قونه جق بر میلیون ایک یوز بیک هکتارلق
 اراضینک بر سنه لک محصولانک اک آشاغی بر میلیون طون

بغدای ایله درتیوز بیك بالیه پاموقدن عبارت اوله جغنی
 سویلشد. بو اراضینك اوج مثلی جسامتمده اولوب
 صکره دن اسقا اولنه جق ساحه نك ویره جکی والیوم مزروع
 اولان اراضینك ویرمکده اولدیغی محصول دخی حساب
 ایدیه جك اولور ایسه بالاده کی مقادیرك برقچ سنه صکره بغدای
 ایچون برقچ میلیون طونه و پاموق ایچون لاقیل بر میلیون بالیه
 حقیقه جغنی درکاردر. بابلیر زماننده پاموق زراعتی مهم بر موقع
 اشغال ایتماش و بئجه و خرمالق حالنده اولیسان محالدرده
 منحصرأ بغدای و آریه یتشیرلمشدی.

(ویاقوقس) بابل مملکتینك بغدای محصولی آتی مایون طون
 راده سننده تخمین ایدیور که بو مقدار سائر ارباب وقوفك
 حساباته از چوق توافق ایدیور. بعض وئائق تاریخیه دن
 برنجی خسروك دور سلطنتده (۵۳۱ - ۵۷۸ بعدالمیلاد)
 بر حافظ قادیشیق بغدای (یاری یاریه بغدای و آریه)
 ایچون اوج مثقال کوش تأدیه اولندیغی بیلورز. بر حافظك
 وزن حقیقسنی قطعیتله تعیین ایتمك ممکن دکلدر. مع مافیه
 بونك یا قرق ایکی یا قرق آتی بچق کیلو غرامه معادل اولسی اغلب
 احتمالدر. اگر بونك اورته سی اولان قرق درت کیلو غرامی
 مقیاس عد ایدر و اوج مثقال کوشك ۱۳,۶ غرامه معادل
 اولدیغی حساب ایلر سهك ایکی کینتال بغدایك اوتوز غرام کوش
 دکرنده یعنی شمیدیکی آچه مزه کوره ۵,۳۳ مارق (تقریباً)

او تو زایکی غروش (قیمتندہ اولدیغی اکلا شیلیور . روایات تاریخیہ .
 دندر کہ ساسانی حکمدار لری محصولک نصفنہ قدر اولان مقدارینک
 آلتیدہ بری برینی املاک ویرکوسنہ اساس اتخاذا ایلشردر . اگر
 محصولک مقدار مجموعی آلتی میلیون طون و املاک ویرکوسنی ده
 بونک آلتی رادہ سندہ تخمین ایدر ایسہک حکومتہ دوشن حصہ نک
 ایکی میلیون طوندن عبارت اولدیغی اکلا شیلیور .

ساسانیلردہ مستعمل اوزان و اکیالہ کورہ بومقدار قرق
 بش میلیون حافظہ معادلدر . برحافظ بغدادیک قیمتی اون مثقال
 اولسنہ نظر احکومت وزنہ سنہ یوزاوتوز بش مثقال کیریوردی .
 بابلدہ کشف اولنان کتابہ لردہ برنجی خسروک پدری اولان
 (قوباد) ک دور سلطنتدہ سوادى زرع ایدن اہالیدن یوز الی
 مثقال ویرکو آلتدیغی محرردر . بودہ بالادہ کی حسابک حقیقتہ
 مقارن اولدیغی کوستریور . خلافت عربیہ نک ایلک
 اوچ یوز سنہ لک دورہ سنہ عائد اولمق اوزرہ بعض واردات
 جدوللری الہ ایدلمشدر . بوجدوللرک اک اسکیسندہ - کہ
 حضرت عمر زمانندہ تنظیم اولتمشدر - سواددن ۸۴ میلیون
 مثقال ویرکو آلتدیغی بیان اولنیور کہ بومبلغ عربلر طرفندن بالآخرہ
 مقیاس اتخاذا اولنان درہم حسابیلہ یوز یکر می میلیون درہم
 ایدر . تاریخ بزہ بوندن ماعدہ ساسانیلر حاکمیتک صوک اون
 بش سنہ سی طرفندہ بیزانس ایلہ اجرا اولنوب ساسانیلرک
 مغلوبیتیلہ ختام بولان محارباتک ، داخلی اختلافاتک

وفرات ایله دجله نهرلرینک مدهش بر فیضاننک ۹۲۷ سنه میلادیه سنده پک بیوک تخریبات و خساراتی مؤدی اولدیغنی و بومصائبدن دولایی سواد اراضینک بر مدت غیر منزع قالدیغنی بزه اوکره تیور . بناء علیه عراقدن آلنان وارداتک او ائاده اهمیتلی صورتده تدنییه اوغرامسی شایان تعجب دکلدر . بتون بوفلا کتره ایلک خلفای عربک دور سلطنتلرنده کی اداره سزلکنی علاوه ایدر ایسهک تناقص وارداتک اسبابنی دها ای اکلالمش اولورز .

مقر خلافتی مدینه دن دمشقه نقل ایدن معاویه زماننده (۶۸۱-۹۶۱) عراق اهالیسندن تحصیل اولنان ویرکولرک یکونی یوز میلیون درهمه تنزل ایتمشدی . مع مافیه امور اداره نک بر آرتحت انتظامه آلمسی اوزرینه بو مبلغ بر مدت صکره یوز اوتوز بش میلیونه چیقمششده صوک خلفای امویه زماننده آلتش میلیون درهمه قدر تنزل ایشدر . عباسیلرک مرکز خلافتی دمشقدن بغداده نقل ایتلری نتیجه سی اوله رق عراق وارداتنده تکرار برتراید حصوله کمشدر . هارون الرشیدک زمان سلطنتنده یالکز عراق اهالیسندن تحصیل اولنان ویرکولر یوز اوتوز بش میلیون درهمه بالغ اولمشدر که بو مبلغ سینورلری آفریقای شمالیدن آسیای وسطییه یقین بر نقطه یه قدر اوزانان خلافت عربیه نک عموم وارداتنک بر ربغنی تشکیل ایدیوردی . بو حال عراقک کرک اسکی ایرانیلر و کرک بونلری

استخلاف ایدن عربلر ایچون دائماً ک مهم بر منبع واردات
تشکیل ایتش اولدیغی کوستریور . هارون الرشیدک دور
سلطنتدن صکره عراق سریع خطوله ایله ورطه انقراضه
یووارلندی . طقوزنجی عصرک اواسطنه طوغری حاکمیت
عربییه انحطاطه یوز طومتغه وبونک مقامنه عثمانلی نفوذی قائم
اولمغه باشلادیغی زمان سوادحوالیسندن سکسان میلیون درهمدن
فضله واردات آله میوردی . خلافت عربیه نک زیر حکم و نفوذی
آلتمه اونجی عصرک نصف تانیسندمه عراقده اجرای سلطنت ایدن
امرای بویده نک زمان اداره سنده ویرکولری التزامه ویرمک وارباب
زراعتک املاک و اموالنی مصادره ایتک صورتیه صوک دفعه
اوله رق عراقدن یوز میلیون درهمه یقین بر مبلغ قوپاریله بیلمشدر .
مع مافیه شیرازمانتظامی بسبتون بوزولمش اولان افراد عسکریه نک
چاپو جلیلیغیه حریص نقد مأمورلرینک وباخصوص تحصیلدارلرک
تضییقاتی نتیجه سی اوله رق ۹۸۵ تاریخندن اعتباراً عراق کویلیلری
طاغیلیمغه و شهرلر خرابیتیه یوز طومتغه باشلادی . آرتق
بوندن صکره حکومتک قدرت و نفوذی او قدر تدنی ایتدی که
شوراده بوراده قالمش اولان بعض تارالاری شمالدن و شرقدن
آقین ایدن افراد عشائرک یغما کر لکنه قارشو محافظه ایتک بیه
ممکن اوله مدی . اون اوچنجی عصرده فرات و دجله حوالیسی
اوزرندن بر قاصیرغه کبی کچن مغوللر استیلا سی صوک اثار عمران
ومدنیتی بسبتون محو و خراب ایتدی . عراق والجزیره قطعاتنک

شمديکي حال سفالت و وحشتک مبدای ايشته بومغول استيلا-
سيدر . آرهدن يدييوز شوقدر سنه کچديکي حالده بابيليرک
اثرغيرت ودهاسي اولان جدولار ، سدر ، نه قلوژلر بسبتون
خراب و متروک بر حالده بولنيور و بر زمانلر ميلیونلرجه خلق
ايه مسکون وهرقاريش طوپراغي مزروع اولان بوفیضدار
قطعات شمدی ایصسز بر بیابان منظره سنی اراڤه ایديور .

حاکمیت عربیه نک ایلک عصر لرینه عاڤد اولان ویرکو جدوللرینی
تدقیق ایدرک شمالده اولان عراق الجزیره و جنوبده اولان
عراق قطعه لرینه اصابت ایدن حصه تکالیف آرهدنده بر مقایسه
یا بمق فائده دن خالی دکدر . هارون الرشید زماننده موصل
حوالیسندن ۲۴ میلیون نسبین ، سحر ، حازان و یوقاری فرات
حوالیسندن ۳۴ میلیون ، آدم و جیلاله ایرماقلرینک طاغلق
اراضیدن کچن یوقاری عجرالرینه مصادف یرلردن ۷ میلیون که مجموعاً
آلتش بش میلیون درهم ویرکو آلنوردی . بو مقدار
او زمان مصر اهالیسندن تحصیل اولنان تکالیفک یگونه
همان همان مساوی ایدی . مارالذکر اوچ منطقه الیوم هیچ بر
اثر حیات و بر آزیوکدن بشقه محصول ویرمین چولاردرلر .
حالبوکه آثوریلر ، قدیم ایرانیلر و عربلر زماننده
بوراده میلیونلرجه زراع یرلشمش بولنیوردی .
الجزیره نک حضرت عمر طرفندن فتحی متعاقب اجرا اولنان
تعداد نفوسده اوراده ویرکوی شخصی یی ویرمکه مکلف

بشیوز الی بیک کشی، تعبیر دیگر له او قدر خانه و چفتلکات صاحبی بولندیغی آ کلاشلمشدر .

بوندن الجزیره ده - بلاد جسیمه اهالیسی داخل اولدیغی حالده - تقریباً آلتی میلیون خلق بولندیغی استدلال ایتک جائزدر . حالبوکه بو کونکی کونده - همده افراد عشائر داخل حساب ایدمک شرطیه - عینی حوالیده اولسه اولسه بر میلیون اهالی اقامت ایتکدهدر .

بالاده کی مسروداتمز عراق و الجزیره قطعاتنک فعالیت فراخیه تکرار کشاد ایدمسی حالنده ترکیه نکه نه درجه لرده عظیم استفاده لر تأمین ایده جکنه صریح بر دلیل تشکیل ایدیور . مع مافیه بواسطه بالضروره تدریجی اوله جق و آنجق برقچ سنه صکره حدغایه سنی بوله جقدر . برده عراق و الجزیره حوالیسی اعمار ایچون فوق العاده عظیم مصارف اختیار ایتک لازم کله جکنی نظر اعتباردن دور طوتمامق ایجاب ایلر . مصارف مسئله سندن صکره کلن مسئله فرات و دجه حوالیسنک اسکانی کیفیتدر . اعاده زراعت اوله جق یرلرده کیملر یرلشدیر یاه جک و بوراسی کیملر معرفتیه ایشلایه جکدر ؟ مهندس سیر (ویلقوقس) اون سنه اول قاهره ده یومسئله مهمه بی موضوع بحث ایتدیکی زمان : ارباب زراعتی مصر دن و هندستان دن جلب ایتلیدر دییه قیصه بر حکم و یرمشدر . سیر (ویلقوقس) پروژهنی عینا احتوا ایدن عثمانلی نافعنه نظارتنک ۱۹۰۹ تاریخلی

مخاطره سنك صوكنه طوغرى مذكور پروژەنك شيمديك آنجق
 بغداد شهريله بصره كورفزي آره سنده كائن اولوب یدی ،
 سكر سنه ظرفده اروا اولنه بيله جك وبشقه طرفدن چيفتجي
 جلبنه احتياج اولمقسزین يرليار ايله زرع ايديله بيله جك اون
 اوچ بيك كيلومتر و مربعی بر ساحه يه منحصر اولديغی ، يوقسه
 عراق و الجزيره ده قابل اجرا عمليات اسقائيه دن بونده
 بحث اولمديغی ، وقت مناسبده بتون مه زوپوتاميايه شامل
 بر پروژەني تنظيم ايتك ايجاب ايدە جکی ، مع مافيه توركيه نك
 اقسام سائرە سندن عراقه كويلی سوقی امکان خارجنده قالدجه
 وقايتو لاسيون معاهداتی فسخ والغا اولمقدجه بتون مه زوپوتامياي
 زراعتە صالح بر حاله قويق قطعياً جائز اوليه جفی زميننده بعض
 مطالعات يورودوليور . بوسوزلرله آنجق خارجدن كله جك
 مهاجرلر تابعيت عثمانيه يي قبول ايللری و محاکم عثمانيه نك
 حکم و نفوذينه تابع طوتيلملىر تامين اولندقدن صكره
 عمليات جسيمه يه ابتدار اولنه جفی مضاسی قصد اولنسه كر كدره
 بو ملاحظات تركيه نك منافی نقطه نظرندن غایت معقول
 و منطقيدر . شو قدر كه بغداد ايله دكر ساحلی آره سنده کی
 اون بش كيلو مترولق اراضينك - خارجدن مهاجر جلب
 ايتمكسزین - زرع اولنه بيله جکی حقدە کی مطالعه پك عندي
 و خيالپرورانە در . دوشونملى كه قونيه اووه سنده آنجق درت الى
 بش بوز كيلو مترو مربعی وسعتده برير زراعتە صالح بر حاله قونيلمقدم


اولدینی حالدہ بورا ایچون نرددن زراع تدارک اولنه بیله جکی
 مسئله سی علاقه دارانی شمیدین دردین درین دوشوندیریور .
 آٹنه اووه سی ایچونده عین درشونجه لر واندیشه لر وارد اولمقده در .
 قونیه اووه سنک اراقه اولنه جق قسمندن اوتوز مثلی واسع
 اولان شط العرب حوالیسی خارجدن عناصر اجنبیه جلب
 ایدلمکسزین عجمانصل مسکون قلنه جقدر . عثمانلی نافعہ نظارتک
 خطرہ سنده عراق جهتندہ کی اون اوچ بیک کیلو مترولق
 یرایچون زراع بولمق مسئله سنک غیر موجود اولدینی بیان اولنمسی
 یا نافعہ نظارتی اکابر مأمورینک شط العرب دہلتاسندہ کی احوال
 حقیقیہ واقف اولماملری یا حقیقت حالی کتم ایتک ایستہ ملری کبی
 ایکی سبیدن برینہ عطف اولنماید . اگر بوایکنجی شقی قبول ایدر ایسہ
 او حالدہ تورکیہ دہ امور نافعہ بی اداره ایدن کیمسہ لک ال آلتدن انکلیز
 منافعی التزام ایتدکلرینہ حکم ایتک ایجاب ایلر . عراق پروژہ سنی
 حاضر لایان مهندس سیر (ویلقوقس) انکلیز اولمسی و عثمانلی نافعہ
 نظارتک باشندہ انکلیز محبی اولان ایکی ارمنی بولنمسی شایان دقت
 بر کیفیتدر . مع مافیہ بو حالہ باقوبدہ نافعہ نظارتی محافلندہ مصر دن
 و هندستاندہ عراقہ مهاجر جلب لہندہ بر جریان موجود اولدینی
 ذہابنہ دوشمک طوغری دکلدرد . بو مخالفک باشلیجہ و بلکہ دہ یکانہ
 ارزوسی عراق جهتندہ کی عملیات نافعہ بی (ویلقوقس) ہ یاپدیروب
 و بوايشہ انکلیز مالیوننک اشتراکنی تأمین ایلکدر . شمیدیلک
 بوندن واسع تصورلر موجود اولمسہ کرک .

مع مافیه کسب عمران و ثروت ایتمک ایچون محتاج اولدیغی
اهالی بی بولمقدن عاجز اوله جق بر مملکتده یوز الی میلیون
مارقدن آتی یوز میلیون مارقه قدر مال اوله جق جدوللر و سائرلر
وجوده کتیرمک یهوده بر مصرف اوله جفی درکاردر. تورکیه ،
کندی اهالیسی آره سندن عراق ایچون مقدار کافی زراع
تدارک ایده مز . بوسنه ، بولغارستان ، کرید و قفقاسیادن کلن
مهاجرین اسلامییه دکل آسیای عثمانینک منتهای جنوبیسنده لیکن
آناتولینک روم ایلی یه قریب حوالیسنده کی نقصانی سکینه بی تلافی
ایده جک قدر کثرتلی دکلدر . ذاتاً بومهاجرلر عراقه سوق واسکان
اولنسه لر بیه اورانک آب و هوا سیاه امتزاج ایده میه جکلدر .
بناءً علیه عراقک تنها قسملرینی مسکون و مزروع
بر حاله قویق ایچون شرائط اقلیمییه سی عراقککنه مشابه
و مماثل اولان سائر ممالکدن مسلم چیفتجیلرینی جلب
ایتمکدن بشقه چاره یوقدر . بومهاجرلرک اسکانندن بالآخره
بر مسئله سیاسییه چیقمامسی ایچون بونلره تابعیت عثمانیه بی قبول
ایتدیرمک بغایت لازمدر . حالوکه تورکیه ایاه حکومت سائر
آره سنده قاپیتولاسیون معاهده لری منعقد قالدجه هندستان
اهالیسندن اولان کویلیلری تابعیت عثمانیه اداخل ایتمک ممکن
اولیه جقدر . مصر لیلره کلسجه هر نه قدر بونلر لفظاً تبعه عثمانیه دن
ایسه لرده مصر دن کله جک مهاجرلرک ارکیچ انکلیز نفوذینک
نشر و تعمیمنه وانکلیز منافعنک تزیدینه خادم بر آلت کسینه .

جکالرینه هیچ شبهه یو قدر. تورکیه اموری بومنوال اوزره دوام
ایتدجکه قایتولا سیونلرک الغاسی یولنده شدید و قطعی تشبث واقع
اولنجیه قدردها خیلی مدت کچه جکدر. آلمانیا نه آناطولی یه،
نه الجزیره یه نه ده عراقه مهاجر سوق واسکان ایتک املنده اولمادیغی
ایچون حکومت مذ کوره طرفدن قایتولا سیونلرک تعدیل و یا فسخی
مقصدیه وقوع بوله جق بر تشبته قارشى ایقاع مشکلات و موانع ایدلمسی
وارد خاطر اوله ماز. مع مافیه تورکیه، کندی مأمورین ملکیه
وعدلیه سنک اکثریسی غیر مسلم اولان اجنیلر حقنده کی افعال
ومعامله لرنده قاعده عدل و بیطرفیدن ذره قدر انحراف ایتیه جکنه دائر
اورویایه تأمینات قویه و کافیه ویرمکه مقتدر اولمقدججه قایتولا سیونلرک
رفعی حقنده بر تکلیف ایله اورویانک حضورینه چیقامیه جقدر.
بالاده کی مطالعات احتماله بزى اصل بحمزدن بر آز
اوزاقلاشدیردی. بویه ایکن بونلری زائد عد ایتیمورز.
زیرا ملاحظات مذ کوره بغداد تشبیه حائر مناسبت
اولان مسائل سائرهنک دائره تأثیر و شمولی کوسترمکه
خدمت ایدیور. دیگر طرفدن حد ذاتنده حائر اهمیت
وجالب مراق برچوق نقاط فرعیه دن بعضیلری سطحی بر
صورتمه موضوع بحث ایدلدیکی کبی بعضیلریده بسبتون
مسکوت عنه بر اقلیمشدر. هله بو اوافق اثرده ایران یایلاسندن
آق دکنر ساحلنه قدر اوزانان ممالک فسیحه ده کی مشاهدات،

تدقیقات ، انطباعات ذاتیہ ملہ باشمہ کلن بعض سرگذشتی
 تصویر و حکایہ ایتکہ امکان بولہ مدیغمہ جدّاً متأسفم . چونکہ
 الجزیرہ ، عراق و سوریه طرفلرنده اجرا ایتدیکم اوزون
 بر جولاندرکہ بنی بغداد مسئلہ سی حقنہ کی افکار و مطالعاتک
 شوراجقدہ بسط و تمہید ایدلمسنہ سائق و سبب اولمشدر .

انتہا



خطا صواب جدولی

صواب	خطا	سطر	صحیفہ
قونفرانس لر دخی	قرنفرانس لر	۵	۴
اولان - بو	اولان بو	۷	۶
قطعه لری	قطعه لرینک	۱۹	۶
اراضیسینک	اراضیسی	۲۰	۶
قطعه لری ، اھالیسی	قطعه لری اھالیسی	۱۳	۷
قلیلی	قلیل	۵	۷
مقدارینی	مقدار یکی	۱	۹
صرب	صرب	۶	۱۰
یا	نیہ	۶	۱۱
ویا	یا	۷	۱۱
نفرک	نفرنیک	۱۷	۱۷
یوق کہ	یوق	۲۱	۱۸
اولمامازہ	اولمہ مزہ	۶	۲۴
ایتملرینی	ایتدکلرینی	۴	۲۷
آلمانیانک	آلمانک	۲	۲۸
ہند	ہندلی	۲۱	۳۱
غایت	وغایت	۱۲	۳۵
کویتدن	وکویتدن	۱۶	۵۳
عبدالحمید	عبدالحمید	۵	۵۹
برینی	بری برینی	۳	۱۱۳
اثر حیاتدن صوکرہ کوستر	اثر حیات وبرآز	۱۷	۱۶۶
مہین وبرآز			
بولوندیغنی	بولوندیغنی	۴	۱۱۷
مہزوپوتامیا	مہزوپونامیا	۶	۱۱۸
ہندستاندن	ہندستاندہ	۱۷	۱۱۹
جلبی	جلب	۱۷	۱۱۹

کتابك فهرستی

صحیفه

۳ آناطولی و آلمانلرک تشبثات استعماریه سی - آناطولی نه در؟ -
تووکلر ناصل یشایه بیلیرلر؟ - نه دن ازیلیورلر؟ - مکلفیت
عسکریه مسئله سی .

۱۵ بغداد مسئله سنک جهت سیاسییه و اقتصادیه سی - آلمانیا ،
انکلتره اختلافنک اسبابی - آلمانیا دوئمناسز یشایاماز -
چنبرله نین پولتیقه سی .

۴۶ خطک کذرکاهی - تشکلات ارضیه واحوال طبیعییه به کوره
اقسام مختلفه - مختلف پروژهره نظراً کذرکاهلر - انکلیر،
عثمانلی ، آلمان نقطه نظرلری - مسئله زراعیه ، نهرلر
و ویلقوقس .

۱۲۳ خط سلطنتک کذرکاهی کوسترن خریطه .

۱۲۴ خطا صواب جدولی .

۱۲۵ کتابك فهرستی .

Order of the Committee on the Judiciary

Handwritten text on the back of the page, likely bleed-through from the reverse side of the leaf.

Handwritten text in Urdu script, likely a continuation of the letter or a separate note, written on aged, textured paper.

Am 12. Aug. 1892

1890

[illegible]

1890

Handwritten notes in Urdu script, likely bleed-through from the reverse side of the page.

